

წიგნის მაღაზია „ცოდნა“-ს გამოცემა № 49.

K 268.104
3

K

იმპერიუმის მეფე

სოლომონ მელი

(1808-1910 წ.)

აღ. ხახათაშვილისა.

თ ვ ი ჭ ი ს ი.

1911 წ.

წიგნის მაღაზია „ცოდნა“-ს გამოცემა № 48

၁၃၀

J. A. M. C.

ଓଡ଼ିଆ କୋରନ୍‌ଏଟିକ୍ସ

სილომის გე-III

ଓଡ଼ିଆରୀଙ୍କ ପାଇଁ

ପ୍ରକାଶ. ଅଳ୍ପ. ୧୯୬୧ମାର୍ଚ୍ଚିଆଲ୍‌ମେଲ୍.

K 268.104
3



ଓଡ଼ିଆ ପତ୍ର

სრუმბა „გუტენბერგი“, ოლგ. კუთ. სლეპც. № 1.

1910

მეფე იმპერეთისა

სოლომონ მე-II

წინასიტყვაობა.

1910 წელს შესრულდა ასი წელიწადი, რაც იმპერეთის სამეფო
შეუძლებელი რესერვის მიერეთის უკანასკნელი მეფის მოდგაწეობა და-
კავშირებულია იმ როგორ გარემოებათა ვითარებასთან, რომლის
გამონასკვამ და შემდეგ ხმლით გაკვეთამ მოჟღვა ბოლო დასაჭ-
დეთ საქართველოს სამეფოს. ამიტომ ჩვენ გვსურს მოქლეთ გა-
გაცნოთ მეოთხეულს ცხოვრება სოლომონ II მეფისა და მიუგწევთ
ტანჯულს გვირგვინთასას იმ საწყალით, რომლის დარსიც გახდა
იგი მიუდგომელ ისტორიის მსჯავრის წინაშე.

ცოლომონ II, მეფე იმპერიუმისა, ტახტზე ასვლამდე იშოთ
 დებოლა დავითად. იგი იყო ძმისწული სოლომონ პირველისა,
 ძე არჩილისა, შვილის-შვილი ირაკლი მეორისა და დარეჯან
 დედოფლისა. როცა გარდაიცვალა სოლომონ პირველი (1784
 წელს), დავითი დარჩა თორმეტის წლისა. რადგან აც ამ სო-
 ლომონ მეფეს არა ჰყავდა ვაჟი შვილი, ამიტომ ირაკლი II-ს
 მოეწალინა იმპერეტის ტახტის მემკვიდრედ აღიარებულ კო-
 უილიყო მისი შვილის-შვილი, მოხსენებული დავით არჩილის ძე.
 სოლომონ მეფეც დასთანხმდა და შვილიდ-მემკვიდრედ მიიღო
 დავითი. მაგრამ როცა სოლომონ I გარდაიცვალა, ერთა მე-
 ფედ მოისურვა ისეთი პირი, რომელიც ასაკში იყო მოსული,
 და არა მცირე-წლოვანი ყმაწვილი, როგორიც იყო დავით
 არჩილის ძე. სასახლის კაცებში ტახტის ღირსად დაინახეს მე-
 ფედ ბატონიშვილი, ისიც სახელიდ დავით, ხოლო ძე გიორგისი.
 ვიორგი იყო ძმა სოლომონ პირველისა. ამ გიორგის ძე, და-
 ვითი, 29 წლისა გახდა, როცა გარდაიცვალა სოლომონ I.
 იგი ცხოვრობდა კაი ხნით აღმოსავლეთ საქართველოში, მაგ-
 რამ იდროვა და მეფის სიკუცხლეშივე დავით გიორგის ძე
 დაბრუნდა ტფილისიდან იმპერეტს, სადაც ჩაიბარა მეფისაგან
 წართმეული საუფლისწულო მამული. აი, ეს დავით გიორგის
 ძე, 29 წლის ვაჟკაცი, ამჯობინეს 12 წლას დავით არჩილის
 ძეს და ერთხმივ აღარეს იმპერლებშით თავიანთ მეფედ. სარ-
 დარმა პაპუნა წერეთელმა დიდი სამსახური გაუწია დავით
 გიორგის ძეს, თავის ცოლის ძმას, და გაამეფებინა იგი იმე-
 რეთში. მოსალოდნელი იყო არეულობა დავით არჩილის ძის
 ბედის გაჭისაბრუნებლად, მაგრამ რუსეთის წარმომადგენელმა
 პოლკოვნიკმა ბურთაშევმა და მაქსიმე კათოლიკოზმა მიიღეს
 საშუალება, რომ ხალხი დროებით დაეწყნარებინათ და ეც-
 ნათ კანონიერ მეფედ გიორგი დავითის ძე.

* Бутковъ. Матеріали для нової історії Кавказа.

ავიდა რა იმერეთის ტახტზე დავით გიორგის ძემ მაშინვე გაგზავნა ელჩები რუსეთში, მსგავსად სოლომონ I მაგალითისა, და ითხოვა დედოფლის ეკატერინე მეორისაგან შეწყნარება და მფარველობა. ელჩები იყვნენ ამორჩეულნი სარდარი და სახლოხელცხელის ზურაბ წერეთელი, მმა მოხსენებულის პაპუნა წერეთელისა, პირველი მდივანბეგი დავით კვინიხიძე და კათოლიკოზი მაქსიმე. ზურაბ წერეთელმა 1785 წ. 8 ივლისს მიართვა პეტერბურგში თავ. პოტიომპეინს წერილი, სადაც განმარტავდა, რა სარგებლობის მოტანა შეეძლო რუსეთისთვის იმერეთის შეერთებას. ამავე დროს მეორე წერეთელი, პაპუნა, ზურაბის ძმა, ძირს უთხრიდა მეფეს დავით გიორგის ძეს შიგ იმერეთში. პაპუნას დამხარებით გამეფებული დავით გიორგის ძე მოექცა სრულიად სხვა პირის გავლენის ქვეშ და არ გაუმარტლდა პაპუნას სამეფოში პარპაშობას იმედი; მეფესთან დახლოვებულმა ქართლიდან გამოქცეულმა ელიზარ ერისთავმა, რომელსაც ბრალდებოდა ორაკლი მეორის წინააღმდეგ შეთქმაში მონაწილეობის მიღება, არ დააკმაყოფილებინა არც მცირე-წლოვანი დავით არჩილის ძე, სოლომონ პირველის მიერ მემკვიდრედ აღიარებული, და არ დააჯილდოებინა თვით პაპუნა წერეთელი იმ ციხე-სოფლებით, რომელთა დასაკუთრებისთვისაც მას ხარბი თვალი ეჭირა. ამგვარად, მცირე-წლოვანი ორაკლი მეფის შვილის-შვილი დავით არჩილის ძე და პ. წერეთელი შეაერთა ბედმა და ჩაუიქრა, როგორ დაელწიათ თავი მოულოდნელიდ გაბმული ქსელიდან. რაკი ორაკლი მეფემ თავის შვილის-შვილი მხოლოდ დავით მეფის კეთილ სინიღისს მიანდო და მათ განხეთქილებაში მონაწილეობას არ იღებდა, ამიტომ წყრეთელმა და მასთან თავადმა წულუკიძემ მაპმართეს ახალციხის ფაშას სოლეიმანს და თავიანთ განზრახვას მომხრები მოუპოვეს.

სოლეიმან-ფაშა ახალციხელი და მასთან ომარხანი ავაზელი საქართველოს ორივ მხრიდან სწერდნენ. ამათ სასიმოვნოდ დარჩათ იმერეთში აღგზნებული შინაური განხეთქილება და არევ-

დარევა. ამათ მხარი დაუჭირეს მეფე დავითის მოწინააღმდევე დასს. პაპ. წერეთელსა და თავ. წულუკიძეებს 1786 წ. ზამთრის დღებში ჩაბარეს 500 ლეკი და 1000 თურქი იმერეთზედ დასაცემად და ასაკლეპად. მაგრამ ბეღმა შემოსეულს ჯარს უმტყუნა: მეფე დავით გიორგის ძის რაზმა დაამარცხა შემოსეული შტერი და მათ წინამძღვართ—წერეთელსა და წულუკიძეს, წა. ართვა სოფლები და მამული. 1787 წ. შემოდგომამდის გა მაგრძნენ დასჯილნი თავადნი მიუვალს ციხეში და შემდეგ კი გაიქცნენ და თვით მცირე-წლოვანი, მეფედ აღიარებული დავით არჩილის ძე, იძულებული შეიქმნა თავი შეეფარებინა ახალციხეს, სადაც დარჩა 1789 წლამდის.

ამგვარად, გამარჯვებული დარჩა დავით გიორგის ძე და შეუდგა სამეფო ტვირთის ზიდვას. მის განმტკიცებას ხელი შეუწყო რუსის მთავრობამაც. როგორც ზევით მოვიხენიეთ, დავით გიორგის ძემ ტახტზე ასვლის შემდეგ გაგზავნა ელჩები რუსეთს მფარველობის სათხოვნელად. მართლაც, დავით გიორგის ძეს მოუვიდა გენერალ პოტემკინისაგან 4000 ოქრო და ამასთანავე დაავალა თავის მხრივ იმერეთში გამოგზავნილ პოლკოვნიკს შეგულინს მშვიდობიანობა ჩამოეგდო იმერთა შორის, შეერიგებინა მეფე დავით გიორგის ძე ამბოხებულ თავადებთან და დაემეგობრებინა დადიან-გურიელთან გარეშე მტერთა მოსაგერებლად. ხოლო რადგან სრული წესისა და ერთსულობის განმტკიცება მოითხოვდა მცირე-წლოვანის დავით არჩილის ძის იმერეთიდან განდევნას, ამიტომ უნდა ჩაეგონებინათ ამ ბატონიშვილისთვის წასულიყო რუსეთს დედოფლის მფარველობის ქვეშ იმ იმედით, რომ შემდეგ ბეღს იქნება ერგუნებინა სოლომონ მეფის შემკვიდრეობა.

დავით არჩილის ძემ არ მიიღო ეს მოწოდება. ამან არჩია ახალციხეში დარჩნა და, ხუთი-ექვსი წლის ბრძოლის შემდეგ, მიზანსაც მიაღწია. დავით არჩილის ძემ შეწყეობა სთხოვა ირაკლი მეფეს, რაკი მიაღწია ახალციხიდან ტფილისამდე. ირაკლიმ გაგზავნა იგი ოდიშს გრიგოლ კაცის ძე დადიანთან.

ამ უკანასაკნელისა და ქართლ-კახეთის ბატონიშვილის დავითის დახმარებით დამარცხდა იმერთა მეფე: დავით გიორგის ძე ტახტიდან გადმოაყენეს 1790 წ., სამეფო სკიპტრა აიღო დავით არჩილის ძემ და დაირქვა სოლომონ მეორე. დავით გიორგის ძე კი გაიქცა ახალციხეში და იქვე გარდაიცვალა 1795 წ., ხოლო დავით არჩილის ძე, გამეფებული სოლომონ მეორის სახელით, შეითვისა ირაკლი II-მ, როგორც საუკარელი შვილის-შვილი და სანატრელი მემკვიდრე იმერეთის ტახტისა.

სოლომონ მეორეს ამის შემდეგ მოელოდა განუწყვეტელი უსიამოენობა. ჯერ ეს ერთი, რომ განდევნილი მეფე დავით გიორგის ძე არ შეურჩებოდა უბრძოლველად თავის მწარე სვეს. მართლაც, პატივ-ახდილი მეფე შემოესია იმერეთს დაქირავებული ლეკების ჯარით, დაამზრცხა სოლომონ II და განდევნა სამეფოდან. ხალხმა მეფე და იცნო კვლავ დავით გიორგის ძე. ახლა სოლომონ მეორეს გაუხდა სახვეწირი საქმე. მოვიდა იგი ქართლს, შეაბრალა ოვი ირაკლის და ამის შვილის-შვილის იოანეს დახმარებით დაიბრუნა იმერეთის ტახტი და განდევნა ლეკები და თურქები, რომელნიც დავით მეფეს ეხმარებოდნენ. სოლომონ მეფე დროებით დაამშვიდა იმერეთი და თვით განდევნილს დავითს, ირაკლისა და ახალციხის ფაშის დახმარებით, პირობა დაადგებინა, რომ წინააღმდეგობას იღარ გაუწევს და მოხრილ თავით დარჩება საცხოვრებლად იმერეთში.

მაგრამ ამით, რასაკვირველია, არ გათავდებოდა დავითის ფარული მოძრაობა სოლომონის წინააღმდეგ. მიმმრო-რა მან გრიგოლ დადიანი, ოსმალთაგან 1784 წ. მეფე და წოდებული თვეადი აბაშიდე და ახალციხის ფაშა, დავითმა განიხრახა სოლომონის მოკვლა. როცა ეს საიდუმლოება გამომულავნდა, დავითმა შეჰვიცა ერთგულებაზე და ამანათად გაუგზვნა სამის წლის შვილა კონსტანტინეც, რომელიც სოლომონ მეფე რაჭაში მუხურის ციხეში დაატუსალა. ამის შემდეგაც

არ დასცხრა მაინც დავითი; ქიშპობა არ მოისპო. მან აღა-
შფოთა გრიგოლ დადიანი და ომით შეაბა იმერეთს.

სოლომონმა დაამარცხა დადიანი, გააქცია იგი აფხაზე-
თისკენ და მის ადგილის გადატონა უმცროსი ძმა მისი მანუ-
ჩირ, ხოლო თვით დავით კი გაიქცა ახალციხეს.

არ გავიდა დიდი ხანი და სოლომონს კვლავ წინააღმდეგა
გრიგოლ დადიანი აფხაზთა, გურულთა და ლეკთა დახმარე-
ბით. შეერთებული ჯარი მოადგა კოტატის (*), მაგრამ, და-
მარცხებულნი სოლომონის მიერ, გაითანტნენ და დროებით
გაყუნჩდნენ. გადაყენებული დავთ მეფე, მომწყვდეული ახალ-
ციხეში, იმედს არა ჰკარგავდა თურქთა დახმარებით ტახტი
დაებრუნებინა. რუსეთმა კი თავის ბედის წერას მრანდო იმე-
რეთის საქმეები. ირაკლი II დახმარებას არ აკლებდა სოლო-
მონს და მოაშველა კიდევ ბატონიშვილი ალექსანდრე არ-
ტოლერიით. იმერეთში საოშრად სამხადის ბოლო მოულო-
დნელად მოედო. 1795 წ. ოებერვალში გარდაიცვალა ახალ-
ციხეს ყვავილით დაავადმყოფებული მეფე დავით. ამის შვილი
კონსტანტინე დარჩა შეველად სოლომონს, ხოლო იმის ცო-
ლმა ანნამ თავი შეაფარა ირაკლი მეფის მფარველობას. სო-
ლომონ შეფე, ირაკლის შუამავლობით, შეურიგდა გრიგოლ
დადიანს და დაუბრუნა მას სადადიანო. ერთობის გასამტკი-
ცებლად სოლომონმა შეიროო ცოლად დადიანის დაი, ხოლო
გრიგოლ დადიანმა დაიწერა ჯვარი ირაკლი მეფის შვილის-
შვილზე, ნინო გიორგის ასულზედ. ამ ნათესავური კავშირის
დაჭერით ისარგებლა სოლომონ მეფემ იმერეთის სამეცოს
საქმეების მოსაშუალებად და შშვილობიანობის დასამყარებლად.

იმავე წელს (1790), როდესაც სოლომონ II ავიდა ტა-
ხტზე, იგი შეეკრა ხელწერილით — ტრაქტატით მეფე ირაკლის
და გურია-სამეგრელოს ბატონებს. ამ ტრაქტატის ძალით, ირა-

*) Дубровинъ. Исторія войны и владычество русск.
на Кавказѣ, т. III и IV.

კლი II, სოლომონ II, დადიანი გრიგოლ და გურიელი სი-
მონ ალიარებდნენ ერთობას გარეშე მტერთა წინააღმდევ, კვირდებოდნენ ეთრმანეთს დახმარებას მშვიდობიანობის დასა-
მყარებლად, აღუთქვამდნენ ზრუნვას ოჯახის კეთილდღეო-
ბისათვის. რაკი სასურველი განწყობილება დაიკირა მონათვ-
სავე მეფე-ბატონებთან, სოლომონმა ახლა მოინდომა რუ-
სეთოთანაც კავშირით დამეგობრება. ამ მიზნით მან გავზავნა
1791 წ. პეტერბურგს ელჩად ცხობილი მგოს.ნი ბესიკი
(ბესარიონ გაბაშვილი), რომელმაც ტფილისიდან გამოდევნის
შემდეგ მასთან შეაფარა თავი. ბერიქ დაევალა გამოსხიუოს
რუსეთის მთავრობას იმგეარი ტრაქტატის ხელშეკრულება, რომელიც ეკატერინე მეორე დაუდო ქართლ-კახეთის მფლე
ირაკლის 1783 წ.; გარდა ამისა, სოლომონის ელჩს უნდა
ერჩია რუსეთისათვის დაეწესებინათ საკონსულო თანამდებობა
ახალციხეს, ბათუმსა და გურიაში; დაერჩმუნებინა რუსის მთა-
ვრობა, რომ მისთვის ღილად სასარგებლო იყო ნავთიადგუ-
რის გამართვა ფოთში, ბათუმში და ანაკლიაში (ოდიშში).
ამისთანავე ბერიქს უნდა განემარტა ათხაზეთის ოსმალია ბრჭყა-
ლებისაგან განთავისუფლებას აუცილებლობა, რათა ამ სამ-
თავროში კვლავ აღორძინებულიყო ქრისტიანობა და რუსე-
თისადმი ერთგულება.

ხელშეკრულობამ *), რომელიც დაიდო ქართველთ მე-
ფეთა და ბატონთა შორის, დაავალა მეფე სოლომონს დახ-
მარება გაეწია ირაკლისთვის, როდესაც რუსეთთან დაახლო-
ვებით საქართველოზე განრისხებული სპარსეთის შპი აღა-
მაშმაღ-ხანი დაეცა 1795 წ. ტფილის. სოლომონი კარგად
ჰეგდავს, რომ ქართლის დამცარება და შესუსტება იმერე-
თისთვისაც სავნოა, და ამიტომ იგი 2000 კაცით გამოეშურა
თავის პაპასთან, ირაკლი მეფესთან, მტერთან გასამკლავებლად.

*) ცაგარელი. Документы, относящиеся до истории
Грузии, т. II, вып. I.

სოლომონი გაჰყავა ირაკლის ერევნისაკენ სპარსეთის შავის წინააღმდეგ, მაგრამ ჩეარა უკანვე დაბრუნდნენ. როცა შავი მოადგა ტფილისს, ომის წინ გამარჯვების უშედონი ჯარის სიმცირის გამო, იმერეთის რაზმი გამობრუნდა თავის წინამძღოლით—ზურაბ წერეთლითურთ. ამ სასტიკს შეტაკებას ქართველთ და სპარსთა შორის რუსეთი შორიდან უყურებდა, თუმცა 1783 წ. ტრაქტატის ძალით მეფე ირაკლისა და იმპერატრიცა ეკატერინეს შორის, რუსეთი ვალდებული იყო დახმარება აღმოეჩინა. არამც თუ თვით რუსეთის მთავრობამ მოთხოვნილი ირაკლის მიერ 3000 კაცი არ გამოუგზავნა და მხოლოდ ქადალდების მიწერ-მოწერით კმაყოფილდებოდა, არამედ კავკასიის მთავარ-სარგალს, გრაფს გულოკის, პეტერბურგიდან აგონებდნენ კიდევ, რომ მაინც და მაინც მეფე სოლომონს ნუ წაჟეზებ ირაკლის მხარში ამოუდგეს დიდ განსაცხლის დღესათ. ამ საქციელით რუსეთს უნდოდა სტამბოლი არ მოენდურებინა, რადგან იმერეთს ხონთქარი უყურებდა, როგორც თავის სამფლობელოს. აშიტომ გარსევან ჭავჭავაძეც პეტერბურგის გარეშე საქმეთა კოლეგის ურჩევს ტფილისის სპარსელების-მიერ აღების შემდეგ იმერეთს ნუ ააშფოთებთ და მოძრაობაში ნუ მოიყვანთ, თორებ ისმალეთი მაშინვე ჯარს მიუსევს და დაიკერს იმ სიმაგრეებს, რომელიც ქუჩა კაინარჯის პირობის ძალათ იმერეთს დაუთმოო.

მართლაც, უკვე 10 ოქტომბერს 1796 წ. გენერალი ზუბოვი სწერს ირაკლი მეფის ელჩს თავ. გარსევან ჭავჭავაძეს, რომ, პოლკოვნიკის სიროხნეების ცნობით, ისმალონი აპირებენ ჯარის შესევას იმერეთში, რომ სოლომონ მეფე გადააყენონ და ტახტზე დასვან განსვენებულის დავით მეფის შვილი. ეს ხრიკები არ გამართლდა და სოლომონი დარჩა მეფედ. იმისი ხასიათი და სიმტკიცე მაშინ გამოჩნდა, როცა ქართლ-კახ-თის ბედი გადაწყდა. ირაკლი მეფის შვილმა გორგიმ დიდხანს ვერ იმეფა. 1801 წ. გან უტევა მან სული და საქართველოს ისტორიის ჩარხიც სხვანაირად დატრიალდა. ტახტის

მემკვიდრედ უკვე დამტკიცებული იყო დავით ბატონიშვილი, პირმშო გიორგი მე-XII, მაგრამ რაღაც ყალბად შედგენილ, ვითომ ირაკლის მიერ, ანდერძის ძალით, დავითს ტახტს წა-მოედავა ბატონიშვილი იულონი, ძმა გიორგი მეფისა. ქართლ-კახეთი ორ დასად გაიყო: ერთი ნაწილი თხოულო-ბდა დავითს, მეორე—იულონს. ამ უთანხმოებით სარგებლობ-დნენ მტერ-მოყვარენი და შინაურს განხეთქილებას ამწვავებ-დნენ. ამ ქვეყნის დამლუპველს ძმათა ბრძოლაში გახვის სო-ლომონ მეფეც. ბატონიშვილებმა ვახტანგმა და მირიანმა მი-იმხრეს სოლომონი და მიაწერინეს იმპერატორ პავლესთან წერილი თხოვნით, რომ ქართლ-კახეთის ტახტი მიეცეს იუ-ლონს. ეს უთანხმოება ბიძასა და ძმისწულს შორის გათავდა მით, რომ რუსეთმა ორივეს გამოსწერა ტახტი, უკან ჩამოა-ყენა დავითიც და იულონიც და საქართველო თავის სამ-ფლობელოდ გამოაცხადა.

საქართველოს რუსეთთან შეერთების შემდეგ ჯერი მიღვა იმერეთზედ. რუსეთის მთავრობა ცდილობდა ჩარეულოყო იმერეთის შინაურს საქმეებში და რჩევით თუ ცბიერებათ სო-ლომონის სამეფოც დაეჭირა. შემთხვევაც ეძლეოდა ეტირ-თნა უზენაესი როლი დაჩაგრულობა მფარველობისა და მშვიდო-ბიანობის მცველისა! რუსის ჯარი იმოსებოდა შინაური განხეთ-ქილების დროს მფარველ-ანგელოზის სამოსლით. როცა სო-ლომონ მეფემ მოინდომა დავით მეფის ქვრივის დედოფლის ანნას შეპყრობა ხეფინისხვში, კაპიტანმა ბარტენევმა იმერთა რაზმი გაპფანტა და დედოფალი განსაცდელს გადაარჩინა. დაინახა ანა ანნამ თავისი გასაჭირი მდგომარეობა, გამოსწია ტუილისისკენ და 1801 წ. სოხოვა მფარველობა გენერალს კონრინგს. შეიწყნარეს დედოფლის ჩივილი და ნება მისცეს პეტერბურგში წასელისა უმაღლესის კალთის ქვეშ დასამკვი-დრებლიდ. ამასთანავე, განგებ დანიშნულის მოხელის სოკო-ლოვის პირით მოსთხოვეს სოლომონს, რომ ბატონიშვილი კონსტანტინეც გაენთავისუფლებინა და გაეგზავნა რუსეთს...

სოლომონმა ამის მაგივრად მოითხოვა, რომ რუსის ჯარი დახმარებოდა მას გრ. დადიანთან ვასამკლავებლად. ამგვარად, ქართლ-კახეთის ბატონიშვილების საქმეში ჩამბმა და ბრძოლა გრიგოლ დადიანთან ხდებოდა რუსეთის გთავრობის მხრივ შეტაკების საბუთად სოლომონ მეფესთან. ეს ორნაირი და-მოკიდებულება მეზობელ სამფლობელოებთან გახდა იმერე-თის დაცემის მიზეზად.

სოლომონ მეფე თუმცა ტახტზე ავიდა გრიგოლ დადიანის დახმარებით, მაცნც მას არ ენდობოდა და უმცროსი ძმისთვის, მანუჩარისთვის, უფრო უცემდა გული *). სოლომონისა და ახალციხეელი შერიფ-უაშა დახმარებით მანუჩარი ეურჩებოდა გრიგოლ დადიანს. მაგრამ როცა შერიფ-უაშა ახალციხი-დან განდევნეს, გრიგოლ დადიანმა ძალა მოიკრიფა აფხა-ზთა შეწყებით და შეწყება ბევრი აჩვენა სოლომონ მე-ფეს. ასე გაგრძელდა საქმე 1802 წლისთვის, როცა სო-ლომონ მეფემ გაიმძღვარა მანუჩარი და სამეგრელოს თავადუ აზნაურნი ლეჩხუმის დასაკრაიდ. სოლომონმა გაიძარჯვა იმ-დენც, რომ გრიგოლ დადიანს შერჩა მხოლოდ ორი ციხე—მური და ჩვეისი. ამ გაკირვებულს მდგომარეობაში გრიგოლ დადიანმა, მთავარ-მართებლის თავი. ციციშვილის შეამდგომ-ლობით, მაპმართა რუსეთს და ითხოვა მისგან მფარველო-ბა. რუსეთმა სათხოვარი შეუსრულა: 1803 წ. სამეგრელო რუსის ხელმწიფის ფრთას მოეფარა, თვით გრიგოლ დადიანი წმ. ალექსანდრეს ორდენით იქმნა დაჯილდოვებული და რუ-სის ჯარიც გაუგზავნეს, ორგულთა შესაბოჭელად. სოლო-

*) ბატონიშვილი დავრთ (მასალები საქართველოს ისტორიისათვის 1740—1840 წწ., ცვ. 56) ამბობს: წელს 1799 ვინაიდენა მეფე იშტრთა მარადის სცდრლობდა, რათა დასხაგროს და გარდავდოს დადანი გრიგოლ, ამისთვის კვალად გარდაბირა მეფემ ქაიხოსრო გვა-ლოვანი, მოურავი ლეჩხუმისა. დადიანმა მიყვანა თვისთან გელოვანი და დალატით მოელა იგი და წარუგზავნა თავი მეფესა იმერეთს.

შონბა ხმა ფაიკმინდა და დროთა ვითარების მიმღინაურობას უცრი წაუგდო.

შუღლი და განხეთქილება სამეგრელოსთან ამით უნდა შოსპობილიყო. მაგრამ ერთსულობა და ნათესაობა ქართლ-კახეთის სასახლესთან სოლომონ მეფეს ავალებდა ბატონიშვილების საქმისთვის თვალი ედევნებინა, და რამდენადაც შეეძლო, დახმარება აღმოჩენია. ეს საქციელი კი, რუსეთის მთავრობის შეხედვით, დალატი იყო, და ღალატი კი თხოულაბდა სასჯელს ულმობელსა და სასტიკს.

სოლომონ II კარგად ხედავდა, რა განსაცდელში იყო, როცა უარჲყო რუსთ ხელმწიფის ბანება და კონსტანტინე ბატონიშვილი, თანახმად სოკოლოვის წინადადებისა, არ გაათვისუფლა მუხურის ციხიდან. დახმოვებულნი მეფესთან პირნი, როგორც ქაიხოსრო წერეთელი, უჩევდა მას დადიანთან ომის გაგრძელებას, იქნება იმიტომაც, რომ ამ სარდალს იმედი ჰქონდა დაეჭირა სამეგრელოსაგან ომით წართმეული მამულები. გარდა ამისა, სოლომონის დაღის დედა, ფედოფალი დარგვან, მეუღლე ირაკლისა, აგონებდა იმერეთის მეფეს არ შეეწყნარა რუსეთის მოთხოვნილება კონსტანტინე ბატონიშვილის განთავისუფლების ზესახებ, რადგან რუსის მთავრობა განიზრახავდა დატყვევებული მემკვიდრის გამეფებას იმერეთში. ამავე აზრის ჩამონებელნი იყვნენ ირაკლის შვილები იულინ, ილექსანდრე და ფარნაოზ, რომელთაც თავშესაფარად იმერეთი აირჩის და იქიდან აქეზებდნენ აჯანყებულს ქართლ-კახეთს.

სპარსეთიც ბანს აძლევდა ამათ და სოლომონს აფრთხილებდა — რუსის მთავრობას არ დაემორჩილოთ. შავი ბაბა-ხანი სწერდა მას, რომ საქართველო შეადგენს მას სამფლობელოს ნიწილს და ამიტომ, თუმცა გიორგი მეფემ რუსის ჯარი ჩა-ჟენა ტფილისში, მაინც სპარსეგი არ დაუთმობს რუსეთს და აგზავნის რაზმს იულონის დასახმარებლად და გასამეფებლად. სოლომონსაც იულონის მხარე ეჭირა და ელოდა სპარსეთის მხრივ დახმარების შედეგს.

რაკი ეს მიღრეკილება სოლომონისა შეკნიშნა რუსის
მხრივ საქართველოში მთავარ-მართებლად დანიშნულმა გენე.
რალმა ციციშვილმა, მიზეზი მიეცა ჩარეულიყო როგორც
სამეცნიეროს საქმეების მოწესრიგებაში, აგრეთვე თვით სო-
ლომონის დასატუქსავად იმის ორგულობისთვის რუსეთის წი-
ნაშე. რადგანაც სამეცნიერო რუსეთის მფარველობის ქვეშ *)
იყო, ამიტომ თავადმა ციციშვილმა მოისურვა დადიანის და
სოლომონის შეტაკებაში მონაწილეობა მიეღო. ხონთქარმა
ხელი მოუმართა ამ საქმეში ჩახარევად. გართალია, სამეცნიე-
რო ოსმალოს უზენაესს უფლობას ემორჩილებოდა, მაგრამ
რუსეთთან მისი დახლოვება სტამბოლს არ აწუხებდა, ხოლო
ახლციხის დათმობას ხონთქარი არ შეიწყნ. რებდა. რაკი
რუსეთსა და ოსმალეთს შეუა მიწერ-მოწერით ამგვარად შე-
თანხმდა მოხდა სამეცნიერო-ახლციხის შესახებ, გენერალმა
ციციშვილმა შეადგინა სამეცნიეროს შემორჩების პირობის
გეგმა და გაუგზავნა გრიგოლ დადიანს. ამან მოიწონა დადე-
ბული პირობა და მოითხოვა მხოლოდ სწრაფად დახმარება
სოლომონის წინაღმდეგ. მოლპარაკება და დახმარება კი
არც ასე ადვილი იღმოჩნდა. სოლომონი არ აძლევდა და-
დიანისა და ციციშვილის შუაქაცებს იმერეთზედ მისვლა-მოს-
ვლის ნებას. მაინც ბოლოს მოხერხდა სამეცნიეროს სურვი-
ლის ასრულება და 4 დეკემბერს 1803 წ. გრიგოლ დადიანმა
ფრცი დასდო რუსთ ხელმწიფის ერთგულებაზე.

სამეცნიეროს რუსეთთან შეერთების შემდეგ იმერეთი

*) დავით ბატონიშვილი ასე მოგვითხრობს (მასალები, გვ. 69):
მეფე იმერთა სოლომონ მარადის სტყვენგიდა ოდიშსა, და ლეჩეუმსა და
ხდევნიდა დადიანს გრიგოლს, ამად უძალო ენილმან დადიანმან შეიტანა
თავი თვისი მფარველობისა ქვეშ რუსეთისასა და აუწყა ციციშვილსა.
მამენელი ამისი ციციშვილი ფრიად მხიარულ იქნა, ვინაიოგან სწადდა
ვაცემაცა იმერთა მეფისა და დაპყრობა იმერეთისა. ამან ყოველივე თხო-
ვნა აღუსრულა. გამოვიდა ყირიმით ბელეცის პოლკი, მოვიდნენ ზღვის
პირს და აღაშენება ციხე ყულევს და დადგნენ მუნ.

შოექცა ორს წყალს შუა: ერთის მხრივ ქართლი და მეორეს მხრივ — დაღიანის სამფლობელო გადავიდნენ რუსთა უზენაესს გამავლიბაში და სეთივე დღე მოელოდა იმერეთსაც. სოლომონი კარგად გრძნობდა განსაცდელს, მაგრამ გრიგოლ დაღიანთან მშვიდობიანობის დამყარება შეუძლებლად მიაჩნდა. ამის მიზეზად გახდა დედოფალი დარეჯანი, ირაკლის მეუღლე. რაკი გრიგოლ დადიანმა შეირთო ქართლ-კახეთის მეფის გიორგი მე-XII წალი ნინო, დარეჯანი გადაუდგა სამეგრელოს და მოწყალების თვალი განსაკუთრებით სოლომონ მეფეს, თავის შვილის-შვილს, მიაპყრო. დადიანისა და მეფის შორის უსიამოვნობის გაღიზინებას ხელს უმართავდა ლეჩეუმი (სივრცით 80 ვერსი სიგმითა და 40 სიგანითა), რომელიც ხან იმერეთისა და სამეგრელოს მთავრებს ეჭირათ ხოლმე. სოლომონ II მოინდომა ლეჩეუმის დასაკუთრება, და რადგან დაღიანი სუსტი გამოდგა თავის ძალ-ღონით გაძლიერებოდა იმერეთის მეფეს, მიენდო რუსეთს თავ. ციციშვილის შეამავლობით. სამეგრელოში რუსის მთავრობის შესვლამ მოახლოვა იმერეთის სამეფოს დაცემაც. მაშინდელი აწეწილ-დაწეწილი საქართველო და საერთო დელვა საქართველოში საბ ბს აძლევდა გენერალს ციციშვილს სოლომონი ნიშანში ამოელო და მის დამორჩილების სურვილით წაქეზებულიყო.

სხვა-და-სხვა გზით დაუწყო სოლომონს შევიწროება საქართველოს მთავარ-მართებელმა: თავდაპირველად მან მოითხოვა, ბრონევსკის შუაკავკაბით, რომ იმერეთის მეფეს გაენთავისუფლებინა დატყვევებული ბატონიშვილი კონსტანტინე. მეორეს მხრივ იგი თხოულობდა, რომ იმერეთში თავ-შეფარებულნი ბატონიშვილები იულონ და ფარნაოზ ირაკლის ძენი გადაეცა რუსის მთავრობისათვის. მართალია, იმერეთისათვის სამძიმო შეიქმნა ქართლიდან გამოქცეული ბატონიშვილების შეჩახვა; ხალხი შევიწროვდა ახალი გარდასხადის დადებით, რომელიც ქართლ-კახეთის ტახტის მემიერებელთათვის დაიდგა; მაინც სოლომონ II ნათესავური გრძნო-

ზა ვერ ჩაიკლა გულში და თავშესაფერი გაუჩინა დევნილს
 მეფის შვილებს. ამ გარემოებამ ჩააფიქრა სოლომონ მეფე და
 მეტადრე გრიგოლ დადიანის რუსეთის მფარველობის ქვეშ
 შესვლამ აიძულა თითონაც ეთხოვა რუსის ხელმწიფისაგან
 უზენაესი გამგეობა იმ პირობით. რომ რუსის ჯარი დახმარე-
 ბოდა მას დადიანის დასამორჩილებლად. სოლომონი დასთან-
 ხმდა კონსტანტინე ბატონიშვილის განთავისუფლებას ათის
 წლის ტყვევების შემდეგ, ბრონვესკის მეტადანეობით. მაგრამ
 იულონი და ფარნაოზი კი ვერ დაიყოლია ნებაყოფლობით
 წასულიყვნენ პეტერბურგს, ძალის ხმარება კი მათზე არ
 მოისურვა.

ამ მოლაპარაკებასთან ერთად შეუდგა სოლომონ მეფე
 იმერეთის საქმეების მოწყობას რუსეთთან შესაერთებლად.
 მან გაგზავნა პეტერბურგს სოლომონ ლეონიძე მფარველო-
 ბის სახოვნელად. რაკი ძალადატანებულმა სოლომონ II
 გაანთვისუფლა ტყვეობიდან ბატონიშვილი კონსტანტინე იმ
 პირობით, რომ იგი იმერეთიდან გასულიყო, იძულებული
 იქმნა რუსთა მფარველობის ქვეშ შესულიყო, რომ ეცი-
 ლებინა თავიდან კონსტანტინეს გამეფება ჩრდილოეთის ძა-
 ლის დახმარებით. ამით აიხსნება შეერთების ტრაქტატში იმ
 პირობის შეტანა, რომლითაც სოლომონ გამოითხოვდა უმაღ-
 ლეს დამტკიცებას იმერეთის ტახტზე როგორც თვის, აგრე-
 თვე თავის ჩამომავლობისასაც: ხელშეკრულობაში მოხსენე-
 ბული იყო, რომ მხოლოდ მეფის უშვილობის გამო შესაძლო
 ყოფილიყო მემკვიდრედ ბატონიშვილ კონსტანტინეს გამო-
 ცხადება.

სოლომონ მეფე მოწადინებული იყო, რაჟი საქმე ძალის
 ატანდა, გრიგოლ დადიანისთვისაც კი გაესწრო და იმაზე
 აღრე შეჰქროდა რუსეთს პირობის დადებით; ამავე დროს
 საიმდუმლოდ აბრკოლებდა გენერალ ციციშვილისა და სამე-
 გრელოს მთავრის დაახლოვებას და არც მასთან შულლით არა

საქართველო	ჭ
პარლამენტი	ის
ეროვნული	ი
გიგანტები	ა

სცხრებოდა. თავ. ციციშვილი აფრთხილებდა მეფეს, მაგრამ დატიანისადმი სიმძულვარე იმდენად შეუდრეკელად ამოქმედებდა, რომ დადიანის შუაკაციუ-კი მოაკვლევინა *). ეს გარემოება ძლიერდა რუსის მთავარ-მართებელს კანონიერს საბუთს გაეგზავნა, თანახმად პეტერბურგიდან მოწერილ ბრძანებისა, ჯარი იმერეთის მეფის დასატუქსავად.

26 ოქტომბერს 1803 წ. გამოვიდა უმაღლესი ბრძანება სოლომონის წინააღმდეგ საქმის დაწყებისა. მიზეზად ჩამოოკლილია სხვა-და-სხვა დანაშაული, რომელიც ბრალდებოდა იმერეთის მეფეს. იგი არა სპობდა მისვლა-მოსვლას ხონთქართან და მან ვერაგულად მოაკვლევინა სამეგრელოს მთავრის კაცი. ამიტომ იმპერატორი ალექსანდრე I აცნობებდა თავ. ციციშვილს, რომ დაწყებული მოლაპარაკება სოლომონის ელჩითან — ლეონიძესთან — მოსპობილ იქნა. ამასთან ვე ქართლკახეთის შვილობიანობის დასაცველად იმ არეულობისაგან, რომელიც ძლიერდებოდა იმერეთში, საჭიროდ და აუცილებლად დაუნახავთ იმერეთის დაჭერა რუსის ჯარით, მით უმეტეს, რომ სამეგრელო, უკვე იმპერატორის მფარველობაში შესული, თხოულობს დახმარებას თავის დაუდევარი მეზობლის წინააღმდეგ. პეტერბურგის მთავრობა ბოლოს აცნობებდა ციციშვილს, რომ მისთვის მიუნდვიათ გადაწყვეტა, იმერეთი დაიჭიროს პირველად, თუ სამეგრელო.

გენერალი ციციშვილი სწორებდ ამ ნებართვას ელოდა სოლომონის მოსახრელად. მაგრამ იმერეთში შესვლა მაინც სწრაფად ვერ გაბედა, რადგან ჩრდილოეთ კავკასიიდან მოელოდა ტფილისში ორს პოლკს. ესენი მოვიდნენ მხოლოდ ნოვემბერში 1803 წ., როდესაც თავ. ციციშვილს მოუხდა განჯაზე გალაშქრება. რამდენისამე თვის შემდეგ კავკასიის მთავარ-მარ-

*) ამ მოციქულის გვარი იყო კვინიხიძე. ამ დანაშაულობისთვის გორგანცოვი სწერს ციციშვილს (15 სექტ. 1803 წ.), იმერეთი ახლავა ჯარით უნდა დავიკიროთო. Акты Кавказс. археогр. ком. II, № 714.

თებელი, პეტერბურგიდან სრულის უფლებით შემოსილი სა-
მოქმედოდ თავისი სურვილისამებრ, შეუდგა იმერეთის და-
ყრობის. გაგზავნა რა რაზმი სურამისაკენ, თავ. ციციშვილი
აცნობებდა სარდალს ქიხოსრო წერეთელს, რომ ქარიშ-
ხალი მოელის იმერეთს ჩრდილოეთიდან; სოლომონს შეუძ-
ლაბ აცცინოს ეს განსაცდელი სამეფოს, თუ თავს მოიღ-
რეს. მაშინ საქმე გათავდება მშვიდობიანობით და იმერეთს
გამოუბრწყინდება დიდებული მხე. თავ. ციციშვილს სურდა
მოლაპარაკებით დაეყოლიებინა სოლომონ მეფე, რათა აეც-
ლინა ომი, რომელიც მოითხოვდა დროს და ჯარს, მთავარ-
მართებელს კი აწუხებდა ერვენის ხანი და მისს მოხრას იმე-
რეთთან შეტაკება დაავიანებდა.

სოლომონ მეფეც ცოტა მოიხარა, რაჯი გრენადერის
პოლკი იმერეთის საზღვრებს გაუსწორდა. ვითომ განჯის
აღების მისალოცად, მეფემ გაუგზავნა თავად ციციშვილს
ქიხოსრო წერეთელი და სეხნია წულუკიდე თანამებლებლე-
ბით და თან წერილიც აახლა, სადაც ითხოვდა რუსის ქვე-
შევრდომობას იმ პირობით, რომ დადიანისაგან წართმეული
ლექსუმი იმერეთისთვის შემოექრთებინათ. ციციშვილი ამ პი-
რობაზე არა სთანხმდებოდა და მოლაპარაკება მოისპო. მთა-
ვარ-მართებელი ამბობდა, რომ იგი ნებას არ მიცემს რუსის
ქვეშევრდომის—გრ. დაღიანისთვის—ლექსუმი გამოეწირათ;
ხოლო მეფის წარმომადგენელნი ვერ აძლევდნენ გადაწყვე-
ტილს პასუხს, რადგან არ იყვნენ აღჭურველნი უფლებით
ლექსუმი დაეთმოთ. ციციშვილმა მისცა 12 დღე ვადა მოსა-
ფიქრებლად, და საქმის მოსაწყობლად თავის მხრივ გაგზავნა
ქუთაისს პორუჩიკი—კამერგერი გრაფი მ. ს. კორონცოვი.
მეფემ პატივის-ცემით მიიღო ვორონცოვი, მაგრამ გამოგ-
ზებნილს პირობას ხელი არ მოაწერა.

რაჯი დიპლომატიურის მოლაპარაკებით არა გამოვიდა რა,
თავ. ციციშვილმა მიჰმართა იმერთა მოსყიდვას, ოქრო-ვერც-
ხლის ბვანგარდმა ჩქარა გავლენა შოიპლეან მოთავედ ციცი-

შვილმა დანიშნა გიორგი აბაშიძე, სარდალ ქაიხოსრო წერეთლის სიმამრი. ამ 60 წლის მოხუცის გამჭრიახობას და ორი თვეის მოუსვენარ მისელა-მოსვლას ქ. გორსა და სოლომონის რეზიდენციის შორის, უნდა მიეწეროს ის გარემოება, რომ გავლენიან პირთ შეიცვალეს აზრი რუსის ქვეწევრ დონიბაზედ და აღონებდნენ ჩეფეს აეცილებინა სამეფოისათვის მოვლინებული განსაცდელი. სოლომონმა ამ მდგომარეობაში მოისურვა პირადად მოლაპარაკება მთავარმართებელთან. თავ. ციციშვილმა ერთი ეგერთა როტა გაგზავნა გახანს, აართლის სოფელს, იმერეთის საზღვარზე. სოლომონი დიდის აძლით წამოვიდა და ჩამოხტა სოფ. ლელვანში. 19 აპრილს 1804 წ. შეხვდნენ ერთმანეთს დაბალაზნაურში. სოლომონმა კვლავ მოითხოვა პირობად ლეჩხუმის იმერეთთან შემოერთება. ციციშვილმა შეწყვიტა მოლაპარაკება და გამოუცხადა მეფეს, რომ იგი იძულებულია სხვაგვარი შეხვედრა იქონიოს სოლომონან, ესე იგი ომის ველზე. მეორე დღეს ციციშვილმა გაგზავნა ჯარი იმერეთის უახლოეს სოფლებში მებატონეფა და გლეხთა რუსეთის ერთგულებაზე დასაფიცლებლად. ბევრმა მართლაც იფიცა. ამ შემთხვევამ შეარყია სოლომონი და კიდევ გამოუგზავნა ციციშვილს თავის მახლობელი მრჩეველნი მოსალაპარაკებლად. მეფე თანხმობას აცხადებდა ხელი მოეწერა ტრაქტაზე, სადაც ჩამოთვლილია სათხოვარი მუხლები, იმ პირობით მხოლოდ, რომ მუხლს ლეჩხუმის დაბრუნებაზე სამეგრელოს მთავრისთვის ციციშვილი ნუ მოიყვანდა აღსრულებაში, ვიდრე თვით ხელმწიფებმ არ განიხილოს მეფის უფლება ამ დაჭერილს მამულზე. ციციშვილი ხელწერილით დასთახმდა ამ პირობის დამატებაზე და დაუტოვა სოლომონს ლეგბული ლეჩხუმის ციხე-სოფლები უმაღლეს განკარგულებამდე. ამის შემდეგ 25 აპრილს 1804 წ. სოლომონ და ციციშვილი შეორედ შეხვდნენ ერთმანეთს. მეფემ მიიღო ფიცა თავის დიდებულებით და მოაწერა ხელი სათხოვარს მუხლებს. მთავარ

შართებელმა ილმასით შემკობილი ალექსანდრე ნეველის ორ-
დენი მიართავ. ასე გადაწყდა 25 აპრილს 1804 წ. იმერეთის
ბეჭის პირველი ნაბიჯი.

თავ. ციციშვილმა სასიხარულო მოხსენება გაგზავნა პე-
ტერბურგს: იმერეთის სამეფო რუსთის იმპერიის ოლქიდ
გადიქცაო და საქართველო, 1390 წ. ალექსანდრე I მეფისა-
ვან გაყიფილი, შეერთებულ იქმნაო რუსთის იმპერატორის
ალექსანდრე პირველის მიერა. გაგზავნილი აქტი ხელმწიფებ
მოაწერა 4 ივლისს 1804 წ. და მეფის სახელზე გამოიცა
წყალობის სიგელი, სადაც ნათქვამია: „ვისმინე-რა თხოვნა
თქვენი და თქვენის ქვეშევრდომ ხალხისა შესახებ მიღებისა
ჩვენს ხელმწიფებისა ქვეშ და საუკუნო ქვეშევრდომად ჩვენი
იმპერიისა, —რასთვისაც თქვენ უპირველესის თვალებით მიერა.
თის ხამეფოისა ფიციც ჩვენსა და ჩვენის შემკვიდრეების წინაშე
მიიღეთ, უშმოწყალესად ვინებეთ და დაგამტკიცეთ, ჩვენო სა-
ყვარელო ერთგულო მეფევ იმერეთისავ სოლომონ, ამ თქვენს
ხარისხში, რომელიც ჩვენ-მიერ ამ ბოქტბულის სიგელის ძალით
თქვენი მემკვიდრენიც მარად უამ ჩვენგნით ვალდებული არიან
მიიღონ და ჩვენი ბრძანება აასრულონ. მოგანდობთ რა იმე-
რეთის ხალხის გამგეობას სიმშვიდოთა და სიმართლით, დაგი-
მტკიცებთ სრულის ძალით ყველა თქვენ სათხოვარს მუხლებს
და ლილებულად გიცხადებთ და ჩვენი იმპერატორობითი სიტ-
ყვით გპირდებით, თქვენ და თქვენი იმერეთის ხალხი, ვითარ-
ცა ჩვენი ერთგული ქვეშევრდომნი, და ყველა თქვენი
მომავალი მემკვიდრე დავიცვათ თქვენის მტრისაგან, რადგან
დარწმუნებულნი ვართ, რომ თქვენ და თქვენი მემკვიდრენი
ერთგულები იქნებით და პირიანად აღსრულებაში თქვენის
მოვალეობისა დარჩებით შეურჩეველნი”.

ქვემოთ, მოგვყავს სათხოვარის მუხლები სოლომონ მე-
ფისა, რომელნიც უმაღლესად დამტკიცებულ იქმნენ. ახლა
კი მოკლედ განვიხილოთ, რამ აიძულა მეფე იმერეთი რუ-
სეთის მფარველობისთვის მიენდო.

სოლომონ II, როგორც თანამედროვენი მოწმობენ, იყო
ჰევიანი, გამჭრიახი და შორსმხედველი კაცი. ქართლ-კახეთის
რუსეთთან შეერთებამ დაანახვა სოლომონს, რომ, დღეს თუ
ხედო, აუცილებლად იგივე ეწვეოდა იმერეთსაც. მისი თავ-
მოყვარეობა და დიდების სურვილი შეეტაქა ისტორიულს
ისეთს ვითარებას, რომ მოქმედების გეგმა უნდა შეეცვალა.
როცა სოლომონი პირველად ტახტზე ავიდა, მან მოისურვა
იმერეთის გაცოცხლება და განციდება. იგი ოცნებობდა და-
კარგული მამულების შემოერთებაზე, განდგომილ მთავრების
დამორჩილებაზე დამთელ დასავლეთის საქართველოს ერთს
სამეფოდ გადაქცევაზე. ამ განზრიახვის წინააღმდეგა სამეცნიე-
ლოს მთავარი დადიანი და ამიტომაც მოუხდათ დაუძინებელი
მტრობა და გაუთავებელი ომიანობა.

სოლომონს გამარჯვება არ აკლდა — დადიანს ციხე-სოფ-
ლები წაართვა და დიდად შეავიწროვა, თითქმის მთელი
სადაციანო დაიჭირა და მთავარი ფოთისა და აჭარის საზ-
ღვრებული იმალებოდა *). გენერალი ლაზარევიც, რომელიც
1801 წ. ტფილისში რუსის სამხედრო კომისარად იყო, ჩაა-
ფიქრა იმერეთის მეფის გაძლიერებამ და პასუხი მოსთხოვა,
რა მიზნით ამრავლებდა ჯარს. მეფემ დაამშვიდა ლაზარევი
და აცნობა, რომ მისი სამზადისი დადიანის წინააღმდეგ არის
მიმართული. თუმცა 1801 წ. ქართლ-კახეთი შეუერთდა რუ-
სეთს, მაინც იმერეთის დაჭირას რუსის მთავარ-მართვებელი
ვერა ბედავდა, რადგან სოლომონს შეეძლო დაეცვა თავისი
დამოუკიდებლობა გაწვრთნილი ჯარით და ოსმალოს დახმა-
რებით, რომლის უზენაესს მფარველობას იმერეთი ზნ ეობით
ტვირთულობდა.

სოლომონ მეფე "კარგად ხედავდა განსაცდელს. იგი ორ
სუსტელს შეა იყო. ერთის მხრიց მხარს აძლევდა ბატონიშვილს

*.) Рапортъ подполковника Симоновича къ ген. Лазареву отъ 18 дек. 1802 г. Акты К. А. К., II, № 683.

ალექსანდრე ირაკლის ძეს, რომელსაც სპარსთა დახმარებით განეზრახა რუსების განდევნა საქართველოდან, შეორეს მხრივ იჩერეთის მეფე იძულ ებული იყო რუსეთთან კარგი განწყობილება დაეჭირა და მოთხოვნილების მიხედვით მიელო იმპერატორის მფარველობაც იმ პირობით, რომ სამეფო ხარისხი თვით შეენარჩუნებინა და მემკვიდრეებისთვისაც გადაეცა. რუსეთისთვის კი იმერეთის დაჭრა დიდად სასარგებლო იყო იმ მხრივ, რომ გზა ესსნებოდა მას შავი ზღვისკენ, და ამიტომაც გენერალს კნორინგს პეტერბურგიდან ამ საგანზე საიდუმლოთ კიდეც იგონებდნენ. მაინც ხონთქრის კრძალვით რუსეთი ვერა ჰბედავდა იმერეთის ძალით დაჭრის. ამიტომ თავ. ციციშვილი დაეკითხა რუსეთის ელჩს სტამბოლში იტალინსკის, — როგორ შეხედას თსმალეთის მთავრობა იმპერატორის სურვილს — იმერეთი, სამეგრელო და გურია ჯარით დაიჭირეთ? თსმალეთმა პროტესტი იმ გამოაცხადა და რუსეთის სამოქმედო ასპარეზი გაუხსნა. სამეგრელოს შეერთებაზე ციციშვილს მიწერ-მოწერა უკვე დაწყებული ჰქონდა. რუსთა დახმარებით დადიანს უნდოდა ლეჩხუმი შეენარჩუნებინა. სოლომონმა განიზრახა დაასწროს დადიანს რუსეთთან შეთნიშვნება და თვით შეეკრას ტრაქტატით იმ პირობით, რომ ლეჩხუმი იმერეთის ტახტს დარჩეს. სათხოვარი მუხლები შეადგინა მეფემ და გაატანა თავის მდივანბეგს — სოლომონ ლეონედეს. ამავე დროს განაგრძო თმი დადიანთან და შეუკრა გზა მას ციციშვილთან მისასვლელ-მოსუსვლელად, მაშინაც, როცა დადიანი რუსეთის ქვეშვრდომი გახდა, სოლომონ მეფე არა სცრებოდა: წართვა ციხე ტაბაკონა და მოლაპარაკება დაიწყო ხონთქართან. სოლომონის ამგვარი საქციიელი აცნობა ციციშვილმა პეტერბურგს და ამიტომაც ლეონიძეს *)

*) დავით ბატონებული (მასალები, გვ. 79) სწერს: გდივანბეგი სოლომონ ლეონიძე კარგა ყმა მეფისა ირაკლისა, რომელიც გარდასრულიყო... და იყოფებოდა მეფისა სოლომონისა თანა, იყო ფრიად განსწავ-ლული და გონიერ ვითარება ქართულისა, აგრეთვე რუსულიცა და გამოცდილ ფრიად საქმეთა შინა დროსა ირაკლი მეფისა.

არ აღირსეს იმპერატორის აუდიენცია და უბასუხოდ გამოისტომრეს. ხოლო ცაციშვილმა აცნობა სარდალს ქაიხოსრო წერეთელს, რომ, რესთა ხელშეიფის ბრძანებით, იგი შემუსრავს სოლომონს, თუ უკანასკნელი არ დაჭორჩილდება ნებაყოფლობათ. მართლაც, მორჩა რა განჯის აღებას, ციციშვილმა მოყენა იმერეთს გრენადერის პოლკი. რადგან სამღვდელოებამ და თავად-აზნაურობამ ითხოვეს ქრისტიანთა სიხლის ღვრიდან დახსნა, ციციშვილი შეუდგა მოლაპარაკებას. ტფილისში გაემგზავრნენ ქაიხოსრო წერეთელი და სენია წულუკიძე ციციშვილთან განჯის აღების მისალოცად და რუსის მფარველობაში შესკლის სურვილის გამოსაცხადებლად, იმ პირობით კი, რომ ლეჩხეუმი სოლომონს დატენოდა. ციციშვილმა ამ საგნის შესახებ უარი განაცხადა, იმ მიზეზით, რომ ტრაქტატით ლეჩხეუმი დასაკუთრებულია დადიანის მიერ; მაშინ მოკიქულებმა ითხოვეს დესპანი პირადად სოლომონთან მოსალაპარაკებლად. ციციშვილმა, როგორც მოვახსენეთ, გაგზავნა გრაფი ვორონცოვი ქუთაისს, მაგრამ პირადმა მოლაპარაკებამაც უშედებოდ ჩაიარა.

მოვეხსენებათ, რომ მაშინ თავ. ციციშვილმა გაიმძლვარა ოქრო-ვერცხლის ავანგარდი მოსასილდად და გაიმარჯვა კიდეც. ამასთანავე, ლეონიძესაც, რომელიც შეესწრო გზად პეტერბურგიდან ტფილისში, ციციშვილმა გაუზიარა აზრი, რომ სოლომონი იძულებულია რუსის მთავრობის პირობებს დაემორჩილოს და მოსალაპარაკებლად პირადი ნახვაც მოისურვა. 19 აპრილს 1804 წ. ელაზნაურში თავ. ციციშვილი და სოლომონ შევე შეხვდნენ ერთმანეთს. რაკი ლეჩხეუმს არ უთმობდა მეცე, მთავარ-მართებელმა შესწყვატა მოლაპარაკება და უბრძანა პოდპოლკოვნიკს ერისთავს ერთი როტა ჯარით იმერეთის მახლობელი სოფელი დაეჭირა და ფიცი ჩამოერთმა რუსეთის ერთგულებაზე. მეცემ მაშინ ისურვა მოლაპარაკების განახლება და პირადი ნახვა ციციშვილისა. 25 აპრილს 1804 წ. უკანასკნელად შეხვდნენ ერთმანეთს და „სათხოვარი

მუხლები“ ორივე მხარემ შეიწყნარა. მეფემ შეჭირუა რუსის ხელშითის ერთკულებაზე, ხოლო ციციშვილმა მიართვა ალექსანდრე ნეველის აღმასებით შემქობილი ორდენი *).

ოსმალების მთავრობამ სრული გრულგრილობა გამოიჩინა სამეგრელოსა და იმერეთის მიმართ, როცა აცნობეს მათი შეერთება რუსეთთან, და რუსეთის ელჩის იტალინსკის არც კი ჩამოუგდეს ლაპარაკი ამ საგანზე. მხოლოდ ფოთის შესახებ საქმე ცოტათი გამწვავდა. იმერეთის დაჭერა თავ. ციციშვილს იმიტომ უნდოდა, რომ თავისუფალი გზა გახსნოდა რუსეთს საქართველოსთან მისასვლელად შავი ზღვის ნავთსადგურებათა და რიონით. მთელის სამეგრელოს შემოერთების ფოთის შეძენას ამჯობინებდა მთავარ-მართებელი თავის მოხსენებაში ხელმწიფისადმი 27 ივნისს 1803 წ., ხოლო ფოთის დაჭერა იმპერატორმა ალექსანდრე I ამ მოინდომა, რადგან ამ ციხეში იმ დროს ოსმალოს 50 კაცი მცველი ჰყავდა. თუმცა, კაინარჯის ტრაქტტით, ოსმალეთს უფლება წაერთვა ფოთის ცაზის დაჭერისა, მაინც რუსეთის გარე შე საქმეთა სამინისტრო ცდილობდა ხონთქრის უსიამოვნება არაფრით გაელიზიანებია. მშვიდობიანად და ჩუმ-ჩუმად მოინდომეს ფოთის დასაკუთრება. თავად ჩარტორისკის აზრით, რომელიც მან აცნობა ციციშვილს 20 მარტი 1804 წ., შესაძლოა ამ საქმის მოწყობა შემდეგის ხრიკით: რადგან ყირიმიდან გზავნიან ფოთში სამეგრელოსთვის სურსათს, თავ. ციციშვილმა გაგზავნოს არჩეული რაზმი 50 კაცისა აფიცრის მეთაურობით, რომელმაც მიართვის კომენდანტს საჩუქარი და მოიპოვოს მცხოვრებთა ყურადღება კარგის განწყობილებით და გამოუტხადოს, რომ გამოგზავნილია იგი ფოთში ყირიმის სურსათის გასასტუმრებლად სამეგრელოში. ოსმალონი ნელნელა შეეჩვენიან ამ რაზმს და დარჩება იგი რუსეთის კოზისარად, ხოლო შემდეგ, გარემოებათა მიხედვით, შევიქნებით შეურყეველი ბატონები

*) სათხოვარი პუნქტები ნახე წიგნის დასასრულს.

ფოთისა. ან შეიძლება ფოთის დაჭრა მეორე-ნაირი საშუალებითათ: დადიანმა შეისყიდოს ციხის თავი იმ პირობით, რომ გააპარონ თურქთა რაზმი, ვითომ კომანდირით უკმაყოფილო, და მეგრელებმა, — ნახავენ რა ფოთს, მცველებს მოკლებულს, — დაიჭირონ იგი, ჩვენ კი გავამაგრებთ ამ ციხეს ჩვენის გარნიზონით და გამოფუცხადებთ ფაშას, რომ ფოთის დაჭრას შევეშველეთ მეგრელებს სამეგრელოსა და იმერეთის დასაცველად სხვა-და-სხვა მძარცველ-მტაცებელთაგანაო.

ციციშვილი ერთად-ერთ საშუალებად სთვლიდა ფოთის ძალით დაჭრას. სკადა მაინც სურსათის მისაღებად მოხელის ლიტვინოვის ფოთში გაგზავნა, მაგრამ ტაგანროგიდან მოსული გემბი ოსმალეთის კომენდანტმა ნაპირზედაც არ მიუშვა და უკან გააბრუნა. შესყიდვა ამგვარის კაცისა შეუძლებელი აღმოჩნდა. ეს სიმტკიცე ციხის თავისა მიაწერს სოლომონ მეფეს, რომელსაც ხელს არ აძლევდა რუსის ჯარი დაბანაკებულიყო სამეგრელოს ახლოს ზღვის პირზე. ოსმალეთის მოსულებაც რუსებს არ უნდოდათ, ამიტომ, ერთის მხრივ, ხელი მიჰყებს შავი ზღვის პირად შესაფერ ნავთსადგურის ძებნას და, მეორეს მხრივ, მიმართეს თავიანთ ელჩს სტამბოლში ნება გამოეთხოვა ფოთში რუსის საქონლის მოტანისა საქართველოში გასაგზავნად. ნავთსადგურად იარჩიეს ხოპის შესართავში (ფოთიდან ჩრდილოეთით) უხეირო სიმაგრე რედუტ-ფალე; სადაც დასადგურდა III ბელევის მუშკეტერის პოლკი. ამ პოლკს ჩქორა მოუხდა პოლიტიკურს საქმეში ჩარეულიყო. სამეგრელოს მთავარი დადიანი დიდი ხნის ავათმყოფობის შემდეგ გარდაიცვალა 24 ოქტომბერს 1804 წ. და სოლომონს ბრძანს სდებდენ იშის სიკედილში. მთავრის მემკვიდრეებად გამოცხადდნენ მისი ძმები მანუჩარ და ტარიელი, რაღაც ძე იმისი ლევან ამანათად ჰყავდა აფხაზეთის მთავარს კვლებ-ბეის. მანუჩარ და ტარიელი, რა თქმა უნდა, შეებრძოლებოდნენ ერთმანეთს სამეგრელოს ტახტის დასაკერად. ამიტომ ლიტვინოვმა ერთი ბატალიონი გაგზავნა და პირობა

ჩამოართვა სამეგრელოს წარჩინებულს თავადებს, რომ გრი-
გოლ დადიანის უფროსს შვილს არ უდალატებდნენ. თავ-
ციციშვილმა მოიწონა ლიტვინოვის ეს განკარგულება, რო-
მელმაც მანუჩარის და ტარიელის გაიძევრაობას ფრთხები შეა-
კვეცა, და უმაღლესად (26 იანვ. 1805 წ.) გამოითხოვა ინ-
ვენსტიტუტის ახალი მთავრისთვის, ხოლო დროებით სამეგრე-
ლოს მმართველად, ლევანის სრულს წლოვანობას მოსვლამდე,
დაინიშნა დედა მისი ბატონიშვილი ნინო, მეფის გიორგი XII
ასული. თანაშემწედ ნინოს დაუნიშნეს ოთხი წარჩინებული
პირი. რაკი კოლეშ-ბეი ლევანს არ ანთავისუფლებდა, ამიტომ
ციციშვილმა უბრძანა გენერალს რიკოფს ძალა ეხმარა აფ-
ხაზეთის მთავრის მოსაგრეხად. გენერალმა მაშინ აიღო აფ-
ხაზეთის საზღვარზე ანაკლიის ციხე და იძულებულ ჰყო
კოლეშ-ბეი, ლევან დადიანი უვნებლად გაენთავისუფლებინა.
ამიტომ რიკოფმაც მეტად სკრო სოხუმისკენ გალაშერება.
ანაკლიის აღგამა შეაწეხა თავ. ციციშვილი: ეს ციხე ოსმალოს
გარნიზონით იყო დაკერილი და ეშინოდა უსიამოვნობა არ
ჩამოვარდნილიყო სტამბოლსა და პეტერბურგს შუა. რიკოფს
ებრძანა სწრაფად დაეცალა ციხე და ხონთქართან ბოლიში
მოეხადნათ მოულოდნელად მეგობარ სახელმწიფოს შეწუხვ-
ბის გამო.

9 ივლის 1805 წ. ბანდაში ახალმა სამეგრელოს მთა-
ვარმა ლევან დადიანმა, თანადასწრებით თავის ბიძის მანუჩა-
რისა, აფხაზთა მთავრების ლევან და მანუჩარ შერვაშიძეებისა
და ოდიშის თავადებისა, დაწესებული ფიცი მიიღო რუსეთის
ერთგულებაზე. ლიტვინოვმა მართვა მას სიგელი, დროშა
და წმ. ანნას პირველი ხერისხის ორდენი და ხმალი, აფხაზთის
თავადმა მანუჩარ და ლევან შერვაშიძეებმაც იფიცის, რო-
გორც ბატონებმა იმ მამულისა, რომელიც ძველადგან ეკუთ-
ვნოდა საღადიანოს.

სამეგრელოს მთავრები ამის შემდეგ შეიქმნენ რუსეთის
ერთგულნი. მეფე სოლომონი კი რუსთ ხელმწიფის ერთგუ-

ლეგბაზე შეფიცვით 25 პრ. 1804 წ. იმედობდა ლეჩხუმის დაჭე-
რას. რაკი ეს იმედი გაუცრუვდა, გული ეთანაღრებოდა რუსის
შთავრობაზე. თავ. ციციშვილმა შენიშნა მას თრგულობა;
შეფეხმაც ეჭვი აიღო, რომ მთავარ-მართებელს განზრახვა აქვს
მას იმერეთის ტახტი გამოსწიროს. სოლომონ ცდილობს მო-
მავალია განსაცდელი თავიდან აიცილოს. იგი ხელში ჩაიგა-
დებს კონსტანტინე ბატონიშვილს, თავის მოქიშეს და ტახ-
ტის მემკვიდრეს, რომელსაც თავ. ციციშვილი მთარველობას
არ აკლებდა. იმერეთის მეფე ამავე აზრით აგონებდა კოლეშ-ბეის
არ დაეთმო გენერალ რიკოფისათვის ლევან დადიანი. იმე-
რეთის მეფე ეწინააღმდეგებოდა ქუთაისში ბელევსკის პოლკის
შესვლას; მან უარყო თავ. ციციშვილის წინადადება გაეგზავნა
ჰეტერბურგში დესპანები მაღლობის გამოსაცხადებლად, რომ
რუსთმა მიიღო იმერეთი თავის მთარველობის ქვეშ. იგი არ
სწყვეტავდა კავშირს ახალციხის ფაშათან. ეს აღნუსხული
საქციელი სოლომონ მეფისა სახავდა მას რუსის მთავრობის
თვალში ხელმწიფის მოღალატედ. მოღალატეს კი დასჯა შეესა-
ბამებოდა, და თავ. ციციშვილიც არ დაახანებდა პასუხი გაეცა
სოლომონისთვის, რომ სიკვდილს არ ესწრო მისთვის. ექვსი
წელიწადი გაუძლო იმერეთმა რუსეთის ლტოლვას — მოესპო
ეს უკანასკნელი დამოუკიდებელი ნაწილი ძველი ივერიისა.
ქართლ-კახეთი და სამეგრელო უკვე ეკუთვნოდნენ რუსეთს.
გურია, როგორც ნაწილი იმერეთის სამეფოსი, 25 პრილის
1804 წ. სოლომონსა და ხელმწიფეს შორის დადებულ პი-
რობის თანხმად, ეკულებოდათ რუსთა სამფლობელოდ. იმის შე-
სახებ ცნობაც მიიღო თავ. ციციშვილისაგან მამია გურიელმა
29 მაისის თარიღით 1804 წ.: „რადგან იმერეთი შეუერთდა რუ-
სეთს, ამიერიდან გურიაც, როგორც მისგან დამკიდებული,
რუსთის მთავრობას ექვემდებარებათ“. ცველანი გარევნულად
დამორჩილდნენ თავიანთ სვეს, მხოლოდ სოლომონ შეეცადა
თავისი ტახტი განემტკიციცებინა. ამ მიზნით ერთ და იმავე დროს
სოლომონი რუსეთთანაც იჭერდა საქმეს და ოსმალეთშიაც

გზავნიდა წერილებს და ითხოვდა დახმარებას რუსეთის წინაღმდეგ. როცა ხონთქარმა უარი შემოუთვალა, სოლომონი მაინც არ დასკრა. იმის ორპირობა ყველასთვის თვალსაჩინო იყო, ერთგულება მისი არავისა სწამდა. აი ამიტომ, როცა თავი ციციშვილის სიკვდილის ამბავი იშერეთში მოვიდა, გენერალმა რიკოფტმა ჯარით დაიჭირა ქუთაისი და დაბა მარანია მართლაც, სოლომონ მეფემ მოისურვა ესარგებლა მთავარ-მართებლის მოკვლით იმერეთის დამოუკიდებლობის აღსაზღვრად. მან უარი განაცხადა პეტერბურგში დეპუტატების გაგზავნაზე და მოინდომა ერთი სანდო კაცის გასტუმრება ელჩის უფლებით; წაახდინა გზა სამეგრელოსკენ მიმავალი, დააფიცა ბევრს თავადს თავის ერთგულებაზე და აპირებდა ქუთაისის ძალით აღებას. ალექსანდრე ბატონიშვილი აქეზებდა მეფეს რუსთა წინაღმდეგ მოქმედებაში და აიმედებდა ახალციხის ფაშის დახმარებით. მთელი იმერეთი ღელავდა, რუსის ჯარი კი უღონო და მცირე იყო დაეწყნარებინა ხალხი. სურათის შემოკლებამ ხომ მთლად შეაწუხა გააღმასებული მხედართმთავარი. სოლომონი პპირდებოდა საგზლის მიწოდებას, თუ რუსის ჯარს ქუთაისიდან გაიყვანდნენ. ამ პირობას კი ვერ შეასრულებდა გენერალი რიკოფტი, რაღაც განგებ მოაყენეს იმერეთს ქართლიდან რაზმები სოლომონის დასატუქსავად. ჯერჯერობით კი შეუძლებელი იყო სოლომონის დასჯა, რაღაც მოძრაობა თითქმის მთელს საქართველოს მოედო. ყველგან ლეკები თარეშობდნენ; ბაბა-ხანი, სპარსეთის შაჰი, თოფ-იარაღს ისხავდა განჯის ასაღებად; ხევსურებმა გამოდენეს ბოქაული და მთავრობას შეებრძოლნენ; დამორჩილებულ სახანოების თათრებიც არ იყვნენ რუსის ერთგულნი. ამ დროს დაინიშნა მთავარ-მართებელი გენერალი გრიფი გუდოვიჩი, მოკლულ (1806 წ.). თავი ციციშვილის მოადგილედა. გუდოვიჩის დაავალეს საქართველოს და კავკა-სის დამშვიდება. და მთავარ-მართებელმა ყურადღება მიაჭირდა მოსურმა მთავარ-მართებელმა ყურადღება. მიაჭირდა

ცია იმერეთის მეფესაც. რუსეთმა მცირე აზიაში ომიანობის
 შემდეგ ისაჩვებლა ისმალეთთან ჩამოგდებულ მშვიდობია-
 ნობით, რომ იმერეთის მეფის კავშირი ხონთქართან მოსპო-
 ბილიყო, მაგრამ ამავე მშვიდობიანობას ჩამოგდების მიხედ-
 ვით გაავრცელეს ხმა, ახალციხიდან მოტანილი, რომ იმე-
 რეთს რუსეთი უბრუნებს ხონთქარს. სოლომონ მეფემაც,
 თავის მახლობელთა ჩაგონებით, გამოაცხადა, რომ იგი სოვლის
 იმერეთს განთავისუფლებულად რუსეთის უზენაესის გამგეო-
 ბისაგან. სოლომონმა მოსთხოვა გენერალ რიკოფს, რომ
 რუსის ჯარი გაეყვანა ქუთაისიდან. გრაფი გულოვიჩი არ
 დასთანხმდა და არწმუნებდა მეფეს, რომ ჯარი მისი პიროვ-
 ნობის დასაცველად უყენია ქუთაისიში. მეფის ორგულობა
 რუსებისთვის ეჭვს გარეშე იყო, მეტაზრე—როცა მან მოა-
 შორა თავიდან ხელმწიფის მომხრე სახლთხუცესი ზურაბ
 წერეთელი და დაიხსლოვა როსტომ ნიუარძე. ზურაბ წერე-
 თელს შეხვდა გავლენიანი როლი იმერეთის სამეფოს მოსპო-
 ბის ისტორიაში. იგი იყო პატივის მოყვარე, შორსმცვრეტე-
 ლი და მოანგარე დიპლომატი. იმან პეტერბურგში ყოფნის
 დროს სოლომონ მეფის ელჩიდ, გაუცნ რუსეთი და იცოდა
 მისი ძალა. ამიტომ იგი შეიქმნა რუსების მომხრე და ცდი-
 ლობდა სოლომონის ტახტიდან ჩამოგდებას, რომ ახალი
 მთავრობის დახმარებით მეფის ადგილი თვით დაეჭირა. ამ
 ოცნების განხორციელებაში რუსები, რასაკირველია, ხელს
 არ გაუმართავდნენ, და ამიტომაც ზურაბ წერეთელი ხან თა-
 ვის მეფის მხარეზე იყო და ხან რუსთ ხელმწიფის ერთგული
 მოხელე. მეორე მეფესთან დახლოებული პირი, თავალი ლე-
 ონიძე, დაუძინებელი მტერი იყო რუსებისა. იგი სუკველაზე
 მეტად აგონებდა სოლომონს რუსების ურჩიბას და მთავარ-
 მართებლის ჯილდო—საჩუქრებს ზიზლით უარჲყოფა. ამგვარი
 პირების გავლენით სოლომონიც ირყეოდა რუსეთსა და ოსმა-
 ლეთს შუა. თუმცა ხელმწიფეს ერთგულებაზე შეჰვიცა, მა-
 ნც ისმალეთის დახმარების იმედით იცნებობდა იმერეთის

დამოუკიდებლობის აღგენაზე. გრაფი გუდოვიჩი კარგად
ხელავდა, რომ სოლომონი „საიმედო ვასსალი“ არ იყო და
განიჩრახა მეფის გადაყენება „იმერეთის დასამშვიდებლად“. მეფის გადაყენება მოუწონა გრაფს ზურაბ წერეთელმა, უკ-
მაყოფილოდ დარჩენილმა სოფლად მას შემდეგ, რაც მეფემ
იგი თავიდან მოიწყვიტა და როსტომ ნიუარაძე დაიახლოვა.
ზურაბი შორიდან თვალს იდევნიდა მეფის საქციელს და მის
საიდუმლო განზრახვას ატყობინებდა რუსეთის მთავრობისა.
1808 წლის დასაწყისს აუნობა გამოთხვილს თავის სოფელში
რუსის მთავრობის აფიცირებს, რომ სოლომონი აპირებს რუ-
სების ქუთაისიდან განდევნას დაქირავებულ ლეკების დაზღ-
რებით. გადაკვრით ისიც შეატყობინა, რომ თუ მეფე არ შეს-
ცვლის თავის დამოუკიდებულებას რუსის მთავრობასთან, მა-
შინ იგი გახდება მმართველად და განდევნის სოლომონს.
გრაფ გუდოვიჩის არ უნდოდა ამგვარ სასტიკის ზომის მი-
ლება, და რაკი არც დარწმუნებული იყო ზურაბ წერეთლის
გამეფების სარგებლობაში, ამიტომ მისწერა გენერალ რიკ-
გოფს თეალი ელევნებინა სოლომონისთვის და მხოლოდ აშ-
კარა ლალატისათვის დაეჭირა და ტფილისში გაეგზავნა იგი.
სოლომონ მეფე შეეფარა იმერეთის მივარდნილს ადგილებს
და იქიდან დაუწყო რუსეთის მთავრობას უფრო გაბედვით
ბრძოლა და წინააღმდეგობა.

მეფის მიღრეკილება ოსმალეთისკენ და არ შეწყნარება
რუსის მთავრობისა 1808 წ. აიძულებს გრაფ გუდოვიჩს გა-
აძლიეროს იმერეთში რუსის ჯარი, რომ საჭიროების დროს
იხმაროს იგი სომხოლონის წინააღმდეგ. ახალი ბატოლიონის
ქუთაისში მისვლამ შეაწუხა სოლომონ მეფე. დარწმუნებული
იყო იგი, რომ ეს ჯარი გაგზივნილია ქუთაისში იმ მიზნით,
რომ შეჭე ტახტიდან გაღმოეგდოთ. ამიტომ დაიხმარა შენ
ზურაბ წერეთელი და მისი პირით გადასცა მთავარმართე-
ბელს, რომ გულწრფელად ინანიებს თავის შეცდომებს და
ჰპირდება რუსთ ხელმწიფეს ერთგულებას. შეგრამ როცა შეს

მოსთხოვეს ამანათები ნიშნად მისი ერთგულებისა, იგი გავიდა მიყრუებულს ტყეში ახალციხის საზღვრად და იქიდან კვლავ მოითხოვა ლეჩებუმის დაბრუნება და რუსის ჯარის ქუთაისი-დან გაყვანა.

იმ, ამ დროს მოვიდა ვარციხეში მდიდარის საჩუქრებით (ფრიმანი, ხმალი და ქულები) ახალციხის ფაშის წარმომადგენელი (ხონთქრის წინადაღებით) სოლომონთან, რომ იგი შევიდეს ოსმალოს მფარველობის ქვეშ. გამხნევებელი ხონთქრის ყურადღებით, მეფე საყვედუროთ საქსე წერილსა სწერს გენერალს რიკოფს, რამდენად მოსტყუვდა იგი დაპირებულს ხელმწიფის მოწყალებაში: ლეჩებუმს არ უბრუნებენ, ქუთაისის სასახლე წართვეს და თვით თავს აფარებს სოფლად და დაბად-„ამაზედ მეტი დამცირება-და იქნებაო?“.

ოთხი წლის გამოცდილებამ დაარწმუნა რუსის მთავრობა, რომ სოლომონის მოტეხა შეიძლება მხოლოდ გაბედულის მოქმედებით. იმიტომ იმპერატორმა ალექსანდრე I, თანახმად გრაფის გუდოვიჩის აზრისა, უბრავა მთავარმართებელს გადაეყენებინა სოლომონ მეფე ტახტიდან და ოჯახობით რუსეთში გაეგზავნა. ხოლო იმერეთში, სამეფო წესის მაგივრად, დაენიშნა „დროებითი მართველობა“ რუსეთის ერთგული თავადების მონაწილეობით და შტაბ-ოფიცერის თანადასწრებით. ამ გეგმის აღსრულება ადვილი არ იყო. საჭიროდ მიიჩნიეს ზურაბ წერეთლის დახმარება, რაღაც იგი რუსების ერთგულებაში გამოცდილ კაცად მიიჩნდათ. მას უბოძეს პოლკოვნიკის ჩინი და წელიწადში 1200 მან. პენცია დაუნიშნეს. ამასთანავე აღუთქევს საიდუმლოდ პირველი ადგილი „დროებითი მართველობის“ გამგებაში. ეს დაპირება არ აკმაყოფილებდა პატივმოყვარე ზურაბს, რომელიც იმერეთის გვირგვინზე ოცნებობდა: მან პირმოთნე კრძალულებით შეიიღო იმპერატორის რესკრიპტი, აკოცა რამდენჯერმე, მაგრამ საქმე ისე წაიკვანა, რომ უფრო სოლომონს ეწეოდა, ვიდრე რუსებს. რაკი ტახტზე ასვლის იმედი უცრუვდებოდა, ისევ მრჩია სოლომონისთვის დახმარება გაეწია.

რასაკვირველია, მეფის ძილით განდევნა სუსყველას ემჯო-
 ბინგზოდა, გაგრიმ რაკი გუდოვიჩს თავისუფალი ჯარი ცოტა
 ჰყავდა და მეტი ყურადღება მიქცეული ჰქონდა სპარსეთისა
 და ოსმალეთის საზღვრებისაკენ, ამიტომ ვისიმე დახმარება
 შეიქმნა საჭირო სოლომონის დისაჭერად. ამ აზრის განსახორ-
 ცილებლიდ გრიფია გუდოვიჩია, გენერალის რიკვოფის სი-
 კვდელის შემდეგ, დანიშნა იმერეთში დაყენებულის რუსის
 ჯარის კომანდირად გენერალი ორბელიანი, მცოდნე იმ მხა-
 რისა და დაკავშირებული მასთან ნათესავ-ნაცნობობით. ორ-
 ბელიანს უნდა ეხმარა საიდუმლო ხრიკები და არა ძალა სო-
 ლომონის შესაბოჭად. ზურაბ წერეთლის სამსახური ამ საქ-
 მეში მოსალოდნელი არ იყო, რადგან ორბელიანთა და წე-
 რესლიანთ გვარში ერთმანეთისადმი უსიამოვნება და მტრობა
 სუფექცა. ზურაბ წერეთელი მართლაც-და თამამად ამოუდგა
 გვერდში სოლომონს და იცავდა მას ოსმალეთის დახმარების
 იმედით და თვით იმერეთის ტყიანი ბუნების დაცვა-ფარვის
 წყალობით.

მოვიდა თუ არა ქუთაისში, თავ. ორბელიანშა აცნობა
 ტყე-ტყე მოსიარულე მეფეს, რომ მას სურს პირადად ნახვა
 და გრაფეს გუდოვიჩს წერელის გადაცემა. ეჭვიანი სოლომონ
 დიდხანს ამ მოწოდებას გარს უკლიდა, ბოლოს კი შეხვდნენ
 ჯრთმანეს ყვერელს წყლის ნაპირის. სამი დღე გაგრძელდა
 მათი მოლაპარაკება და მეოთხე დღეს ორბელიანს მისცა მე-
 ფება ნება გადასულიყო წყლის იმ ნაპირას, სადაც თვით იღგა-
 ყვირელა დღის პყოფედა გათ, ბაასი ხდებოდა პირდაპირ, მაგ-
 რამ უშედგოდ და დაუსტულდებოდ. სოლომონი უარს ამ-
 გობდა ქუთაისში დაბრუნებაზე, ვიდრე იქ რუსის გარნიზონი
 დაგეპიდა, ხოლო რც შეეხება პეტერბურგში დესპანების
 გაგზავნას, იგი ამ მოთხოვნის პირობად თხოულობდა ლეჩხუ-
 მის დაბრუნებას და იხალი ტრაქტის დადებას. თუ მას არ
 შემისრულებოთ, რუსის ხელმწიფისთვის სამსახური მეარ შე-
 მიძლიანო.

აი, ამგვარს გარემოებაში იყო იმერეთის მდგომარეობა, როცა გრაფის გუდოვიჩის მაგივრად დაინიშნა კავკასიის მთა-ვარმართებლად გენერალი ტორმასოვი. სოლომონ მეფემ გენ. ტორმასოვს აახლა ზურაბ წერეთელი, რათა ამან გააცნოს რუსის მთავრობას მეფის სურვილი და პრეტენზიები. ტორ-მასოვიც მოწადინებული იყო იმერეთში მშეიღებიანობა და მა-ყარებულიყო, მაგრამ სოლომონის პირობებს იგი უარყოფა და გამოუცხადა ზურაბს, რომ მეფის განდევნა იმერეთიდან უმაღლესად ნაბრძანებიაო. ზურაბ წერეთელი ტორმასოვთან მოლაპარაკებამ იმაშიაც დაარწმუნა, რომ მის გამეფებას ოკუნე-ბაც რუსთა დახმარებით სამუდამოდ დაკარგულია. წერეთელს ისევ სოლომონის ბატონობა ერჩივნა, ამიტომ რუსებს ახლა კი გვერდი აუქცია. ზურაბმა ურჩია ტორმასოვს მიემართნა იმერეთის სამლენელოებისა და თავად-აზნაურობასთვის, რათა იგინი შეერთებულიყვნენ იმერეთის კეთილ-დღეობის მისწრა-ფებით, ჩაეგონებინათ სოლომონისათვის უმაღლესი ბრძანება შეესრულებინა და იმპერატორის წყნარი ქვეშვერდობი გამხ-დარიყო. ამ მოწოდებას, წერეთლის აზრით, დიდი შთაბეჭ-დილები უნდა მოეხდინა მეფეზე. ეს წინადადება მიიღო ტო-რმასოვმა და უბრძანა თრბელიანს მოწოდება გამოეცხადები-ნათ იმ შემთხვევაში, თუ სოლომონ მეფე არ შეასრულებდა იმ მოთხოვნილებას, რომელიც მთავარმართებელმა კერძოდ მის სახელზედ მიწერილს წერილში დაბეჯითებით აღნიშნა.

გავიდა სოლომონის მიერ დაპირებული ათი დღე, მაგ-რამ იგი პასუხს მაინც არ იძლეოდა. მაშინ ორბელიანმა გა-მოაცხადა ტორმასოვის მოწოდება. მაგრავ შეაბეჭდილება ამ მოწოდებისა არ შეეფერებოდა ტორმასოვის მოლოდინს. სო-ლომონის მრჩევლებმა, და მათ შორის ზურაბ წერეთელმაც, ჩააწვეთს მეფეს უურში, რომ გამოცხადებულის მოწოდება-პროკლამაციით მისს გამგეობას ეღდება ბოლო და რუსეთის მთავრობა პირდაპირ მიჰმართავს ერს, ამიტომ, რომ მეფედ მას აღარა სცნობს მთავარმართებელი. აღელვებულმა და შეუ-

რაც ცყოფილმა სოლომონმა მოიხმო ტყეში იმერთა თავაღნი და შეიარაღებული ხალხი და მიჰმართა კითხვით: სურთ თუ არა მათ დარჩეს იგი მევედ, და თუ სურთ, მოითმენენ იმ შევიწროებას და დამცირებას, რომელსაც მათ რუსები იყენებენ? ხალხმა ერთხმივ გამოუცხადა მას თანაგრძნობა და ერთგულება. თანამხლებელთა რიცხვმა უცებ ექვები ათასს კაცამდის აიწია. ტორმასოვმა თავის მოწოდების მოულოდნელი შედეგი ვერაფრით ვერ ასხნა. ორბეგლიანს საყვედურს უცხადებს, რომ მან ხალხს ვერ აუხსნა, რომ მისი წინადადება სოლომონ მეფისა და თვით ერის სასარგებლოდ იყო განზრახული, რომ უმაღლესი წყალობა არ მოჰკლებოდათ მათ. სწყინდა ტორმასოვს აგრეთვე ისიც, რომ ზურაბ წერეთელმა მისის რჩევით მიმართულს მოწოდებას არ მისცა სამღვდელოებაში და თავაღ-აზნაურობაში ჭეშმარიტი განმარტება. ორპირობა წერეთლისა თვალსაჩინო შეიქმნა ტორმასოვისათვისაც. ამიტომ მთავარმართებელმა მოსთხოვა მას წერილობითი ალთქმა, რომ დაეხმარებოდა მეფის იმერეთიდან განდევნაში. წერეთლის მიკუბულმა პასუხმა დაარწმუნა გენ. ტორმასოვი *), რომ იგი გადაუდგა რუსებს. რადგან არც საკმარი ჯარი ჰყავდა, არც დამხმარებელი პირნი, გენ. ტორმასოვმა მიმართა ისევ „ქმთილგონიერს“ ჩაგონებას. სოლომონი ყურს არ იბერტყავდა და გააბა მოლაპარაკება ოსმალეთთან. ისარგებლა რა იმ გარამოებით, რომ რუსის ჯარი ფოთის ასაღებად იყო მიყენებული, მეფემ გასწია ახალციხის საზღვრისკენ, სადაც პირადად ინახულა რუსეთის დაუძინებელი მტერი ბატონიშვილი ალექსანდრე ირაკლის ძე.

ამავე დროს გაუგზავნა ახალციხის ფაშას სელიმს სიძე თვისი მალხაზ ანდრონიკაშვილი და თავაღნი როსტომ ნიურაძე და რაჭის ერისთავი, რათა მათ მოიმხრონ ფაშა საერთო ძალით

*) Утверждение русского владычества на Кавказе, т. II. Тифлисъ, 1902 г.

განდევნონ რუსნი იმერეთიდან. ოცნბეჭდა იგრეთვე არზრუმის სერასკირს შერიფ-ფაშას დახმარება გაეწია ფოთის შევიწროებულის გარნიზონისთვის. ტოლო იმერეთში მცეს იგენტები — ქათეოსტო წერეთვლი, სეხნია წულუკიძე და სხვანი აღელვებდნენ ხალხს რუსთა წინააღმდეგ. სოფელს აფხელაურში მათ შეჰკრიბეს ოდიშელნი და ლეჩხუმელნი თავად-აზნაურნი და სამლელონი და დააფიცეს სოლომონის ერთგულებაზე, ჩამოართვეს პირობეც, რომ რუსის ჯარს არ მისცემენ წყალსა და პურს, არაფერს არ მცყდინ და თავიანთ სოფლებში არ შეუშვებენ.

ამგვარმა ხალხის მოძრაობამ ნაყოფი გამოიღო. 5-ს ივლისს 1809 წელს იმერლები დაეცნენ სოფელ კლუდუაზი დონის ყაზახების კომანდას, რომელნიც მიემგზავრებოდნენ ყვირილიდან დაბა სურამს. სექტემბერში თოფიარალიანი რაზი როსტომი წერეთლისა და ლევან და დიმიტრი აბაშიძეების გოთაველბით ქართლში სოფ. ქვებს დაესხა არტილერიის ტრანსპორტს, მიმავალს ტყილისიდან ფოთში.

გაიგორა მთავარმართებელმა, რომ ტრაპეზუნის სერასკირ შერიფ-ფაშა წამოვიდა ფოთისავენო, მიაშველა რუსის ჯარს, ფოთში ჩაყენებულს, ორი ბატალიონი გრენადერის პოლკისა სიმონოვიჩის უფროსობით. ამ პოლკოვნიკს ავალებდა ტორმასოვი შეიძყროს სოლომონი და გადასცეს მას, რა საშუალებითაც კი შეიძლებოდეს. სიმონოვიჩის მისაშველებლად გაგზავნეს ზურაბ წერეთლის სიძე თარხნიშვილიც, რომელც ცნობილი იყო, როგორც რუსეთის ერთგული და გრაფის გულოვიჩის საიდუმლოებაში ჩახედული. სიმონოვიჩის უნდა ემოქმედნა ზურაბ წერეთლისა და თარხნიშვილის რჩევის თანახმად იმ საქმეში, რომელიც მათ დაევალათ „რუსეთის ვასალის, ბრძენი სოლომონის მოსახელის წინააღმდეგ“. ტორმასოვი თვით სოლომონსაც სწერდა, რომ სიმონოვიჩს დახმარებას შეუძლებო. მაგრამ მეფე, ვალახმარების მაგივრად, ცდილობდა იმერეთში მოგზაურობა მისთვის დაემძიმებინა.

რუსის ჯარი გამოვიდა 23 ოქტომბერს 1809 წ. სოფ. ალი-
დან და 5 ნოემბერს ძლიერ მოაღწია ქუთაისის, რაღაც გზები
და ხიდები დანგრეული და გაფუჭებული დახვდა. ნინგზავრში
ქაიხოსრო წერეთლის წინამძღვრობათ დახვდათ შეიარაღე-
ბული რაზმი, მაგრამ დაცემა ვერ გაბედეს. შეისვენა სიმონო-
ვიჩმა ქუთაისში ხუთი დღე და გასწია ფოთისკენ და მივიდა
იქ 16 ნოემბერს. რაღაც ამ დროისთვის ფოთი რუსებს უკვე
აეღოთ, ტორმასოვის ბრძანებათ სიმონოვიჩი დაბრუნდა ქუ-
თაისს და დაბანაკა თავის ჯარის ერთი ნაწილი გორის მაზ-
რაში, ხოლო მეორე ნაწილი — ზურაბ წერეთლის სოფლებში.

ამავე დროს, თანახმად თხოვნისა, გენერალი ორბეგლიანი
გადაყენებულ იქნა რიონის ჯარის უფროსობიდან და დაი-
ნიშნა მის მაგივრად სიმონოვიჩი. ტორმასოვი ამის გამო სწე-
რდა სიმონოვიჩს, რომ რაკი სოლომონის დაჭერა გაძნელდა,
უკეთესი იქნება შეურიგდნენ მეფეს, მაგრამ შეზღუდონ იგი,
რაც შეიძლება, მეტად. იგი უნდა დასახლდეს უთურდ ქუ-
თაისში, გაუგზავნოს ამანათები ტფილისს და განათვისუფ-
ლოს ბატონიშვილი კონსტანტინე ოჯახობით.

თუმცა ტორმასოვი ტრაქტატის ახალი მუხლებით შევ-
სებასაც ჰპირდებოდა, სოლომონი მაინც ამ შევიდობიან მო-
ლაპარაკებით თავს არ იტაქებდა. ტორმასოვი კი მოთმინე-
ბიდან გამოდიოდა. მაშინ მან სიმონოვის უბრძანა ემოქმედნმ
გაბედულად და შეუდრეველად. ახალი უფროსი რუსის ჯა-
რისა, ორბეგლიანის მაგივრად დანიშნული, სასურველი იყო
ზურაბ წერეთლისათვის, და ამიტომ ტორმასოვი უფრო დიდი
იმედით უყურებდა მის მოქმედებას. ზურაბის დახმარებას მა-
ინც კიდევ მოელოდა რუსის მთავრობა და ამიტომ მისს სურ-
ვილს პატივსა სცემდნენ. რაკი ფოთიც აიღეს, რუსის მთავ-
რობას შეეძლო მეტი ყურადღება და ძალა მიექცია სოლო-
მონის საქმისთვის, სოლომონ მეფე კი ცოტა იმედ-გაცრუსე-
ბული დარჩა. ფოთთან დამარცხებული შერიც-უაშა წავიდა
ახალციხეს, განდევნა იქიდან სელიმ-ფაშა და თავის ახალს ბი-

ნაზე განმტკიცების სურვილში დავვიწყა იმერეთის შეფე. ამ შევიწროებულ საგრემოებაში მეფე ცდილობდა გაზაფხულამდის როგორმე გაეძლო და შემდეგ კი აღიდებულის წყლებისა და გაშლილ ტყეების წყალობით მთახერხებდა ბრძოლის გაგრძელებას. ამავე მიზნით ზურაბ წერეთელი, შესძლოა მეფის ჩაგონებით, სწერდა ტორმასოვს, —ჩვენი მეფე ცდილობს ერთგული ყმა იყვეს იმპერატორისა და გოთვოთ მოწყალე თვალით შეხედოთ და სასოება მისცემ, რომ მშვიდობიანიდ იმეფებს და იცხოვრებს". ტორმასოვმა წერეთელს ამ წერილზე მიუღო, რომ ოთხი წლის განმავლობაში მეფემ იმდენჯერ დაამტკიცა თავისი უპირობა დამძულვარება რუსეთისაღმი, რომ მეტად დაუჯერჲ ბელია, ვითომ ახლა იგი სწორე გზაზე დგებოდეს და რუსეთის ერთგული ხდებოდეს; სოლომონის ბედი გადაწყვეტილია, საჭიროა იმერეთში მშვიდობიანობა დამყარდეს და მიკვრცხო, — სწერს ზურაბს ტორმასოვი, —როცა ხელთ ვიგდოთ კარგი შემთხვევა უმიღლესი სურვილი შესრულებულ იქმნას, თქვენ მოწიდინებული რადა ხართ, რომ სოლომონ დარჩეს შეფედაო? ზურაბ წერეთელი ორპირობას განაგრძელებდა. სიმონოვის ურჩევდა სოლომონის დევნა უარეყო, ტორმასოვს კი აჩქარებდა მეფის ძალით შეპყრობას. სოლომონ მეფე სარგებლობდა რუსის ამ გამოურკვეველი პოლიტიკით და საბრძოლველად ემზადებოდა. იანვარში 1810 წ. ტორმასოვს გამოუგზავნა წერილი სოფტონ მიტროპოლიტის ხელით და უმტკიცებდა, რომ რუსებმა დაარღვიეს ციციშვილის დროს მასთან შეკრული ტრაქტატი: ლექსუმს დაპირდნენქ და არ მისცეს, ციხე დეხვირის მცველნი ამოუწყვიტეს და თვით: ციხე დადიანს გადასცეს. სტეტსკი სოვეტიცმა ლიტვინოვმა აგლიჯა მეფის ბეჭედი ქუთათური ვაჭრის ღუქნიდან და საქონელი მისცა გაჭარს, რომელზედაც მეფე განრისხებული იყო. 120 კაცის მაგივრად (როგორც თავ. ციციშვილი დაპირდა) ჩაჭერეს, საცა შოხვდათ, მეფის დაუკითხავად მრავალი ჯარი. წა-

ართებს ქუთაისი და ოვით მინგრეულს მის სასახლეში დგანან
სალდათები თავიანთ საყვარლებით. არ დაინდეს მისი სიძეც,
დაეით წულუკიძე, სცემეს და ოვი გაუტეხეს.

„მივიღე წერილი უპატივ-საცემლ მაღალ აღმატებულე-
ბისა თქვენისა,—სწორ და მცფე გვინ. ტორმასოვს,—რომელსა
შინა ცხადათ ჰყოფ მადლობასა მიცემისათვის ჩვენ მეტ პრო-
გრანტთა და შეწევნისათვის მგზავრობისა მხედრობათა თქვენ-
თათვის. მოწყალეო ხელმწიფეო ჩემო! მერწმუნე მე, ვითა-
რცა გვამსა პატიოსანია და ვითარცა მცფესა ქრისტიანესა,
რომელ დიდოთა გულ სმოდგინებითა მსურს, რათა ყოვლითა
შეძლებითა ჩემითა და სამეფოსა ჩემისათა ვმსახურებდე მხედ-
რობასა რუსთისესა და უმეტესად უკანასკნელითა ამით წე-
რიდოთა თქვენითა, რომლითა მოშეცა იმედოვნება, რათამცა
სრულ იქმნას ყოველივე კეთილ-დაწყობილება მტკიცე და
უცველებელი შეკრულება საუკუნო ჩვენ შორის. კვალად
გებრიძანათ წერილი შინა თქვენისა: პუნქტებისა და პირობის
შუცლა კანონი ირ არის და ჯერ არს, რათა ერთ გზის მი-
ცემული პირობა წმინდათ და უცვალებლად დაიცვებოდესო. ბევრ
გზით განვაცხადე წერილით თქვენდა მიმართ, რომ უწი-
ნარებს თქვენსა მყოფა: დახსნეს ფიცი, პირობა და შეკრუ-
ლობა, და არა დაიცვეს წმინდათ. უკეთუ დაიცვეს წმინდათ,
ა) სად არს სამეცნიერო სამცდლობეჭდო ჩემი დექნები, რომელი-
თა შემოგებულ შეტრენებისა ქვეშ და რომელსა ზედა საშინელითა ფი-
ცითა მაქებს სედ-შორწინდობას და შირობა თავ. ციციანეგისა.

ბ) უკეთუ დაიცვეს წმინდათ, შემდგომად გვაქვდა ციხე ერთი
დებირი საშედ დექნებისა, რომელსა შინა მოგვიცებულებს მეცისოვენი
მექ მუთფრთა მოსახლეოთა; გთხოვეთ მას ზედა სამართლი, და ხაცე-
ლად სამართლისა მოცემისა, წაგვართვეს ციხეცა და მისცეს იგი და-
ნიშნეს.

გ) უკეთუ დაიცვეს წმინდათ—ქუთაისის ქადაქის შინა ჩვენს
დაბეჭდილი იურ ჩვენ მიერ დაუქანი გვჭრის ჩვენის; წინადმდგრმად

ჩვენდა სტატუსის მოდელით მოგვივრისაგა მოგვავა სამეფო ბეჭედი ჩვენა, გა-
ტეხა დუქანი, გამოხადა საქონელა და მასცა ჩვენ მაერ გაწერაშალსა
ვაჭრისა ჩვენს.

დ) უბეთუ დაიცვეს წმინდათ — ციცანაცვის გამოგვაცხადა აღწე-
რილ პუნგტებთა შერის, რათა იდგეს სამეფოს შინა ჩემსა მცარე
ნიშილი მსედრობისა, როტა ერთი ას დრო კაცი, სადაც მენტოს, და
დაგვიუენა მაითოდ ერთი ას დროთა კაცითა. ხოლო აწ სადაც მე არა
მნებავს, უკითხავად ჩემდა დგანას სიმრავლე მსედრობისა.

ე) უბეთუ დაცულ ას წმინდათ, — გაქვს ხელმოწერალისა და
პირობა უფლის ფერთმარშლის დუდავიჩისა, რათა თვითიერ მკვდრის
მაგირის რეკრუტისა იმერეთს არა გარდმოვიდას საჭურველასა სალ-
დათი არცა ერთი, ხოლო აწ მოდელი დაზამთრებულ არას.

ვ) უბეთუ დაიცვეს წმინდათ, — ქათაისის სამეფოს სისხლესა და
თვით საწოდოს შინა ჩემსა დაბალთა მოხელეთა უსხდათ ხასები, წართ-
მეულით თავდრო ჩემთა მუსხლენი.

ზ) უბეთუ დაიცვეს წმინდათ, — წაგვართვეს ქალქაცა ჩვენა ქუ-
თაისი, სადაც არღარა ას მეცვლას ჩვენი ესედუნთა წელაწადთა.

ც) უბეთუ დაიცვეს წმინდათ, — დაქციეს სამეფო სასახლე ჩემია
ქუთაისის, ვიდრე საფუძველამდე.

თ) უბეთუ დაიცვეს წმინდათ, — პირველი თავადი იმერთასა
წულუკიძე, თვით სიძე ჩემია დავათ, სალდათებმა შეპრეს ქუთაისის,
ათრისებ, გადახეს, თავი გაუტეხეს და სისხლათა შეღებილია წარ-
მოდგა ჩვენთან; ვსისხლევთ მასზედა სამირთავა, რაშემას; ზედაგვა-
შასუხეს: თავ. წულუკიძეს, თუმც დანშეულა არა ჟენა, მაგრამ სალ-
დათებს გერ ეცნათ, თორემ არ გალახაგდნენო.

ი) უბეთუ დაიცვეს წმინდათ, — ესთდენთა წელაწადთა სდგანან
მსედრობისი რესეტისანი სამეფოს შინა ჩემსა, ვათარცა სახლსა შინა
თვიასსა, და იზრდებიან შემათა, სახლათა ჩვენ მაერ მაცემულათ,
შროვანტით, ფურაჟითა, სარითა, ცხენითა, ურმითა, სასმელითა და
საზრდელითა და წარვლასან დღეთა ზამთრისა და ზაფხულისათა მშვი-
დობით, გარსა საცვლად მადლობისა გავაგინებენ და შეურაცხევებულ
თავადთა და ქეთალშებილთა ჩვენთა.

განვრცელებისათვის წერალისა არღაზა დავსწერ რუ-
სეთის უსარგებლოდ მრავალთა სხვათა მწუხარებათა ჩემთა,
გარნა ვკითხავ მაღალ აღმატებულებასა თქვენსა: მოწყალეა
ხელმწიფეებ ჩემო! მიპხედე ზემო იღწერილთა და მიბრძანეთ,
სად არის დაცვა წმინდათ და უცვალებლად პირობასა და შე-
კრულობისა უწინარე თქვენსა მყოფთაგან?!.. განა, მე ერთმო-
რწმუნებისათვას და შიშისათვის ყოვლად მოწყალისა ხელმ-
წიფისა ჩემისა იღვწერე კვალად იგივე პუნკტი, ციცანოვი-
საგან აღწერილი, თვინიერ შეუძლებელისა, ვინადგან და-
წერა შეუძლებელისა არს უსაფუძვლო და მისწრაფულად დარ-
ღვევა, და ვინაიდგან მსურს საუკუნოდ უკალებელ დკონა
შესაძლებელსა შეკრულებასა შინა ჩემსა, იღვწერე პუნკტი
ჩემნი და მოვართვი კეთილმსახურსა განხილებასა თქვენსა. ხო-
ლო დეპუტატთათვის მე ვგონებ რომელ იყოს კანონი ესრედ.
რათამცა დეპუტატნი მეფესანი იყვნენ იგინი, რომელია ზედა
განისვენებს აზრი მეფისა მათასა, გარნა პატივსათვის თქვე-
ნისა იყოს დანიშნულიცა ერთი თქვენ მიერ და სხვა გამორ-
ჩეულ ჩევნგან და წარიგზავნენ ახალთა ამათ შეკრულებათა
ზედა, შემდგომად დამტკიცებისა უმაღლესითა ღრამატით...

დასასრულ გთხოვთ გულს მოდგინეთ, რათამცა სრულ
ყოვად საუკუნოსა ამის კეთილ დაწყობილებისა და განცხა-
დებად თქვენდა მიმართ კეთილ მისაღებელთა ფაქტთა ჩემთა,
წარმოგზავნოთ ჩემდამი უფალი პავლე მიგილევცენ.

ყოველთა ამათ კეთილ დაწყობილებისა აზრთა და სათ-
ხოველთა ჩემთა ზედა წარმოკვავნეთ მაღალ აღმატებულე-
ბისა თქვენისაღმი ყოვლად უსამღვდელოესი უფალი ნიკოლო-
ზ წმინდეს მიტრის სამღვდელოს, თავადი აბაშებე რაჭ-
ტომ და უფალი ნიკოლოს გმირნი ნიკოლოზ, და გთხოვთ
გულს მოდგინეთ, რათა მიიღოთ მამომბრავითა კეთილ მზრუნ-
ველობითა და შეაწყნაროთ აზრნი, მათდამი რწმუნებულნი
ჩენ მიერ”.

რამდენი წელიწადია რუსის ჯარი სარგებლობს იმერ-

ლეგბის სახლებით, პურით, შეშით, და მადლობის მაგივრად, ლანძღვითა და მძულვარებით ამკობენო. აი, რანაირად დაარღვიეს რუსებმა შეერთების პირობა და მიაყენეს მყფესაც შეუტაცხოფა. რაც შეეხება გასაგზავნ დესპანებს, ეგ უფლება თვით მეფეს ეკუთვნისო, მაინც რახან მთავარ-მართებელს უნებებია, ერთი იყოს იმის მიერ დასახელებული პირი და დანარჩენებს მე ამოვირჩევ, ვიზედაც გული მერჩისო. ამანათები რა საჭიროა იმპერატორისთვის, და „ახალი მოვალეობის მუხლებს“ კი, როგორიც შევიმუშავეთ, გიგზავნიო.

ასეთი იყო სოლომონის პრეტენზიები, რომლის დაკმაყოფილებაც შეუძლებლად დაინახეს. „მოღალატეს“ ჩირქიც მოსცხეს, რადგან პრივატობით არ ისურვა წოლაპარაკება და მივარცნალს ტკიში იმაღლებოდა.

სოლომონ მეფის სვე გადაწყვეტილი იყო, გის პირობებს ყურადღებას იღარ იქცევდნენ, შემუშავებულ იქმნა ზურაბ წერეთლის მოსაზრებითა და სიმონოვიჩის მონაწილეობით გეგმა მეფის შეპყრობისა და ტახტიდგან გადადებია. აღერსიანის მოპყრობითა და დაიმედებით, რომ ლექსუმისა და დაქცევლი ქუთაისის ნაზღაურს აუყენებდნენ, ცლილობდნენ, მეტე როგორმე ქუთაისში შეეტყუუბინათ, გაეგზავნათ დეპარები პეტერბურგში, ამანათად მიეცათ ბატონიშვილი კონსტანტინე და წარჩინებული თავადნი და ამის შემდეგ შესუფერი დრო ენახათ, რომ დაეჭირათ სოლომონ და გაეგზავნათ იგი ტფილისს.

სოლომონ ფრთხილად იქცევდა. იგი ხედავდა რუსების სამზადისს და მათი ჯარის გაძლიერებას ახალციხიდან მოსალოდნელ განსაცდელის ასაცდენად კი არა, როგორც გის არწმუნებდნენ, არამედ მის წინააღმდეგ. ტორმასოვი უარყოფდა სოლომონის შეკრის ახალი პირობების შეკვრის სურვილს და უცხადებდა წერილით, რომ ვერ გაძელდას იმპერატორი შეაწუხოს ამგვარის თხოვნით.

ახალი ტრაქტატის შეკვრაზე მყფეს იმედი შოუკაცეს და

მიიღეს ზომები მცს შესპარობლედ. ქუთაისში გაჰვზავნეს ქართლიდან თავადები ელიზბარ ერისთავი და ამირაჯიბი, რომ მათის იქაური ნათესავის დახმარებით პოლკოვნიკ სიმონოვის მისცენ გზა წევადგინოს პარტია რუსეთის მომხრე პირთაგან. შეცეცდენ მიემხროთ თავიანთკენ გურულნი და მეგრელნი და აჯანყებინათ რაჭაც იმ პირობით, რომ იგი შემდეგ წეურაბ წერეთლისათვის დაეთმოთ. მეტადრეთავ. ლეონიძის მიმხრობას ურჩევდა ტორმასოვი სიმონოვჩეს, რადგან „ეგ თავიდი შეიდი მეფის მოლალეტეა და ფულის გულისათვის ყველაფერს მოიქმედებსო“. სიმონოვის დასახმარებლად გამზადებული იყო აგრეთვე ჯარი გორში და სურამში. ამ ჯარის უფროსებს, მიმავალს იმერეთში, გზა-გზა ხალხი უნდა დაეფიცებინათ რუსის ერთგულებაზე.

თუმცა ტორმასოვმა გადასწყვიტა ეხმარა ძალა სოლომონის დასამორჩილებლად, მაინც ცდილობდა მეფეს ნება-ყოფლობით რუსთა მოთხოვნილება აღესრულებინა. ამიტომ უბრძანა სიმონოვის მეფის დანგრეული სასახლე მთავრობის ხარჯით განეახლებინა და მოსალაპარაკებლად ტფილის გაეგზავნა იმერეთში გავლენიან მიტროპოლიტი გენათელი, იმპერატორის მომხრე. ტორმასოვმა ერთხელ კიდევ სცადა წერილით ჩაგონება და მეფის მორჯულება. იგი სწერდა, რომ ფიალა იმპერატორის მოთმინებისა აღიცსო და მრისხანებად შეიცვალა. „ნებრძანები მაქვსო, თუ მეფე სოლომონი კვლავ გაჭირვეულდება და მორჩილების არ გამოაცხადებს, ძალით ჩამოაცლიან მას სამეფოს“. ამიტომ უკანასკნელად ცდილობს ტორმასოვი აღსასრულდებლად პირობები წარუდგინოს მეფეს, რომ მის საკეთოლდღეოდ მიექცეს იმპერატორის ყურადღება. პირობები შემდეგი იყო:

1) წარუდგინოს სიმონოვის სამის დღის განმავლობაში ჰეტერბურგში დესპანებად გასაგზავნად ბატონიშვილი კონსტანტინე, სიძე მეფისა მალხაზ ანდრონიკაშვილი, თავადნი: სოლომონ ლეონიძე, სეხნია წულუკიძე, ქაიხოსრო წერეთელი

და როსტომ ნიუარაძე. 2) გადავიდეს დაუყოვნებლავ საცხოვ-
 რებლად ქუთაისს; 3) გაგზავნოს დესპანთა ხელით უმაღლესი
 თხოვნა მაღლობის გამოსაცხადებლად, რომ იმპერატორმა სა-
 მუდამოდ მიიღო იმერეთი თავის ქვეშევრდომად, მოინანიოს
 თავისი საქციელი და ოღუთქვას მშვიდობიანი ერთგულება.
 მაშინაო, — ბჩდანებს ტორმასოფი, — შეგრჩებათ იმერეთის მარ-
 თვა იმ უფლებით, რომელიც ტრაქტატით დათმობილი გაქვთ.
 წინააღმდეგ შემთხვევაში, ხმლით დავიმორჩილებ გაუგონარს,
 განვდევნი სამეფოზან და მოვაწყობ ერთგულ იმერთა საქმე-
 საო. ამას უმატებდა საყველურს, რომ ხუთი წელიწადია, რაც
 ერთგულობის ტრაქტატით შეეკრა მეფე რუსეთს, მაგრამ მა-
 ინც სპარსელებთან, გაქცეულ ბატონიშვილ ალექსანდრესთან,
 ახალციხის ფაშასთან და ტრაპიზონის სერასკირთან კავშირს
 არა სპობდა რუსთა სავნებლად; ყაზახთა სადგური იაკლებინა
 და ერთი ყაზახიც მოაკვლევინა, გზის უკრავდა სიმონოვის
 ფოთისაკენ და სხვ.

სიმონოვის სამის დღის ვადა უნდა მიეცა მეფისათვის
 ტორმასოვის მოთხოვნის ასასრულებლად, და თუ არ მოიხ-
 რიდა ქედს, წაეყვანა ჯარი იმერეთში და გამოეცხადებინა
 მთავარ-მართებლის პროკლამაცია. ამ პროკლამაციაში ჩამოთ-
 ვლილია ზემო აღნიშნული მეფის დანაშაულობანი, რომლის-
 თვისაც უმაღლესად ებრძინა მეფის იმერეთის სამეფოს მართ-
 ვისაგან გაძევება, როგორც იმპერატორის ცხადი შტრისა,
 ტრაქტატის დამრღვევისა და ფიცის გამტეხისა. ამიტომ მთა-
 ვარ-მართებელი მიმართავდა სამღვდელოებას, თავად-აზნაუ-
 რობასა და ერს შეეფიცათ იმპერატრისთვის ერთგულებაზე და
 უაჩეყოთ სოლომონ მეფე და ყოველი მასთან დამკიდებუ-
 ლება, რათა ეცდინათ მოსალოდნელი უბედურება. პროკლა-
 მაცია თავდებოდა იმით, რომ ინიშნებოდა „დროებითი იმე-
 რეთის მმართველობა“ იმერთა წარჩინებულ თავად-აზნაურო-
 ბისაგან რუსის მოხელის თავმჯდომარებით, და იგინი, თანა-
 ხმად თავიანთ სვინიდისსა და ხალხის ჩვეულებათა, შეუა-
 გებიან მშვიდობიანად და მოწყალებით მართვასაო.

ეს წერილი და პროკლამაცია ტორმასოვის გაეგზავნა სიმონოვის, ვიდრე მას მოუცილებელი მეფისაგან თხოვნა ეახლებინა მოსალაპარაკებლად მისთვის იმერეთში ნადვორინი სოვეტნიკი მოგალევსკი. გენ. ტორმასოვმა ამიტომ უბრძანა სიმონოვის პროკლამაციის გამოცხადების შეყენება, ვიდრე მოგალევსკისთან მოლაპარაკება არ გათავდებოდა. მოგალევსკის კი ტორმასოვმა გაატანა მეფესთან წერილი, რომელშიაც არ იწყნარებდა ახალი ხელშეკრულების პუნქტებს. მოგალევსკი ინახულა აღელვებულმა მეფემ ვარციხეში. იგი ყოყმანობდა, მიეღო მოგალევსკის წინადადება, თუ—ლეონიძისა და ქაიხოსრო წერეთლის რჩევით—უარეყო. მოგალევსკი ოფიციალურს პასუხს თხოვლობდა: ან ჰო, ან არა, და შეთახმებაზე ლაპარაკს არ აგრძელებდა, რადგან ამის უფლება არა ჰქონდა მიცემული. დღე და ღამე გაუთავებელს ბაასში გავიდა და ბოლოს მოგალევსკიმ გამოუცხადა, რომ, მეფის სურვილისამებრ, თვით არ შეუძლიან გენ. ტორმასოვის მოთხოვნას რაიმე დაუკლოს, მაგრამ კურიერს გაგზავნის ტფილისს, იქნება მთავარ-მართვა ბელმა „პატივი რამე სცეს“ სოლომონს.

აი, როგორ აგვიწერს მოგალევსკი მეფესთან მოლაპარაკებას ვარციხეში (ნახე ბ-ნ ხუსკივაძის წიგნი): „სოფ. ვარციხე ძლიერ ცუდ ადგილას მდებარეობს. სანამ მეფის სასახლემდის მივიდოდით, ორ ძლიერ ჩქარ მდინარეში უნდა გავსულიყავით—რიონსა და ყვირილაში. ამ მდინარეებზედ ხიდები არ იყო და განგებ ჩვენთვის გაწყობილ ნავებით გავედით. კოტა ხნის შემდეგ პირდაპირ წარვუდეექით მეფეს და გადავეცით თქვენი წერილები, რომლის მიღებაზედ მეფე სულ სხვა ფერზედ დადგა. ჩამომართვა წერილები, მაგრამ ჩემთანვე არ გაუხსნია. მოკლე მუსაიფის შემდეგ მე დავუკარი თავი და გავედიმ იო იოთახში, რომელიც განგებ ჩემთვის იყო მომზადებული. აქ გამიშალეს სუფრა და თავ. ს. ლეონიძესთან ერთად სადილად დამსვეს. სადილად, ჩვენს ვარდა, სხვა თავადებიც ისხდნენ. სულ ორი საათის დამსხდარნი არ ვიქნებოდით, რომ

მოგვიციდა მეფისაგან კაცი და გავექანე იმ წამს. შევედი მეფესთან. მეფეს წაეკითხა თქვენი *) წერილები და ჩვეულების კლიმანჭურის კილოთი დამიწყო მუსაიფი და ამ მუსაიფიდგან გამოირკვა, რომ მეფეს რუსეთის მთავრობამ წაართვა ლეჩხუმის მაზრა, გაუოხრა სამეფო, დაუქცია ქუთაისში სასახლე (ეს სასახლე მე თვითონ ვნახე, მაგრამ იმას არამც თუ სასახლის სახელი არ ეწოდება, არამედ უბრალო სახლის სახელიც დიდია მისთვის), შევაწროვა აქ დაყენებულმა რუსის ჯარმა და სხვანი... ამაზეც მე ვუპასუხე, რომ ამგვარის საჩივრებით თქვენ შეგიძლიანთ მიჰმართოთ პირდაპირ მისს იმპერატ. უდიდებულესობას და სთხოვოთ დეპუტაციის პირით დაგიბრუნოთ ლეჩხუმის მაზრა, როგორც თქვენი საკუთრება, თუ-კი ამის დასამტკიცებლად რაიმე საბუთები მოგვპოვებათ ხელში-მეთქი. ამაზედ მეფემ ვერაფერი მიპასუხა და გაეჩრდა. თავ. სოლომონ ლეონიძემ ისარგებლა ამ შემთხვევით და დაიწყო ჩამოთვლა ყველა იმ მიზეზებისა, რომლის გამოც იმერეთის სამეფო დამცირდა და დაბექავდა. ლეონიძეს კიდევ ბევრი რამ უნდოდა ელაპარაკნა, მაგრამ შევაწყვეტინე ლაპარაკი, ესთხოვე მეფეს გულახდით ემუსაიფნა ჩემთან, რადგან მე მისის თხოვნითა და მთავარ-მართებლის მინდობილობით ვიყავი მასთან გაგზავნილი. ლეონიძემ უცებ შესწყვიტა ლაპარაკი; მეფემ-კი პირდაპირ მითხრა, — მე მსურს, რომ ლეჩხუმის მაზრა, რომელზედაც თავადის ციციანოვისაგან მოცემული ხელთნაწერი საბუთი მაქვს (ეს საბუთი აქვე მაჩვენა), უკანვე დამიბრუნდეს და, მეორე, იმერეთის სამეფოდგან რუსის ჯარი გაყვანილ იქმნეს, რადგან ეს ორი მუხლი არც ერთი მე არ მიმიღია და არც ხელი მომიწერია. როდესაც ამაზედ ვუპასუხე მეფეს, რომ ეს ორივე მუხლი ჩართულია მის მიერ ხელმოწერილ ხელშეკრულობაში-მეთქი, მან აიღო ჯვარი და დაიფიცა, რომ ეს სულ ციციანოვის ხრიკები; იქნებათ: მე

*) ე. ი. გენ. ტორმასოვისა.

მის მიერ ხელ-მოწერილი საბუთი შომცა და ხელ-შეკრულობაში ცალკე შეატანაო; მაში თავი ციციანოვამა გასტეხა ფიცი და ხელ-შეკრულობის ძალაც მას დაუზრდვევიათ. ჯარის შესახებ მე მოვახსენე მეფეს, რომ რუსეთს დიდი ზარალი აქვს აქვთ ჯარის დაყენებით, რადგან ჩვენი ჯარი აქაურს ვერც სურსათს შეეთვისა და ვერც ჰაერს, იხოცებიან საწყლება, მაგრამ რა ჰენის რუსეთმა, რომ, სანამ თათრები ომს არ გააიავებენ, რმერეთის სამეფო უნდა დაიცვას თათრებისაგან და ჯარიც ამიტომ სდგას-მეთქი. როდესაც თათრებთან ომი გათავდება და იმერეთშიაც იღარ იქნება საშიშო ცხოვრება, მაშინ ჯარსაც გავიყვანთ და დავტოვებთ მხოლოდ იმდენს, რამდენიც საჭირო იქნება თქვენ დასაცველად-მეთქი. ამაზედ მეფემ მიპასუხა, რომ ეს სრულებით საჭირო არ არის თქვენის მხრივათ“: მე იმდენად ლონიერი ვარ, რომ არამც თუ თათრებისა, არც ერთ მეზობელ სახელმწიფოსი არ მეშინიან და ყოველთვის იმედი მაქვს, რომ რუსეთის ჯარის დაუხმარებლად დავსძლევ მათ, მაგრამ აქ სულ სხვა აზრი აქვს რუსეთს, და არა ის, რასაც თქვენ მეუბნებითო. თუ ეს ორი ჩემი თხოვნა იქნება შეწნყნარებული, მაშინ დეპუტაციის გავგზავნი და მორჩილებასაც გამოვუცხადებ რუსეთის სახელმწიფოსაო“. აქ კიდევ ჩაერია მუსაიფში თავი. ს. ლეონიძე, მაგრამ მაშინვე შევაჩერებ და ვსთხოვე, რომ ნება მოეცა მეფესთან მარტო მუსაიფისა, რადგან, მონდობილობის ძალით, ყოველივე საიდუმლოდ უნდა გადავსცე მეფეს და ამისათვის თქვენი აქ ყოფნა ხელის შემ-შლელი იქნება ამ შემთხვევაში-მეთქი. აქ-კი უნებლიერ შეჩერდა გესლით სავსე ენა თავი. ლეონიძისა, ენა-ჩაკემენდილოვ გავიდა გარედ და თავი. ქაიხოსრო წერეთელიც თან წაიყვანა. დაერჩით მარტო მე და მეფე. მე გულახდილად და მოურია დებლად მოვახსენე მეფეს, რომ თქვენის მეფობის დღე დათვლილია, მათი იმპერატ. უდიდებულ. დიდად განრისხებულია თქვენზედ და, თუ ქედის მოხრითა და შეცდომების შენანიებით არ მიმართავთ ხელმწიფებს, იმ შემთხვევაში თქვენი ხსნა არსა-

იდან არ იქნება-მეთქი. ამაზე მკითხა:—მითხარით, რითი განვარისე ასე რუსეთის ხელმწიფელი? იმის პასუხად ჩამოვთვალე ყველა ის საქართველო მეფისა, რომლითაც ხუთის წლის განმავლობაში ჩვენს ჯარს მოსვენებას არ აძლევდა. ამ მუსაიფის დროს თუმცა ძლიერ აღელვებული იყო, მაგრამ მაინც არ გამაწყვეტინა მუსაიფი და მისმენდა.

გავათავე ლაპარაკი. მეფეს ხმა არ ამოუღია. მეც გავჩუმდი და ასე დუმრით გავატარეთ რამდენიმე წამი. შემდეგ მეფემ აღელვებით მითხრა: „მე ირც ერთსთქვენ ჩამოთვლილ დანაშაულობას არა ვკისრულობ, რადგან ისეთის კაცების ნალაპარაკებია, რომლებსაც სურთ ჩემის სამეფოს ხელში ჩაგდება და ჩემი თავიდგან მოშორება, მაგრამ ღმერთი დიდია, იცოდეთ“!...

— მეფეო, — ვუპასუხე მე, — აბა ვინ არის დანაშაული იმაში, რომ ქუთაისის ახლო დაეცნენ ჩვენს ჯარს და გაძარცვეს, მოგვიკლეს ერთი კაზაკი, დაუხვდნენ სიმონოვიჩის ჯარს, შეუკრეს გზები და არ გაუშვეს დანიშნულს აღვლას?.. აქ კი მეფე დამშვედდა და წყნარის სახით მკითხა: — კარგი, დავანებოთო უფლოფერს თავი; მირჩით, როგორ მოვიქცეო?

— არ, როგორ: ამ სამის დღის განმავლობაში გავზავნეთ დაპუტაცია, მოაწერეთ ხელი ხელშეკრულობას, შეჭირუეთ, რომ მტკიცედ დაიცავთ ყველა იქ აღნიშნულს მუხლს, გადმოდით და დაბინავდით ქ. ქუთაისის სასახლეში და გაანთვისუფლეთ ბატონიშვილი კონსტანტინე მუხურის ციხიდგან.

ამ სიტყვებმა ძლიერ შეაშინა მეფე, ხმა-ჩაკმენდილი იდგა და მიყურებდა.

— მე კიდევ უფრო საშიში ამბავი უნდა გითხრათ-მეთქი, — დავუმატეთხემს მუსაიფს: — მისმა იმპერატ. უდიდებულესობაშ ველარ მოითმინა ამდენი თქვენი დატყუება და გადასწყვიტა წაგერთვას თქვენ ძალით სამეფო და დამყარდეს იმერეთში მშვიდობიანობა. ამ აზრით ჩვენი ჯარი უკვე მზად არის: სურამში სდგას ერთი ნაწილი და მეორეც ჭუთაისის გარშემოა.

გურია და მეგრელია ჩვენს კენ არიან და, როგორც კი ვაც-
ნობებთ, შეუერთდებიან ჩვენს ჯარს და ჩვენთან ერთად იბ-
რძოლებენ. მაშ რაღა დაგრჩენიათ, თუ არ შენანიება და ქე-
დის მოდრეკა. ისიც სულ ცოტა ხანში, თორებ თქვენთან
კვლავ მუსაიფს აღარ აპირებენ-მეტე.

რანაირად იმოქმედა ამ ამბავმა მეფეზედ, მე არ შემი-
ნიშნავს, რადგან სულ სამი საათი გაგრძელდა ჩვენი მუსაიფი,
შეღამდა და მეფეს კი სინთლის მოტანა არ უბრძანებია. ჩვენ
ბნელაში ვიჯექით და ვლაპარაკობდით. მეფის პირისახეს მე
ვერ ვუყურებდი, მხოლოდ ერთმანეთის ხმა-ლა გვესმოდა. შემ-
დეგ მიბრძანა: გადავდგათ სახვალიოდ ეს საქმე და ხვალ ყვე-
ლაფერს გეტყვო. მე მოვახსენე, თუ ხვალ დილას პასუხი
არ მივიღე თქვენგან, მე ერთის ღამის მეტი დარჩენა თქვენ-
თან არ შემიძლიან და, თუ რამე ცული დაგემართოთ, თქვენ-
სავე თავს დააბრალეთ-მეტე. გამოვეთხოვთ ერმანეთს და წა-
ვედ-წამოვედით თავ-თავის ათახებში. ამასთანავე ისიც მოვახ-
სენე მეფეს, რომ რუსეთის მთავრობა დიდ ჯამავის დაგი-
ნიშნავთ და ხელმწიფოც არ მოგაყლებთ თავის მოწყალებასა
და ყურადღებას-მეტე, მაგრამ არც ერთი არ მიიღო, მხო-
ლოდ მითხრა, — მომცენ იმერეთში მეფობის ნება, გაიყვანონ
იმერეთიდან თავისი ჯარი, მეტი მათგან მე არაფერი მოწყა-
ლება არც მინდა და არც ცველიო.

შესანიშნავი ის მომენტი იყო, როდესაც მეფეს მოვახ-
სენე — საცხოვრებლად ქუთაისში გაღმობრძანდით - მეტე. ეს
ამბავი ისე ეუცხოვა და გაუკირდა, რომ ორჯერ-სამჯერ მკი-
თხა: „რათ, რათ? რას მეუბნებით? რას მირჩევთ? გადავიდე
საცხოვრებლად იქ, საღაც რუსის ჯარი სდგასო?“! და როდე-
საც მოვახსენე: „დიალ, დიალ-მეტე“, — მითხრა: „არა, ეს შე-
უძლებელობა, დიალ, ყოვლად შეუძლებელია!“ ვსწუხვარ, რა-
ტომა მთხოვთ იმას, რაც არაფრის გზით არ შემიძლია ავას-
რულოო“. ამასთან დაუმატი, რომ თუ მართლა ხელმწიფე იმპე-
რატორი დამატება და უფლისერ მეტევადში ჩადის 4

რატორს ასე ვძულვარ და არა სურს, რომ მე იმერეთის მეფედ ვითვლებოდე, მომწერლს ეს ბარათით და მაშინ მე თვითონ დავანებებ თავს ჩემს სამეფოს და გავშორდებით. ამას შემდეგ მე გამოვეთხოვე და ჩემს ოთახში წავედი. აქ თავს. ს. ლეონიძემ განკარგულება მოახდინა და ვახშამი მოგვართვეს; ვახშად თვითონ თავს. ს. ლეონიძეც დარჩა ჩემთან. ვახშამზედ საქმის შესახებ არ ჩამოუგდია ლაპარაკი, მაგრამ გაკვრით გამაგებია, რომ მეფე ძლიერ შეწუხებულია, ძლიერ ეძნელება ამ საქმის გადაწყვეტა და მთელი ღამე არ უძინიაო. მეორე დღეს შევიტყვე, რომ მეფეს წუხელის ვახშამიც არ უჭამია, თუმცა-კი ჩვეულებრივად ყოველთვის ვახშმობდაო... ვახშმის შემდეგ წავიდა თავს. ს. ლეონიძე და თან გაჰყევა მას მთელი გროვა მეფის მოსამსახურებისა, რომლებიც არიან უსაქმურად და მუქთად სჭამენ პურს. დავრჩი მარტო. გავგზავნე საიდუმლოდ კაცი თ. ზურაბ წერეთელთან და ვსხოვვე შემოსულიყო ჩემთან, მაგრამ თავადი შინ არ იყო, რადგან იმ ღამეს მეფეს დაებარებინა და მასთან შესულიყო. მის მაგიერ თავს. ქიოხოსრო წერეთელი შემოვიდა ჩემთან და მთელი ღამე საიდუმლოდ მელაპარაკა. თ. ქიოხოსრო წერეთელი სხვა ტანისამოსით იყო ჩატარებული და თითქო საიდუმლოდ მეფისაგან გამოგზავნილი...

თავ. ქიოხოსრო წერეთელსაც დიდი გავლენა აქვს მეფეზედ, იმასაც დიდად ენდობა მეფე. მუსაიფის დროს ვუთხარი თავად ქიოხოსროს, რომ მეფისთვის ერჩია რამე, ჩაეგონებია მორჩილება, რადგან მოკლე დროში დიდი უბედურება მოელის სამეფოს — იმპერეს; ვუთხარი, რომ მათი იმპერატორებითი უდიდებულებობა ამგვარის თქვენის ღვაწლისათვის დიდად დაგაჯილდოვებს თქვენ, როგორც ფულით, ისე ხარისხით და ადგილ-მამულით-მეთქი. თავ. ქიოხოსრო წერეთელი დამპირდა ყოველის ჩემის თხოვნის და წინადადების აღსრულებას და საიდუმლოდვე წავიდა. ამასთან მითხრა, რომ დილას, სანამ ინათებდეს, შემოვალ და ამბავს გაცნობებო, მაგ-

რამ არამც თუ მარტო ამაში მომატყუა, არამედ შეორე დღეს, როდესაც შეფერ რჩევა გაათვად და ამ რჩევის შედეგის გამოსაცხადებლად ჩემთან გამოგზავნილ არქიეპისკოპოზს სოფრონიოს, დეკანზს ნიკოლოზზს, თავად სოლომონ ლეონიძეს და თავ. სეხნია წულუკიძეს მოჰყვა თან, შემოვიდა და დაიწყო ისეთის კილოთი და ენით ლაპარაკი, რომ თითქოს მე პირველად მხედავდა და არც რამე მოლაპარაკება ჰქონდა ჩემთან. დახმარების მაგიერ პირველი დამშლელი და მეფის მრჩევი ის შეიქნა.

გვითხრა, რომ მეფეს მხოლოდ ერთი თქვენი წინადაღება შეუძლიან მიიღოს, დანარჩენი კი არც ერთიო. მეფე თანახმა არის გაგზავნოს მხოლოდ დეპუტაცია, სხვა მუხლები დარჩება ისევ შეუცვლელადა. ამაზედ მე ვკითხე თავ. ლეონიძეს, რომ ნუ-თუ ყველაფერი ეს, რაც თავადმა მიამბო, მართალია-მეთქი, და იმანაც დაშიმოწმა, რომ ეს ყველაფერი ნამდვილი და მართალიაო. მაშინ მე ვსოხვე მოქსენებინათ მეფისთვის, რომ მე მინახულოს, გამოვეთხოვები და ამ პასუხს გადასცემ ჩემს გამომგზავნელს-მეთქი. აქ-კი დაფაცურლნენ თავადები: გაიქცენ მეფესთან, გადასცეს ჩემი პასუხი და ხელ ახლავ დაბრუნდნენ ჩემთან, მითხრეს, რომ მეფე ძევლად გზავნის გენათელს და ქუთათელს მიტროპოლიტსაო, რომლებიც ყოველგვარ პირობას მისცემენ მეფის მაგიერადათ. რაც შეეხება ბატონიშვილის კონსტანტინეს განთავისუფლებას და ძევლად გაგზავნას, ეს არასფრის გზით არ მოხერხდებაო, რაღაც ბატონიშვილი კონსტანტინე ძლიერ უყვარს ხალხს და განთავისუფლებული რომ პნახოს, მეფეზედ მეტი სიმძლავრე იმას მიეცემაო. ამასთან მთხოვა მეფემ, რომ გენათელთანა და ქუთათელთან ერთად წავსულვიყავით და კარგი აზრი წარმედგინა როგორც მის შესახებ, ისე მისის სამეფოს შესახებაც. „მე ყველაფერს შევასრულებ, ქუთათელის შიაც გადმოვალ საცხოვრებლად და დეპუტაციასაც გავგზავნიო; მხოლოდ ბატონიშვილს კონსტანტინეს ვერ გავანთა-

ვისუფლებო. ქუთაისშიაც მხოლოდ მაშინ გადმოვალ, როცა
დაბრუნდება დეპუტაცია და წერილობითს საბუთს მომიტანს
ხელმწიფისაგან, რომ იმერეთის მეფედ დამტოვა მისმა იმპერა-
ტორებითმა უდიდებულესობამ და ამასთან უზრუნველ-მყოფს
რუსეთის ჯარისაგანაო". ერთის სიტყვით, როგორც მეფის
სიტყვებიდგან, ისე მისი სასახლის თავადების სიტყვა-რჩევი-
დგან ის აზრი გამოვიტანე, რომ მატყუებდნენ და ტყუილად
დროს მაკარევინებდნენ, თორემ არც ერთი სიტყვა იმათი
მართალი არ იყო. მე გამოვეთხოვე მეფეს და დავპირე ქუ-
თაისშივე დაბრუნება, მაგრამ მეფემ მირჩია კიდევ დავრჩენი-
ლვიყავი მასთან სოფ. გარციხეში. მე მაინც აღარ მოვიცადე
და წამოვედი. გზაში გამომყვნენ თავადები და დამპირდნენ
მეფის დახმარებას, მაგრამ აღბად იმათაც ისე სჯეროდათ ჩემი
სიტყვები, როგორც მე მათი. ქუთაისში დავბრუნდი, გადა-
ვეცი ყველაფერი სვიმონოვიჩს, რომელმაც იმ წამსვე აცნობა
მამია გურიელს და მეგრელის დედოფალს—დამზადებული
ჯარები გამოეყვანათ და სამი დღის შემდეგ პირდაპირ ომი
გამოეცხადებინათ. მე დარწმუნებული ვიყავი, ამგვარი მოძრა-
ობა შიშის თავ-ზარს დასცემდა მეფეს და მორჩილების გრძნო-
ბებს აუშლიდა. თავ. ზურაბ წერეთელზედ ის უნდა გაცნო-
ბოთ, რომ ერთხელ სვიმონოვიჩს მოწოდებით უნდა მოსუ-
ლიყო ქუთაისში და ვენახე მე, მაგრამ არ მოსულა. წამოს-
ვლის დროს დავუბარე საიდუმლოდ, რომ მეფე დაეტოვე-
ბინა და ჩემთან ქუთაისში ჩამოსულიყო და კიდევაც შეა-
სრულდა, მაგრამ ჯერ კიდევ ვერ ვიშვვნე დრო, რომ მოვე-
ლაპარაკო. ხვილ ან ზეგ გავალთ მდ. რიონსა და ყვირილაში
და დავეცემით ვარციხეს, სადაც გამაგრებულია მეფე თავის
ჯარით. თავ. სოლომონ ლეონიძეზედ ყოველსავე უფრო და-
წვრილებით შემდეგს წერილში გაცნობებო, რადგან იგი ყვე-
ლა თავადს გადააქარბებს ეშმაკიბითაც და კეუითაც. ის ერ-
თად-ერთი კარის კაცია, რომელიც მაგრებს მეფეს, თორემ
ამდენ ხანს მეფე ყველაფერში დაგვმორჩილდებოდა.

ეს-ეს არის მოვიდა ჩვენს ჯარში ს. ვარციხიდან გელათის მონასტრის არქიმანდრიტი, რომელმაც გადმოვვცა, რომ მეფისაგან გამოგზავნილი ვარო, შეინანია მეფემ ყველაფერი და გთხოვთ შებრალებასათ, მაგრამ ეს ყველაფერი სიცრუეა. მაშინვე გავგზავნე ჯაშუში და მოგვიტანა შემდეგი ამბავი:

19 ამ თვეს მეფემ გავგზავნა ახალციხის შერიფ-ფაშესთან თ-თ. ქიხოსრო, სვიმონი და ბერი წულუკიძეები და სთხოვა მას დახმარება ჩვენის ჯარის წინააღმდეგ; მე დარწმუნებული ვარ შერი-ფაშა ამ თხოვნას კიდევაც შეასრულებს.

მოგალევსკიმ გავგზავნა სოლომონის თხოვნა ტორმასოვთან და დაუმატა თავის მხრივ, რომ ახლაო გაზაფხული დადგა, წყლები აღიდნენ და ხეები გაიშალნენ. მეფე თუმცა ერთგულებას აცხადებს, მაინც სანდო არ არის, რაღან, როგორც კაცი სუსტი ჭკუითა და აზროვნობით, ყველას გავლენის ქვეშ არის. ამიტომ შესაძლოა მან უარყოს თავის ნათქვამი და საჭიროა მოემზადნენ გაბედული მოქმედებისთვის. ეს აზრი მან გაუზიარა პოლკოვნიკ სიმონოვისაც, რომელმაც გავგზავნა კაცები სამეგრელოსა და გურიის მთავრებთან, აგრეთვე სურამს პოლკოვნიკ სტალთან, რომ იმერეთისკენ წამოეყვანათ ჯარი და გზა-გზა ხალხი ერთგულებაზე დაეფიცებინათ. ბრძანების თანახმად, 20 თებერვალს იმერეთს მოადგნენ სოფელ ალი-დან საჩერეესა და სვირს გამოგზავნილი რაზმი მაიორის პრიბილოვისა და სურამიდან რაზმი მაიორის რეუტისა. ამ რაზმი იყო თვით ტორმასოვიც. 20 თებერვალი დანიშნული პეტრ-დათ უკანასკნელ ვადად, როდესაც მეფეს პასუხი უნდა შეეტყობინებინა. ამ დღისთვის გადასდეს მთავარ-მართებლის პროკლამაციის გამოცხადებაც. მიტროპოლიტი ქუთათელი, ზურაბ წერეთელი, მრავალნი თავად-აზნაურნი გამოცხადდნენ პრიბილოვთან და, მოისმინეს-არა პროკლამაცია, მისცეს ფიცი იმპერატორის ერთგულებაზე. მეფემ გაიგო რუსის ჯარის მოახლოება და განაახლა მოგალევსკისთან მოლაპარაკება: გაჩნდა მისვლა-მოსვლა ქ. ქუთაისსა და ვარციხეს შუა. მეფეს მოს-

დიოდა ცნობა, რომ ხალხი ფიცს აძლევს რუსებს, დანიშნული ვადაც ახლოვდებოდა და ამიტომ განიცდიდა დიდი სულიერს მწუხარებას. 19 თებერვალს გადასწვეიტა მისულიყო ქუთაისში და რუსების წინადაღება მთლად მიეღო, მაგრამ ამ დროს გაჩნდნენ ბატონიშვილი კონსტანტინე და ო. ლეონიძე, რომელთა გავლენითაც გაგზავნა უარი დამორჩილებაზე.

ასე დადგა 20 თებერვალი და პროკლამაციაც გამოცხადდა ქუთაისის ეკლესიებში. სიცონოებიში დიდის ამბით დააფიცა ქუთათელები ერთგულებაზე. მცხოვრებლები გულგრილად შეხვდნენ ამ ცერემონიას და დაბრუნდნენ ეკალესიდან ყველიერის მხიარულად გასატარებლად. მეორე დღეს მოვიდა ქუთაისში გელათელი არქიმანდრიტი დავით, რომელმაც აცნობა სიმონივის, რომ მეფე ცრემლით ინაიებს თავის მოქმედებას და ითხოვს მიტოვებასო. მოგალევსკიმ ეს ამბავი სარწმუნოდ რა მიიღო, რადგან გამცემლებმა შეატყობინეს, რომ 19-ს თებერვალს მეფე კაცი გაგზავნა შერიც-ფაშა ახალციხელთან ლეკების სათხოვნელად რუსების საწინააღმდეგოდ. ეჭვს გარეშეოთ, — სწერდა მოგალევსკი ტორმასოვს, — რომ მეფე განიცდის ტრალიკულს მდგომარეობას, სწუხს და გრძნობს, რომ ორს წყალს შუა სდგასო. ერთნი ურჩევდნენ მეფეს დამორჩილებას, მეორენი აქეზებდნენ შესაბრძოლებლად. ზურაბ წერეთელი იმათ რიცხვში იყო, რომელთაც განეზრახათ ტორმასოვის ზოლება და იმერეთის სამეფოს დღეთა გაგრძელება. ამ აზრით ზურაბმა 22 თებერვალს წერილით აცნობა ტორმასოვს, რომ იმერეთის დაქერა გადაედო ზამთრისთვის, რადგანაც ამ გაზაფხულობით ბევრნაირი დაბრკოლება მოელის ჯარსო. ახლა და კმაყოფილ დით მეფის ხელწერილითა და ამანათებით და ნუ მოითხოვთ თვით სოლომონი მოვიდეს ქუთაისს. მასთანავე გთხოვთო, მეფეს ნუ წაართმევთ სამეფოს, მიუტევთ, როგორც ჯერ არს კეთილისა და მოწყალე იმპერატორის მხრივაო. ტორმასოვმა მიუგო ზურაბს, რომ სოლომონ ვალდებულია აღარულოს ას, რაც იმპერატორისაგან ნაბდან ებია,

და დარჩება მფლობელიდ სამეფოის ძლიერ ხელმწიფის მფარ-
ველობის ქედზე. ტორმასოვის პასუხი დაწერილი იყო სურამს
25 თებერვალს, ხოლო 21 თებერვალს სიმონოვის მოუკიდა
კაცი, რომელმაც გამოუცხადა, რომ მეფე თანახმაა მიცემული
ყველა პირობები აასრულოს.

პოლკოვნიკმა სიმონოვიმა მის გამო აცნობა ტორმა-
სოვს, რომ მეფეს მან უარი შეუთვალი, რადგან მას სამეფო
უფლება უკვე აყრილი აქვს და იმერეთი რუსეთის იმპერა-
ტორის გამგეობაში გადავიდა. შესაძლოა კიდევ მეფის ბეჭი
გასწორდეს, თუ იგი წავი ტფილის და პირადად სთხოვს მთა-
ვარ-მართებელს იშუამდგომალოს იმპერატორთან მისი შეწყა-
ლებით. ეს რჩევა გახდა იმის საბუთად, რომ 24 თებერვალს
ქუთაისში მოვიდნენ მიტროპოლიტი გენათელი და თვალი
სეხნია წულუკიდე მეფეს წერილით, სადაც ითხოვდა: 1) მისი
შუამიგალნი წეყყვანათ ტორმასოვთან, რათა გამოეგზავნათ
მეფისთვის პრადი მოლაპარაკების ნებართვა სოფ. ვახნში, და
2) გენათელის მობრუნებამდე შეეჩერებინათ ერთგულებაზე
დაფიცხა. უკანასკნელი თხოვნა მაშინვე უარპყვეს, ხოლო
გენათელი და სეხნია წულუკიდე ყაზახთა თანხლებით წავიდ-
ნენ სურამს გენ. ტორმასოვთან, მაგრამ გზიდან დაბრუნდნენ,
რადგან ტორმასოვი ტფილისში წასულიყო. მთავარ-მართე-
ბელმა ნება დართო მეფეს პირადი ნახვისა იმ შემთხვევაში,
თუ იმპერატორს ბრძანება აღსრულებული იქნება: მაშინ ან
მე ვეალები ქუთაისში, ან-და საცა დამინიშნავს, იქ შევხვდე-
ბით ერთმანეთს.

ამ მოლაპარაკების დროს რესის ჯარი ყოველი მხრიდან
უახლოვდებოდა მეფის სადგურს. მცხოვრებლები გარბოლნენ
ტყეში ან მაგრდებოლნენ ციხეში. თავ. ქაიხოსრო წერეთე-
ლმა დასტოვა ოჯახი მოდინახეს ციხეში და ამაռდ შეებრ-
ძოლა პრემიერულოვის რაზმს; გააჭირა რა ქაიხოსრო, პრინცილოვი
მიადგა „არწივის საბუდარს“ — მოდინახეს, რომლის მცველად
გამოვიდა ცოლი ქაიხოსროსი, ეკატერინე აბაშიძის ასული.

ძველად ეს ციხე მიუვალი იყო ახლა კი, ხუთი დღის შებრძოლების შემდეგ ქაიხოსროს ცოლი იძულებული იქნა, სისხლის ღვრის ასაცდენად, კარი გაელო რუსებისთვის და ერთგულებაზე შეეფიცნა!

იმ დროს, როცა იმერეთის აღმოსავლეთის ნაწილს აფიცებდნენ რუსეთის ეთრგულებაზე, სიმონოვის დასავლეთი და ჩრდილოეთი ნაწილები მოჰყავდა იმპერატორის ქვეშევრდომად. სამეგრელოდანაც ორი რაზმი წამოვიდა: მაიორების შეელჯაშევისა და გენერალიმოვიჩის წინამძღობლობით. პირველს მოსდევდა მილიცია მეგრელებისა—ლევან დადიანისა, და გურულთა—მამიას მოთავეობით. მარტის დასაწყისს 1810 წელს მხოლოდ სამხრეთ იმერეთს არ დაეფიცნა რუსთა ერთგულებაზე და ემზადებოდა მეფის დასაცველად ბრძოლისათვის. მეფე ჯერ 20 თებერვალსვე გაისტუმრა ცოლშვილი მთაში და თვით 4000 შეკაზმული კაცით ვარციხეში შეეგურა. მცხოვრებლები ნელნელა სტოვებდნენ მეფეს, მხოლოდ სამღვდოლოება და თავად-აზნაურობა ერთგულად იცავდნენ მას. მაშინ კი, როცა პროკლამაციით რუსებმა გამოუცხადეს, რომ ურჩის წაერთმევა სამუდამოდ მამული და ყმაო, სოლომონის მომხრეთა ჩატვემა საგრძნობლად იკლო.

პოლკოვნიკმა სიმონოვიჩმა მოისაზრისა, რათა მეფეს გზა შეუკრას ახალციხეს ან ოსეთში გასაცევად, შემოარტყას ალყა სოლომონს და ისე მივიდეს ვარციხეზე. ამ მიზნით პოლკოვნიკმა დაიჭირა ზეგანის ხევის გზაზე სოფ. ხანი; შეერთებული ახალციხესთან; მაიორმა კალატოზიშვილმა და ჭუტაბე-კაპიტანმა საგინაშვილმა დაიჭირეს რიონის და ყვირილის გალმა გასავალი ვარციხესთან, რომ მეფეს არ შესძლებოდა გაქცევა მუხურის ციხეში ან ოსებში. მაიორი რეუტი ყვირილის უნდა გასულიყო და მისდგომოდა ვარციხეს. მოგალევესკიმ მიიმხრო რამდენიმე იმერელი და იმათის 17 ნავით გადავიდნენ რიონს ნა-ს მარტს. საშინელის წვიმა-თქეშით ისარგებლეს, რომ ჩუმად გადაპარულიყვნენ მეორე ნაპირას. დაიჭირეს რა კუვიში,

მიადგნენ ვარციხეს. მეფე სოლომონი, დატოვებული მხლებ-ლების მხრივ, გაიქცა სოფ. ბაღდადში.

სოლომონ მეფემ ბაღდადიდან მიაშურა საქართველოს და ოქუმეთაგ-რდა ხანელების დახმარებით. მოულოდნელად სოფ. ხანში გაჩ-ნდნენ რუსები ლისახვისის წინამდლოლობით და მოესპი მეფეს შველის იმედი, რადგან გზა ახალციხისკენ, საიდნაც მოელოდა ისმალის ჭარს, უკვე შეკრული ჰქონდა. ვარციხე და ბაღდადი აიღეს. რაჭა ფიცს აძლევდა იმპერატორის ერთგულებაზე. მხო-ლოდ ხუთი გვარის თავაღნი და 40 აზნაური დარჩნენ მეფეს მხარეზე. 9 მარტს 1810 წ. მოგალევსკი წერდა ტორმასოვს, მოსალოდნელიაო, რომ სოლომონ მეფეს შერჩება მხოლოდ ბატონიშვილი კონსტანტინე და სოლომონ ლეონიძე; თვით თავ. ქახოსრო წერეთელიც კი აპირებსო გადადგომას. სი-მონოვიჩი გაუდგა ხანის ხეობას, სადაც დამწყვდეულია მეფე, და ამ ორ დღეში გადაწყდება მისი ბედიო.

ამ გაჭირვებულს მდგომარეობაში მეფემ, მოკლებულმა სა-შუალებას, რომ გაჭირეულიყო ახალციხეს, ან ერთ-ერთს იმ ციხეში (მუხურა, საპაიჭავო და ჰყიუში), რომელიც იმერთა ხელში დარჩა, დაუწყო სიმონოვის მოლაპარაკება. 8 მარტს სოფ. ზეინდარს მოვიდნენ მისი დესპანი მიტროპოლიტი გე-ნათელი და სეხნია წულუკიძე, რომელთაც დავალებული ჰქონ-დათ, რომ სოლომონი უარს იტყვის სამეფოს გამგეობაზე, თუ ხელწერილით დაპირდებიან, რომ იმპერატორი დასტოვებენ და მისცემენ საცხოვრებლიად მამულს, მისგანვე დასახელებულს. სი-მონოვიჩმა უარი შეუთვალა და ურჩია მეფეს ენდოს ტორმასოვს, ეხლოს ტფოლისს და დარჩეს იქ, ვიდრე იმპერატორის გადა-წყვეტილება მოვიდოდეს. მეფე იძულებული იყო მიელო ეს პირობა და მოისურვა სიმონოვის და მოგალევსკის პირადად ნახვა. სიმონოვიჩმა და მოგალევსკიმ, სოლომონ მეფის სურ-ვილისამებრ, შეჭირუეს ჯვარსა და სახარებაზე, რომ მეფეს ორ დაარცვევებენ და გზად სამეფო პატივს ორ მოაკლებენ. 12 მარტს მეფე რუსებს მიენდო და ითხოვა, რომ ტორმასოვთან

შეხვედრა დაუნიშნონ მას გორის ახლოს, სოფელში და არა ტფილისში.

15-ს მარტს სოლომონ მეფე, მოგალავსკის თანხლებით, წამოვიდა ცოლის მაძულში, სოფ. საზანოში. როცა გამოიარა ზეკარზე, წამოახსხა ხანის ხეობიდან თავისი მხლებელი იმერლები. ხოლო ამათ რიცხვში არ იყვნენ მეფის მრჩევლები—თ.თ. სოლომონ ლეონიძე და მაღაზი ანდრონიკაშვილი: იმათ მოასწრეს გაქცევა ახალციხეს, და ეს მათი ლალატი აღონებდა სიმონოვის. სამღვდელოება და თავად-აზნაურობა ფიცს აძლევდა იმპერატორს ერთჯულებაზე და მეფე ამას არ ეწინააღმდეგებოდა. იგი აშოშმინებდა იმერლებს იმით, რომ მთავარ-მართებელს მინდვრად შეხვედება, და თუ თხოვნა მისი არ ისმინეს, დაბრუნდება უკანვე იმერეთში მთიან აღილას გასამაგრებლად და მაშინ კი მათი დახმარება დასკირდება. ამგვარი შოწოდება მეფემ გაუგზავნა ციხის მცველებს საპაიჭავოსა და მუხურაში. ამიტომც ბევრად რუსებს არ ემორჩილებოდნენ, მეტადრე გაუძილიანდა ციხე მუხური, რომელიც აიღეს მხოლოდ აპრილში.

საზანოში მეფე დარჩა სამი დღე და იქიდან მოგალევსკი, 500 შეიარაღებული იმერელი და რამდენიმე ყაზახი მოვიდნენ ბევრმა, სულ ნახევარ ვერსხე სურამიდან! აქ მოუვიდა მეფეს ცნობა, რომ ტორმასოვმა დაუნიშნა მას შესახვედრად გორი, რომელც „გჩიდ სდევსო ტფილისისაცნ, სადაც თქვენ უნდა ცლოლოთ იმპერატორის მიერ თქვენის ბედის გაღაწყვეტისათ“. როცა მოახლოვდნენ სოფ. დირბს, სოლომონმა მოითხოვა, რომ ტორმასოვმა პატივი სცეს და აქ ინახულოს იგი. მთავარ-მართებელმა დაუთმო აქ ცოტა და დასთანხმდა შეხვედროდა სოფ. ვარიანში. მეფე სოლომონს გული კარგს არის აგრძნობინებდა და იმიტომ სცადი დირბიდან ოსებში გაპარვა. შეუმნეველვად მას თვალ-ყურს იდევნებდნენ და ყველგან გზას უკრავდნენ. რაკი გაქცევს სურველი გამოაქვეყნა, მოგალევსკიმ გამოუცხადა მეფეს, რომ ამის შემდეგ რუსთა

მცველების ხელშია და დაუყოვნებლივ უნდა წავიდეს ვარიანტი.

28 მარტს სოლომონ მეფე, ოთვორიც „სახელოვანი ტყვე“, მოვიდა ვარიანტი. ტორმასოვმა გამოუცხადა მეფეს, რომ იგი თავის ბედის გადაწყვეტილებას უნდა ელოდოს ტფილისში. ერთის თვის წინად რომ მომხდარიყო ეს მათი შეხვედრა, სოლომონს, იქნება, შერჩენოდა ტახტი, ხოლო იმერეთის აცდენოდა სისხლის ღვრა, დანგრევა და აწიოკება. ახლა კი შებოჭილი მეფე მოიყანეს გორში. მისი მხლებელნი დააფიცესდა უკან გაისტუმრეს, გარდა ასი კაცისა, რომელნიც დასტოვეს მფუჯესთან. ტფილისში მეფე დააყენეს სუმბათაშვილის სახლში და დარაჯი დაუნიშნეს, რამაც ფრიდად გააკვირვა იმერი თავად-აზნაურობა, სიმონოვიჩის დაპირებას მინდობილი. როცა მიტროპოლიტთა კრებამ მოითხოვა სოლომონის იმერეთში დაბრუნება, მთავარ-მართებელმა უპასუხა, რომ იმერეთი სამუდამოდ იმპერიასთან შეერთებულ იქმნა და მეფის მართებლობის მაგივრად ინიშნება „დროებითი გამგეობა“. აღელვების მიზეზის მოსასპობლად გვნ. ტორმასოვმა უბრძანა სიმონოვიჩს მეფის ქვრივი (დელოფალი დარეჯანი, გიორგი ბატონიშვილის მეუღლე) შვილებით სამეცნიელოდან ტფილისში გამოვგზავნა. რაც შეეხება თვით სოლომონს, გვნ. ტორმასოვი თხოვულობდა მისსა და ბატონიშვილის კონსტანტინეს რუსეთში გადასახლებას, რადგან მეფისადმი ტრთებულება მაინც მტკიცეა იმერეთში და მისი იქ ყოფნა საშიშია. მეფეს, იმის აზრით, დაენიშნებოდა შესაფერი პენტია და საცხოვრებლად რუსის სოფელი. ტორმასოვი დიდად კმაყოფილი იყო, რომ ხუთი წლის განმავლობაში ურჩობით განთქმული მეფე ტყვედ ჰყავდა ტფილისში. მადლობა გამოუცხადა მან ჯარს, დააჯილდოვებინა სიმონოვიჩი გენერლის ჩინით და დანიშნა იმერეთისა, სამეცნიელოსა და გურიის საქმეების მმართველად და სარდლად იქ მდგომის რუსის ჯარებისა. მშვიდობიანობის ჩამოვარდნა იმერეთში მაინც არ მოხდა. უმთავრესი მიზეზი ამისა ის იყო,

რომ მეფე, თუმცა სასტიკი ზომები იყო მიღებული, 11 მაისს 1810 წ. გაიქა ტფილისიდან და მიიმალა.

თავ. სუმბათაშვილის სახლები, სადაც სოლომონ მეფეს ინახვდნენ, მდებარეობდა მტკვრის მარჯვენა მხარეზედ, ავლაბრის ხილის ახლოს. სახლი განმარტოებულად იდგა და გარს უტყა მაღალი გალავანი ვიწრო გასავალი კარით. სახლის დარჯობა ტორმასოვმა დაავალა მაიორს კომნენს. ამან ბალის კართან დააყენა ყურის მგდებელი. სუმბათაშვილის მოვალეობას შეადგენდა ყოველ-დღიურად იმ პირთა სიის შედეგნა, რომელიც მეფის სანახვად მოდიოდნენ, უნდა თვალი ედევნებინა მეფის ავი განზრახულებისათვის და საღამოდან მოყოლებული გათენებამდის, მხლებელთა გარდა, არავინ გაეტარებინა სასახლეში. ქალაქის ბოქაულს ბარათაშვილს უბრძანეს დაენიშნა მეფის სამსახურისათვის ორი პოლიციელი და ღამით აგზავნიდნენ ბალის კართან სამს პოლიციელს, რომელიც დარაჯს უსახელებდნენ მეფესთან შემსვლელს პირებს. მეფის შხლებელთა ცხენები მტკვრის გაღმა იყვნენ საძოვარზე და ბოქაულის დაუკითხავად გამოლმა ვერავინ გაღმორეკავდა. მეფესთან შედიოდნენ ისინი, ვისაც ნება ჰქონდა აღებული. მეფეს განუშევეტლივ ახლდა ერთი აფიცერიც.

ამდენი გასაფრთხილებელი ზომების მიუხედავათ, მეფე მაინც გაიპარა *), ხელშეწყობილი აფიციალურ პირთა მიერ, რომელთაც ვალად ედოთ მისი დაცვა მის გაქცევამდე. ბოქაულის დაუკითხავად 20 ცხენი გაღმოიყვანეს მდინარე ვერაზე. წინა ღამეს როსტომ წერეთელმა და გრიგოლ ერისთავმა გადმოარეკინეს თავიანთ კაცებს ექვსი ცხენი და მოიყვანეს მეჩეთის ნაგრევთან, რომელიც ექვს ნაბიჯზე იყო გალავნის კარებთან. კაკუცა აბიშიძემ ბოქაულს ბარათაშვილს აუხსნა, რომ ცხენები სჭირდებათ მეფის კაცებს, რომელიც იმერეთში

*) ეს მოხდა, დავით ბატონიშვილის სიტყვით, 13 მაისს 1810 წ., ლაზესა, რომელი თენდებოდა შუაზატიქის დღესასწაული.

მიდიანო, და უჩვენა ქალალდას ნაგლეჯი ბილეთის მაგივრად, რომელიც, ტორმასოვის ბრძანებით, თავისუფალ გზას უხსნიდა იმათ, ვინც იმერთაგანი ბრუნდება სამშობლოში. გაქცევის ღამეს ორმა პოლიციელმა თავლის ბაზედ დაიძინეს, მესამე მთელის ღამით მეჩეთში მოეწყო. დარაჯი დარჩა მარტოკა. სოლომონმა იმ ღამეს თავი მოიავათმყოფა და ადრე შევიდა დასაძინებლს ოთახში, იგახშმა ქაიხოსრო წერეთელთან, გაიხადა ტანისამოსი და დაწვა. თავ. წერეთელი გამოვიდა, ხოლო ათ საათზე დაბრუნდა სოლომონთან და შეატყობინა, რომ ცხენები მზად არიანო. მოხუცმა მოსამსახურებ *) მიართვა დამზადებული უბრიალო ტანისამოსი, რომლის მაგივრად მომტანმა მეღუქნებ ბეჟან მურასოვმა წაიღო მეფის ძეირფასი ტანთსაც მელი. მეფემ გადაიცვა კაბა, ნაცრით პირი მოისვარა, საღვინე აიღო ხელში (ბატონიშვილ დავითის სიტყვით, წამოიკიდა ოკუპორა) და გავიდა ქაიხოსრო წერეთლის ოთახზე ბაღში. სოლომონმა ორს დარაჯს გაუარი და თამამად უპასუხა, რომ იგი მეფის მსახურია და მიღის მტკვარზე წყალის მოსატანად. ქუჩაში მას უცილიდა ერთი იმერელი, რომელიც, ვითარცა საეჭვო, წინა დღეებში, კომენდანტის განკარგულებით, გადაყენებული იყო მეფის სახლის მცველობის მოვალეობისაგან. ამან გაიტარა მეფე ქალაქით და მიიყვანა გასავალთან, სადაც დარაჯმა გააჩერა, მაგრამ რაკი დაინახა პოლიციელი, სამსახურისთვის მიმავალი, გაატარა გალავნის გარედ. ქედაზღვინებ მეფეს, ოთხი თავადი წერეთელი, მათ შორის ზურაბის შეიღო, ძმანი ერისთავი, აბაშიძე, 23 ცხენოსანი, და ამათის თანხლებით გაუდგა სოლომონი „თრიალეთის კერძო“ (გზა?). ტორმასოვი ამ

ეს მოსამსახურე მეფესთან შეზრდილი აზაური იყო. მს გაანდოს საიდუმლოება ქაიხოსრო წერეთელმა; მოსამსახურე მეფის ლოგინში ჩაწვა და თავისი კაბა მეფეს მიართვა. („კრებული“ 1872 წ. № 10—12, ილა-რიონ ქართლელის ნამბიბი).

დროს ტფილისში არ იყო: ყარაბახში მოლაპარაკება ჰქონდა სპარსელ მირზა ბეზიურკთან ზეის შესახებ. ამიტომ მეფის გა- პარვის გამომჯღვნების შემდეგ პირველი გან კარგულება მოახ- დინა საქართველოს მართველმა გენერალმა ახვერდოვმა და ტფილისის სამხედრო გუბერნატორმა გენერალმა როზენმა. ბორჩალოს მოურავს ებრძანა გზები შეკვრას დმანისიდან ახალ- ციხისკენ მიმავალი. სიმონოვის მისწერეს ეცალოს მეფე დაი- კიროს, თუ იგი იმერეთში დაბრუნდეს. მაგრამ ამაռდ ჩია- რა მიღებულმა ზომებმა. ღიღი შთაბეჭდილება მოახდინა მე- ფის გაქცევამ იმპერატორ ალექსანდრე პირველზე. გარდა პო- ლიტიკურის მნიშვნელობისა, ეს საქციელი იმტკიცებდა „სო- ლომონის მიერ ორკეც შეურაცხყოფას მონარქის წყალობი- სს“ იმით, რომ ტფილისში მეფემ თავის თოახში დასტურა ორ- დენი ალექსანდრე ნეველისა, უმაღლესად ბოძებული 1804 წ.

იმპერატორმა გამოუგზავნა ტორმასოვს ბრძანება მისცეს სამხედრო სამართალში გენარალი როზენი, როგორც ტფი- ლისის ჯარის დროებითი უფროსი კომანდირი; დანარჩენი პი- რნი, ვისაც რაიმე მონაწილეობა აქვსო მიღებული მეფის გაქ- ცევაში, სასტიკად და სწრაფად დასჯილ ყოფილიყვნენ. სამარ- თალმა როზენი უდანაშაულო იცნო, ხოლო ტფილისის კომენ- დანტი კომნენი ხუთის თვით დაიჭირეს და შემდეგ სამსახური- დანაც სამუდამოდ დაითხოვეს. პოლიცმეისტერს ბარათაშვილს აზნაურობა აჲყარეს და სალდათად გაგზავნეს. მეფის გაქცევაში უმთავრეს მშველეულ პოლიციელებს ავთანდილოვს, პენტე- ლევსა და ერიგანსკის, აგრეთვე მედუქნე მურასოვს, სიკვდი- ლით დასჯა გადაუწყიტეს. მეფის მსახურს ტაბუკაშვილს და დალაქს სალამაძეს ჩამოხრიბა ტორმასოვმა ციმბირში გაგ- ზავნაზედ შეუცვალა. ასის-თავს ფალავნდაშვილს, რომელსაც ბრალდებოდა იმერთა ჯოგიღგან ცხენის გაღმოყვანა მტკვრის გაღმოლმა, გამოძიებამ ვერ დაუმტკიცა დანაშაული და „ლმერთს მიანდო მისი საქმე“; ხოლო გენ. ტორმასოვმა სასამართლოს ამ რეზოლუციის თავის ხელით მოაწერა: „დახვრიტეთ“!

ტერიად დაუჯდათ იმერლებს მეფის განთავისუფლება *),
მაგრამ უფრო მეტი მსხვერპლი მოელოდა მის შევიწროებულს
სამეფოს.

ტორმასოვი დაბრუნდა საჩქოროდ ყარაბახიდან და შეე-
ცადა მეტეთში არეულობა არ მომხდარიყო. სიმონოვის ებ-
რძანა სანის და ზეგანის ხეობებს აღვენოს თვალი, დაიჭიროს
ჯარით უსაჭიროები ადგილები და აუკვეთოს მეფეს იმერეთ-
თან მისვლა-მოსვლა. ამ აზრით ფოთში დატუსალება დედო-
ფალი მარიამი, დაი მისი მიქელაძის მეუღლე და მალხაზ ან-
დრონიკაშვილის ცოლი. მეფესთან გაქცეულ თავადთა ოჯა-
ხობა დატუსალება და მათი მამული სახაზინოდ ჩაირიცხა,
რომ მით დაეჯილდოვებინათ რუსთა ერთგულნი. ტორმასოვმა
მიკმართა იმერ მიტროპოლიტთა კრებას და ურჩევდა ამაოდ
ნუ ცდილობენ „ლვის მოწინააღმდეგე მეფის დაბრუნებას“.

გავიდა რა თრიალეთს, სოლომონი შეხვდა ლევთა მხედ-
რობას მაკმაღ-ბელადის წინამძღოლობით და მათის თანხლებით
მშვიდობით მიაღწია ახალციხის საზღვარს და 13 მაისს მი-
ვიდა სოფელს კოტელს, სადაც ამ დროს იყო ბატონიშვილი
აღექმნდრე. ამან იმერეთს გამოუგზავნა მოწოდება ერთგუ-
ლება დაემტკიცებინათ ბაგრატიონთა სახლისთვის. თვით სო-
ლომონმაც მიკმართა წერილებით იმერლებს, ხოლო მიტრო-
პოლიტებს გენათელს და სოფრონს სთხოვდა დახმარებას რუსის
მთავრობასთან. ამავე დროს სთხოვდა ლოსიათხეველებს თავი
გაეწინათ მის დასახსნელად, რომ არ დამართებოდა ისეთი დღე,
როგორც ქართლელებს, რომელნიც რუსთა გავლენით წითელ
პარასკევს ხორცას სჭამენ და ხორცით იწვიან. რუსები დაპირ-
დნენ მათ ოქროებს, ახლა კი ღარიბისა და მიცვალებულზედაც

) სოლომონის გაქცევის ამბავს ცოტა სწავანაირად მოგვითხრობს
გაბრიელ მოძღვარი ათონელ ილარიონ ქართლელის სიტყვით („კრებული“
1872 წ., № X—XII). ბარათაშვილმა თვით გადასცა ცხენი დაჭანცულ
მეფეს, რომელსაც იგი შემოწვდა ქალაქს გარედ სოფლიდან მომავალი.



ყველას სამ-სამ მანეთს ართმევენ, სახლებს უპატიურებენ და ამცირებენ. ასეთი დღე მოგველით თქვენცაო, თუ დამივიწყებთ მე, ოქვენს კეთილ მოყვარესაო. მიტროპოლიტს დოსითოვს სწერდა, რომ მან ირჩია მათთან სიკვდილი, ვიდრე რუსეთში დიდება, და ახლა თავზედ ხელი აელო, რომ იძერეთში დაბრუნდეს. უწყერს-რა მომავილს განსაცდელს, მეფე სოხოვს დახმარებას დაინითა და არაყით. ამგვარათვე ცდილობს მიიპყროს თანაგრძნობა იმერეთის თავად-აზნაურობისა და თვით ზურაბ წერეთელსაც კი მიჰმართავს წერილით *).

სხვათა შორის, დიდის გრძნობით საესე წერილი მისწერა
ქუთათელს ღოსითეოსს იმავე წელს 17 მაისს:

„... „მეფე სრულიად იმერთა სოლომონ უსამლოოესს მარჯ-
ვენეს სესოებით ამბორის ყოფის ზოგახსენებთ, — სწერდა მეფე მიტროპოლიტი. — მერჩეთ, როდესაც გადაწყვეტით გული და-
ვაჯერე, რომ რუსეთს მისტუმრებდნენ, თქვენის მოშორებისა
და იმერეთის საუკუნოდ დატოვების ცეცხლი ჩემს გულს მო-
ეგზია; ცას ქვეშეთს დიდებას — თქვენთან ყოფნა, თქვენთან
სიხარული, თქვენთან სიცოცხლე და სიკვდილი ვირჩიე. ჩემი
თავი გადავხდევ და ათს ამ თვეს, ღამის ორ საათს, ღვთის
მოწყალებით ქალაქიდგან გამოვედი. ოთხი წერეთელნი, ორი ი
შები ერისთავები და ღაუზულილი მათის კაცებით, ოც და სამი
ცხენიანი, აქ — ახალციხეში, მშვიდობით მოვედით. თქმად შე-
უძლებელია დღითა და მცირეთაგან ერთობით ჩემის მისელი-
სათვის ამათი სიხარული. ა რა მომ აუთვ მდიდარ მას ვაშაუცემ

„აწ თქვენგან და მთელად იმერეთისაგან ჩემი საწადელო
ეს არის, — მე თუ სხვა სამსახური რამ დამიკლია იმერეთისა-
თვის, ეს კი ყველამ იცით, რომ თქვენის პატივისცემისა და სი-
ყვარულისაგან არაოდეს ჩემი გული არ გამაძლარა; აწ კიდევ
სიკვდილისა და განსაცდელისათვის თავი გადავსდევ თქვენ-

***)** ნახე „იმერეთის მეფე სოლომონ მეორე“ თ. ხუსკივაძისა, 83-57—59, ყვირილა, 1903.

თან სიცოცხლისათვის. ამაზედაც ფიცით გარწმუნებთ, რომ თუ
 იმერეთს ჩემის დაკარგვით ბედნიერება და თავისუფლება მი-
 ყცემოდეს, როგორც მე თქვენის მოუშორებლობისათვის თავი
 გამოვიმეტე, ისე თქვენთვის დაკარგვას სასიხარულოდ მივი-
 ღებდი; მაგრამ ვიცი და თქვენც ჰქედავთ, რომ როგორც სხვა,
 თქვენი მეზობელნი, იმათ ხელში უნუგეშოდ კვნესიან და დღე
 და დღე ოჯახის პატივიდგან მდაბლებიან, სახლის და ცოლ-
 შვილის უპატიობისათვის სიკვდილს ნატრულობენ, თუ იმე-
 რეთის დამორჩილებაზედ გულდასმული ჟეიქმნენ, მერე უმ-
 წარესი და ყოველს მეზობლებზედ უძნელესი დღე იმერეთს
 მოადგება, და რომელსაც დღეს ოქროს აძლევენ, ხვალ გა-
 თის ოჯახის საცხოვრებელისაც წართმევენ. დღეს რომ პატივსა
 სცემენ, ხვალ ყოველ ქვეყანისაგან იმერეთში უმეტესად დაკ-
 რძალულ ცოლ-შვილის პატიოსნებას უპატიოდ გახდიან. ჟე-
 ჰქედეთ საქართველოს, რომელიც პირველში ფიცითა და ოქრო-
 თი მოატყუც და დღეს აღარც სიმდიდრე უხარიან და აღარც
 თავისი სახლი და სიკვდილს ნატრულობენ. ყველამ იცით,
 რომ თავის ჩვეულებას თქვენთვის არ გამოცვლიან; არც თქვენს
 მამა-პაპას არ იცნობდნენ, არცა აქვსთ სიყვარული და გულის
 ჟეტკინება, რომელიც მე მაქვს, გიცნობთ და მიცნობთ.

„ეს არის დღე ერთგულებისა და ჩვენთვის დათხეულთა
 მამა-პაპათა თქვენთა სისხლთა განახლებისა, რომ განთავისუფ-
 ლებისა თქვენისათვის გამოაცხადოთ ერთგულება თქვენი, რო-
 მლითაც აქამდე ყოველს ქვეყანაზედ იმერეთი ჩინებული ყო-
 ფილა მეკვიდრის მეფის ერთგულობაზედ და უმეტესად თქვენი
 ოჯახი და თვით თქვენ ჩვენთვის თავდადებულნი ბრძანებულ-
 ხართ. ნუ დაიდებთ საუკუნოდ საძრახისს საქმეს და ნუ დაი-
 ღუბებით ქართლსავით, რომელნიც სულიერად დიდ პარასკევა
 ხორცს სჭამენ და ხორციელად გატანჯულნი სიკვდილს ნატ-
 რულობენ. გაისარჯეთ თქვენებურად, ოჯახი დიდი თუ მცრე,
 თქვენი მოკეთებული, და თქვენი სამწყსო იმერეთში ყველანი
 რომ უკიდეს უწინდეს-მიგრაცია მომა იყიდება თქვენი

განამტკიცეთ და ოქვენი ჩემზედ მამა-შვილური სიყვარული და შემძლებლობა დღეს გამოაცხადეთ. თუ დამაჯერებთ, მე თვითონ შემოვალ თქვენთან და უცხო ჯარებს აღარას დავეძებ, რომ ღვთისა და ოქვენის შესაწუხებელი საქმე არ მოჰქვდეს-რა და, როგორც თქვენგან პასუხი მომივა, ამად გული დაჯერეთ თქვენთან და იმერეთში ცხოვრებისათვის ჩემი სიცოცხლე უნდა დავასრულო, იცოდეთ”...

ამგვარივე წერილები მისწერა მეფემ სახლო-ხუცესს თავზურაბ წერეთელსა და სხვებს... მეფე დიდ მზადებაში იყო. მას იმედი არ დაპარგოდა, რომ იმერეთის ტახტი ოდესშე ისევ ხელში ჩაუვარდებოდა.

მეფის მოწოდების გასანიავებლად, სიმონოვიჩმა გამოუცხადა თავ.-აზნაურობას და სამღვდელოებას პროკლამაცია, რომ მათ მოსპონ სოლომონთან კავშირი და დამოკიდებულება. მეფის წერილების მიმტანს პპირდებოდა ჯილდოს, ვისაც კი შენიშნავდა მეფესთან დაახლოვებას, უქადღა გაწკეპლვას და ციმბირში განდევნას და მამულ-დედულის წართმევას ერთგულთა დასაქმეყოფებლად. მიუხედავად ამ სასტიკ ზომებისა, დამოკიდებულობას მეფესთან იმერნი არა სპობლნენ. დევნილმა მეფემ ხალხის უვალში მოიპოვა უფრო მეტი პატივისცემა და თანაგრძნობა. მისი წერილები მივარდნილს სოფლებშიაც უღვიძებდა ხალხს სურვილს მიეცათ მხარი ტანჯულ გვირგვინოსანისთვის. ხალხის მოძრაობას ისიც უწყობდა ხელს, რომ რუსის ახალი მმართველობა არ აკმაყოფილებდა მცხოვრებთა მოთხოვნილებას, გამგეობა ისევ ძევლს მოურავებს და ბოქაულებს დარჩათ.

იმერეთი არ დაწყნარდებათ, სწერდა სიმონოვიჩი, ვიდრე სოლომონი ისევ მეფედ არ იქნება, ხოლო სხვა პირის მეფობა ერს არა სურსო. რუსების მდგომარეობა ამიტომ შეიქმნა ფრიად საძნელო. მომხრე იმერეთში არავინა ჰყავდათ. ზურაბ წერეთელი, რომლის იმედიც პქონდათ, შორიდან უყურებდა სეირს. სიმონოვიჩს არა ჰქონდა გავლენა იმერეთში და სახელი გაიტება მით, რომ ჯვარ-სახარებზე შეპფიცა სოლო-

შონს ხელშეუხებლობა და ბოლოს კი მახეში გააძა. შემდეგ ასე მოატყუა კიდევ მარიამ დედოფალი, რომელიც დაპირებული ტფილისის მაგივრად გაგზავნეს საცხოვრებლად რუსეთს. აღთქმული ჯილდოც დამსახურებულ პირებს ვერ გამოუტანა. ტორმასოვმა იწყინა ეს მოხსენება სიმონოვიჩისა: უარპყოფდა, რომ მეფეს ტფილისში ტყვესავით ინახავდა და ამტკიცებდა, რომ არაფერში არ უმტყუნია სოლომონის წინაშე, რომელიც დამნაშავეა თავის მოუთმენლობით ბედის უკულმა დატრიალებაში.

სიმონოვიჩს მართვაში დასახმარებლად, ტორმასოვმა სთხოვა ქუთაისში გადასვლა თავად ზურაბ წერეთელს, მაგრამ ამან უარი შემოუთვალი და წავიდა საჩხერეს იმ მიზეზით, რომ ქალს ჯვარსა ვწერ ლევან დადიანზე. ზურაბმა აქაც, როგორც სიმონოვიჩი სამართლიანად იწერება მოხსენებაში, თავი დააღწია რუსებს გაჭირვებულს მდგომარეობაში და ორპირობითი საქციელით ეჭვი დაუბადა, რომ იგი მხარს უჭერს მეფეს ტახტის დაბრუნების ცდაში. მაინც, ზურაბიც რომ მიშველებოდა, მთავრობა იმერეთს ვერ დაამშვიდებდა, რადგანაც სამეფოს მოედო საერთო და სტიქიური იღელვება; გზები შეიკრა. სიმონოვიჩს კაცებს და გაგზავნილ მოხსენებას აჩერებდნენ, მეფის ბინას უმალავდნენ.

აჯანყებულნი შეადგენდნენ რაზმებს და დაუწყეს რუსებს დევნა. ქაიხოსრო ბაშიძის მოთავეობით მოქმედობდა რაზმი 2000 კაცამდის. სიმონოვიჩმა ამათ წინააღმდეგ გაგზავნა მაიორი კალატოზიშვილი ორი როტით ლოსიათხევისკენ. აჯანყებულთ ვიწრო ადგილას შეიმწყვდიეს იგი, 50 მოჰკულეს და დასჭრეს, ამათ რიცხვში თვით კალატოზიშვილიც გამოისალმეს წუთი-სოფელს. იმისმა მოადგილემ ტიტოვმა დასძლია იმერლებს,—მოუკლა მათ ასი კაცი, მაგრამ კი ვერ გაპფანტა: იგინი შეეფარენ გამაგრებულს სოფელს ზაქარიას *). ამ პირველი შეტა-

*) ბატონიშვილი დავითი ასე მოგვითხოვბს ამ ამბავს: სცნეს რა იმერთა მეფისა აღსვლაი ახალციხეს, შეიქმნა მათ შორის აღრეულობაი

კების შედევრი ის იყო, რომ აღელვება მოედო მთელს მხარეს და შეჰკრა გზა აღმოსავლეთ საქართველოსთან. ეს გაჭირვებული მდგომარეობა აცნობა ტორმასოვს ზურაბ წერეთელმა. სიმონ ნოვიჩი, სჩანს, საქონის ვითარებას გულახდილად ვერ ატყობინებდა მთავარ-მართებელს.

24 ივნისს ტორმასოვმა მიაშვერა ქართლიდამ სიმონოვის მიორის კრისტევიჩის კომანდობით ორი როტა და ერთი ზარბაზანი. ამათ შეხვდათ იმერთა რაზმი, მწარედ შეიძნენ, 20 კაცი მოუკლეს, 48 დაუჭრეს რუსებს, მაგრამ იმათ მაინც ქუთაისს მოაღწიეს. ამავე დროს კაპიტან სუხანოვის როტას დაეცნენ ბალდადთან და დიდი ზარალი მისცეს. სათითაოდ ყაზახთა მოკვლაც გახშირდა. იმერეთი ზღვასავით ღელავდა. სოლომონ მეფე ივნისის დამდევს მოვიდა იმერეთს ახალციხიდან ლევების და ოსმალოს რაზმით; რამდენიმე მოკლულ რუსის თავი მეფემ მადლობის ნიშნად სწრაფად გაუგზავნა შერიფ-ფაშას, რომელიც სოლომონს მამას ეძახდა და ხონთქრისათვისაც სთხოვდა რამდენისამე კაცის თავს ფერქაშად. რაკი საქმე გამწვავდა, გენ. ტორმასოვმა საჩქაროდ გავზავნა იმერეთს კიდევ ორი ბატალიონი გენერლის ორბელიანის უფროსობით. სიმონოვიჩის და ორბელიანის დამოკიდებულება ტორმასოვმა ვერ განსაზღვრა და ამით ჩამოაგდო მათ შუა შეუთანხმებელი მოქმედება.

ტორმასოვმა დაავალა ორბელიანს (ამას ბატონიშვილი დავით უწოდებს დიმიტრი ყაფლანიშვილიად, — კაცი უმეცარი და „მზგავსი პირუტყვისაო“), მიემზრო სამეგრელოს და გურიის მთავრებიც იმერთა წინააღმდეგ; აჯანყებულთა შესახებ გასცა სასტიკი განკარგულება: ზოგი ციხეში დაამწყვდიეთ, საკიმ-

და ადგილ-ადგილ ამბოხი, უმეტეს ზემო მხარსა შინა, რომლისა ამბოხის თავი იქნა ქაქერელა აბაშიძე საქარველი. მაშინ ღიანარალმან სეიმონ ნოვიჩმან წარგზავნა მაიორი კალატოზიშვილი 200 სალდათითა და ზარბაზნებითა. მოვიდა იგი ზაქარას. წარმოიშვა ბრძოლაი, იძლივნენ რუსნი. („მასალები“, გვ. 20).

ბიროთ დანიშნულნიო და ზოგიც ჩამოახრჩეთ, თუ საჭიროება ამას მოითხოვდეს. რაც შეეხება თვით მეფეს, უნდა გამცემი პირი ეპოვნათ ახალციხეში და თვალი ედევნებინათ ყოველი მისი ნაბიჯისთვის. როცა ორბელიანის ჯარმა 29 ივნისს 1810 მოაღწია სურამს, შეიტყო, რომ ამას იქით წასვლა შეუძლებელია, რადგან გზა დაჭერილია აჯანყებულთა მიერ, რომელნიც გამაგრებულნი არიანთ ლეკთა და ოსმალთა შემწეობით. იმ აზრით, რომ გაჰყოს მწინააღმდეგეთა რიცხვი, ორბელიანმა განიზრახა ორი გზით შესულიყო იმერეთში. ერთი ბატალიონი და ორი ზარბაზანი ჩააბარა მაიორს ტიხოცის ალის გზით კარტოხდზე და ჩალუანზე წასასვლელად, თითონ შეორე ბატალიონით ვახანის ხევს შეუდგა. გზად მას შემოუერთდა ოთხი როტა მაიორის პრიბილოვის კომანდობით. ტიხოციმ მიაღწია კარტოხს, თუმცა მწარე შეტაკება ვერ აიცდინა.

სისხლის ღვრა და შეუწყალებელი ბრძოლა მოხდა ალის ხეობაში. ოთხი დღე განუწყვვტელი სროლა იყო. რუსის ჯარი დიდად შევიწროვდა. დამარცხებაც არ ასცდებოდათ, რომ სურამიდან მშველელი რაზმი არ მოსწრებოდათ. 11 ივლისს დასვენებული ორი როტა ბორჯომის გზით შემოუერთდა ტიხოცის რაზმს. ელაზნაურიდან მოვიდა თვით ორბელიანიც. დამბალოს ველზე 10 როტა რუსის ჯარი და ოთხი ზარბაზანი დაუხედათ აჯანყებულებს. ოთხი ვერსის სივრცეზე მდინარე ძირულამდის ეცნენ ერთმანეთს მოპირის-პირენი. ნიდს იქით ერთი-ერთმანეთზე მოსდევდა იმერთა მიერ გამაგრებული ადგილები. ჯარის გატარება აქ შეუძლებელი იყო, ამიტომ ორბელიანი დაბრუნდა უკან სურამს იმ აზრით, რომ ვახანის ხეობით შესულიყო იმერეთს.

ორბელიანმა დაპარგა ამ ბრძოლაში 117 კაცი მოკლული და დაჭრილი, ხოლო იმერლებმა ამაზედ მეტი: მოკლულთა რიცხვში ერთი აჯანყების მოთავეც — აზნაური გოდობრელიდე. ალის ხეობაში რუსების დამარცხებამ გაამხნევა მოძრაობის ბელადნი. მალხაზ ანდრონიკაშვილი და როსტომ წე-

რეფერენტულობას უდინდნენ მეცნეს მტერზე „გამარჯვებას“. ტორმასოვი კი საშინლად გააფიცხა ამ შესაზარიგმა ამბავმა. საშინლად გაუწყრდა იგი თავი. ორბელიანს იმაზე, რომ მან ჯარი ორე გაჰკო და მით შეასუსტა თავის მისატანი ძალა. მეორე შეცდომად ის ჩაუთვალი, რომ არ შეიტყო რიგიანად, როგორ პეტრი იმერლებს შეკრული და გამაგრებული აღის გზა. ამ გაუგებრობის შედეგი იყო მაიორ ტიხოცის ჯარის ხეობაში დარჩენა უწყალოდ და უპუროდ, შემდეგ მსხვერპლად გახდომა მიმალულთა თოფის ტყვიისა. ორბელიანი თავს იმართლებდა იმით, რომ მტერს მოელოდა იგი ვახანის გზით და არა აღის ხეობით. შეეცადა აგრეთვე ტიხოცის მოქმედებაც გაეთვარებინა და მისი განწირული სიმამაცე მთავარ-მართებლისთვის გადაეშალა. მოწინააღმდეგის დასათრგუნავად ტორმასოვს ერთად-ერთ საშუალებად მიაჩნდა სწრაფი დაცემა. ორბელიანიც ამიტომ სთხოვს ახალს ჯარს აღის ხეობისკენ, რომ იმერნი მიიტყოს ამ მხარეზე და თვით დაცემს ვახანის ხეობით. ტორმასოვი, გაბრაზებული ორბელიანის თხოვნაზე, სწერდა, რომ რვა ბატალიონი, რომელიც მასა ჰყავს, საკმარისია, რომ მტრის ბრძოლა გაარღვიოს და დაამარცხოს იგი. რადგან ორბელიანის მოქმედებით გენ. ტორმასოვი უკმაყოფილო იყო, ამიტომ, უფროისობა ჯარებისა, რომელნიც იმერეთში იყვნენ გაგზავნილნი, გადასცა გენერალს როზენს.

ტორმასოვმა უბრანა როზენს დაუყოვნებლივ წავიდეს სურამში, ჩაიბაროს ორბელიანისაგან მთავარ-მართებლის ინსტრუქციები და ფული და გაეშუროს იმ ადგილას, სადაც აჯანყებულთა შეკრებულებაა. მოწერილობით, ორბელიანს უნდა მოეცალნა როზენისთვის სურამში, მაგრამ ქაღალდმა აქ ვერ მოუსწრო და იგი გასულიყო იმერეთისკენ ვახანის გზით. შვიდს ვერსხე სურამიდან რუსის ჯარს შეცდა აჯანყებულთა რაზმი; ბრძოლის შემდეგ რუსებმა მიაღწიეს სოფ. ნებოძირს და მეორე დღეს გავიდნენ მოლითის წყალს და დაუახლოვდნენ ზედუბანს. აქ მოუვიდა ორბელიანს ტორმასოვის ბრძანება როზენ-

ნისთვის მოეცადნა სურამში. მაგრამ ორბელიანმა არჩია აჩქარებული ნაბიჯით გაეწია და 20 ივლისს ჩავიდა ლელვანს. აյგაიგო, რომ რუსების კომანდა ჩხერში მეტად გაჭირვებულია და ამიტომაც ორბელიანი გაეშურა მის გამოსახსნელი. გარნიზონს შეადგენდა 27 კაცი პოდპორუჩიკის შენშინ შეორის კომანდობით. თუმცა გარნიზონს სურასთი და წყალი შემოაკლდა და გარს ერტყა იმერთა რაზმი, მაინც არ დანებდა და უარი განაცხადა ციხიდან გამოსვლაზე. ციხეში სხვა გასაჭირს დაედო ავადმყოფობაც და ხმაც გავრცელდა, რომ ალის ხეობიდან რუსების ჯარი უკან დაბრუნდათ. ამ გაჭირვებილან დაიხსნა ორბელიანმა, რომელსაც ციხიდგან გაპარულმა ჯარის კაცმა აცნობა შენშინის მდგომარეობა. 22 ივლისს ორბელიანმა 3000 მეტოხენი ჩხერის ციხესთან დაამარცხა და გაჭიანტა. იმპერატორმა შენშინი და ჯარის კაცნი, ჩხერში დამწყვდებულნი, უხვად დააჯილდოვა. ჩხერის ომში მოჰკლეს დიმიტრი აბაშიძე.

ამ ჩხერთან მოეწია თავ. ორბელიანს გენერალი როზენიც, რომელსაც ჯარი დახვდა დიდს ორეულობაში. როზენი გაჭირვებულს მდგომარეობაში იყო: ერთის მხრივ, მან არ იცოდა ადგილის მდგომარეობა და მოწინააღმდეგეთა რიცხვი, მეორეს მხრივ—ორბელიანის ჯარი დახვდა დაჭანცული და უსურსათო. დიდის მოფიქრების შემდეგ, როზენმა არჩია გაეპო მემბოხეთა რაზმი და ცდილიყო ქ. ქუთაისს შესულიყო. ქაიხოსრო წერეთელი გავიდა რაზმით ყვირილის წყალს და შეგცადა ჩიტურზე როზენი არ გაეშვა ქ. ქუთაისისკენ. ამ ბრძოლაში მოჰკლეს თმალთა უფროსი სულეიმან-ბეი, იმერთაგან 200 კაცი და დანარჩენნი ქაიხოსროს წინამძღვრობით მიეშურნენ სოფ. მაღლაკს *), მეფე სოლომონთან. დიდი სიხარული გამოიწვია მთავრობის ჯარში იმ მბავმა, რომ 25 ივლისს შე-

*) დავწრილებით ეს ომი აწერილი აქვს ბატონიშვილს დავითს. („მასალები“, გვ. 90—92).

ტაქების დროს განგმირულ იქმნა „მტერი რუსეთისა“ ქაიხო-სრო აბაშიძე. მიუახლოვდა რა როზენი ქ. ქუთაისს 29 ივ-ლისს, გამჭანტა მეამბოხეთა რაზმი და შევიდა ქალაქში. რო-ზენმა გაგზავნა სიმონოვიჩი რიონის მარჯვენა ნაპირით სოლო-მონ მეფის შესაბყრობლად. სიმონოვიჩის მოახლოებაზე სო-ლომონმა დაანება თავი მაღლაკს. ამავე დროს მაიორ პრი-ბილოვის ხუთი როტა და 50 ყაზახი გაგზავნა როზენმა გვ-ლათისკენ. სოფ. რიონთან შეხვდა იგი რაზმს, რომელსაც წინ უძლოდა თვით შეფე. ზრდოლა გაცხარდა 4 აგვისტოს დილი-დანვე ვიწრო დღიოლში. საღამოთი პრიბილოვს მოეშველა ქ. ქუთაისიდან ორი როტა კიდევ. ღმით ჩუმად მიეპარნენ იმ ადგილს, სადაც შეკრებული იყო მეფის რაზმი, და გაფანტეს იგი. მეფე გაიქცა ნაღარევში. სიმონოვიჩი და პრიბილოვი ერ-თად დაედევნენ მას და გელათთან გამაგრებული მეამბოხენი გაძეციეს. მეფე ახლა შეეფარა სოფ. გოგს. აქედან გაგზავნა რუსების ბანაკში მიტროპოლიტი დავით პირობის დასადებილ: თუ იმპერატორი აპატიებს საქციელს და საცხოვრებლად გი-ნას იმერქეთში დაუნიშნავს, იგი უარს იტყვის მეფობაზე და ოს-მალთა, წინააღმდეგ სამსახურით თავის წინანდელს მოქმედებას დაავიწყებინებს. ამ წინადადებას ყურადღება არ მიაქციეს და მიაწერეს მეფის ვერაგობას. ამასთანავე მისდევდნენ ფეხ-და-ფეხ და 17 აგვისტოს გამჭანტეს იმერლები გოგს, შემდეგ გა-ანთავისუფლეს გარნიზონი, დამწყვდეული სოფ. ჩხერში, და გამჭანტეს რაზმი იმერთა და თურქთა სოფ. ბალდადთან.

ენკვენისთვის დამდეგს იმერეთი აღელვებულ რაზმთაგან გაიწმინდა. სოლომონ მეფე, თანამოზიარეთა მცირედის რიცხვით, გაჩერდა ხანის ხეობაში ოსმალეთიდან მომავალ ჯარის იმედით. ტორმასოვმა არ იცოდა, რა ხდებოდა იმერეთში, რადგან მისი კურიერები და ტყვევებულნი იყვნენ აღისა და ვახანის გზაზე. ერთის მხრივ იმერლებმა სამსახური გაუწიოს მთაგარ-მართებელს, —რომ მის ქალალდებს დანიშნულებისამებრ არ მიაღწევინეს, —იმით, რომ ტორმასოვის ზოგს ბრძანებას შე-

ეძლო ორბელიანსა და სიმონოვიჩის შუა შუღლი ჩამოეგდო და ერთუფლობის მაგივრად რუსთა სავნებლად ორუფლობა დამყარებულიყო. მხოლოდ სექტემბერში მიუვიდა როზენს ოთხჯერ ამაოდ მიწერილი და გზაში იმერთა მიერ დაჭერილი ბრძანება, რომლის ძალითაც როზენს კომანდობა უნდა გადაეცა ორბელიანისთვის და თვით დაბრუნებულიყო ტფილისს. ამ განკარგულებას მოუსწრო პეტერბურგიდან უმაღლესმა ბრძანებამ, რომ როზენი განთავისუფლებულ იქმნა სამართალში პასუხის-გებისაგან. ამიტომ ტორმასოვმა მიულოცა მას კეთილიად მისი საქმის დაბოლოვება და დაავალა იმერეთში უფროსად დარჩენა. მაგრამ გვიანდა იყო: როზენი ტფილისთან იყო მოახლოებული, ხოლო მის მოაღვილედ იმერთა დასამშვიდებლად დარჩა სიმონოვიჩი, რაღაც ორბელიანმა, ვითომ-და იყალმოფობის გამო, უარი სთქვა იმერეთში რუსის ჯარის უფროსობაზე.

აღლვებული ქვეყნის დასამშვიდებლად, ტორმასოვის აზრით, საჭირო იყო იმერთა რაზმების დამარცხება კი არა—თვით მეფის დამორჩილება. ამ მიზნის მისაღწევად სიმონოვიჩს ურჩევდა იგი ებმარა საშუალებად მახვილი, ოქრო, ძალა და ყოველივე ხრიკი. ბრძანება ამგვარის შინაარსისა არა ერთხელ ჩაუვარდა სოლომონს ხელში და ამიტომაც იგი ეჭვის თვალით უყურებდა სტუკელს, მშვიდობიანად ვერსად გაჩერებულიყო, ელანდებოდნენ გამცემლები და ორგულნი. იგი ერთს აღიღლას არა დეგბოდა, ბინას იცვლიდა ისეთის სისწრაფით, რომ სიმონოვიჩის ცდა—მოესწრო საღმე მეფისთვის, ამაოდ რჩებოდა. მეფე გამაგრდა ხანის ხეობაში; შესავალი ამ ხეობაში შეჰქრეს, დაბურული ტყე იცავდა მეფის სადგურს, რომელსაც 1500 კაცი ახლდა. სიმონოვიჩმა მაინც გაბედა მისი შეპყრობა: მაიორის უშაკოვის მოთავეობით რუსის კომანდა დაეცა ხანის ხეობას, შიანგრია შესავალი და გაპფანტა მეფის მცველნი. თვით მეფე კი მაინც ხელში ვერ ჩაიგდეს და გაეპარათ: 25 ენკენისთვეს მომხრეთა მცირედის რიცხვით იგი გაიქცა ახალციხისკენ. ასე გა-

თავდა ეს მეორე აღელვება იმერეთში. რუსებმა დაჲკარგეს ამ ბრძოლაში 20 აფიცერი და 392 სალდათი მოკლული და დაჭრილი. ტორმასოვმა მანითესტრით გამოაცხადა იმერეთის შეერთება რუსეთთან და აშურებდა სიმონოვის სწრაფად მოეწყო იმერეთში გამგეობა, მსგავსად ქართლისა

ამავე დროს ტორმასოვი ზრუნავს განდევნოს იმერეთიდან სამეფო სახლის წევრნი, რომელთაც შეეძლოთ ზალხზე ცუდი გავლენით ემოქმედნათ. სოლომონ მეფის ცოლი მარიამ კაციას ასული, დაი მისი მარია (მაია), მეუღლე შელქისედექ ანრიონიკაშვილისა, და ქალი სოლომონ პირველისა დარჯანი გაგზავნეს ვორონეეს. დანარჩენი წევრნი გადაიყვანეს საცხოვრებლად ტფილისში და, მათ შორის, კკუანაკლები ბატონიშვილი დავითიც, რომლის დარჩენა ქ. ქუთაისში ტორმასოვმა არ შეიწყნარა, იმ აზრით, რომ იმერლები მიუღებიანობას და მიეცემათ აღელვების მიზეზი. გენ. ტორმასოვი აპირებდა აღელვების მოთავენი თავაღ-აზნაურთაგანნი გაეგზავნა ციმბირში, ხოლო მავნე პირნი გადასახლებინა იმერეთიდან. მაგრამ ამ განკარგულებას წინააღმდეგ სიმონოვიჩი: ასეთი დასჯა ნაცოფს ვერ გამოიღებს და შემოერთებული ხალხის ნდობას დაკარგავთ; ოჯახის მამის გაციმბირება აღძრავს მის შვილთა შორის უკმაყოფილებას და მავნე მოქმედების სურვილს გამოიწვევს. ტორმასოვი დაეთანხმა სიმონოვიჩის წინადადებას და აპატივა ყველას, და ისინიც კი გაანთავისუფლა, რომელნიც მეფეს გაჲყვნენ და ოთხის თვეის განმავლობაში დაბრუნდებოდნენ იმერეთში. ვინც ამ ვადით არ ისარგებლებდა, მათი მამული სახელმწიფოდ დაიდებოდა და პატრონები სახელმწიფო მოღალატედ იქნებოდნენ გამოცხადებულნი. ერთი ნაწილი ჯარისა დაანარჩუნოს იმერეთს მშვიდობიანობის დასცველად, ხოლო მეორე კი გაიგზავნა ახალციხისკენ, რომლის საზღვარზეც ტორმასოვი იდგა შეიარაღებული და საბრძოლველად გამზადებული.

მეფე სოლომონ გაიქცა ახალციხეს, რომ ოსმალთა მო-

შევლე ჯარით დაბრუნებულიყო იმერეთს. ახალციხის ქალაქი ჩირალდნით გაანათეს, როცა მეფე იქ მივიდა. ხაზინიდან ფაშას ეძლეოდა ფული *) მეფის დასახვედრად. მაგრამ რაკი რუსის ჯარი ახალციხის საფაშოში შევიდა, მეფე წავიდა ერევანს. ახალციხეში დარჩენილნი თავაღნი, და მათ შორის ზურაბ წერეთლის შეილი სვიმონიც, არა სპობდნენ კავშირს მეფესთან და დაბრუნების იმედს აძლევდნენ. რაკი სპარსეთმა ვერაფერი თანაგრძნობა ვერ გამოუტანად სოლომონს, რგო დაბრუნდა ახალციხეს და იქედან დირბის არქიმანდრიტის ბენედიქტეს ხელით გამოუგზავნა ტორმასოვს წერილი, რომლითაც სოხოვდა,— მეფის ოჯახი და იმერეთში დარჩენილი ნივთები ახალციხეში გამოესტუმრებინა. ამავე შინაარსის წერილი ტორმასოვს მოუვიდა თავ. ლეონიძისაგანაც. ამ წერილების მომტანმა პირადად გადასცა მთავარ-მართებელს, რომ სოლომონი თანახმა დირბში მოვიდეს, თუ ტფილისიდან გაქცევისთვის არ დასჯიან და სრულიად ეპატივება იმპერატორისაგან წინანდელი საქციელი. ტორმასოვმა გამოუკხადა, ის უბდებურება, რომელიც სოლომონს ეწვია, დაატყდა მას თავისივე ბრალითო. რაც შეეხება ნივთებს, მათ მოსაპოვებლად მიიღო ზომა. იმერეთში დაბრუნებაზე ტორმასოვმა თავ. ლეონიძეს კი გადაკიბვით რილაც მისწერა და გადაწყვეტილი აზრი არ გააგებინა. ამ წერილებს მთავარ-მართებელმა დაადევნა პოლკოვნიკი ბელეცოვი და არქიმანდრიტი ბენედიქტე, რომელნიც წავიდნენ ახალციხეს, რომ მეფეს ჩაგონონ საქართველოში დაბრუნება. ბელეცოვი პირადი ნახვის დროს მას უნდა დაპირებოდა იმპერატორის წყალობას და წარსული მოქმედების დავიწყებას. ბენედიქტეს დაავალა მეფე მართალს გზაზე დაეყენებინა და გადაეცა მისთვის წერილი, სადაც იგი უწონებს სოლომონს სინანულს და არწმუნებს, რომ იგი მოუტანს მას ბედნიერებას. მთავარ-მართებელი არწმუნებდა, რომ მი-

*) „კრებული“ 1872 წ., № IX—XII, გვ. 29.

იღებს იგი სოლომონს ღირსეული პატივით და, თუ არ ისურ-ვებს დარჩქს, მის სახლის გარს არც ერთ სალდათს არ და-აყენებს. სოლომონმა მაინც არ დაიჯერა ტორმასოვის დაპი-რება და ოლტემა.

დატოვებული იმ პირთა მომეტებული ნაწილისაგან, რო-მელიც მას გაჰყვა იმერეთიდან, დაობლებული თავ. სოლ. ლეო-ნიძეს სიკვდილის შემდეგ (ახალციხეში), მეფე სოლომონი გა-მოვიდოდა ერთი საფაშოდან მეორეში და ეძიებდა ბედნიე-რების ვარსკვლავს. ახალციხიდან იგი წავიდა აზრუმს, სადაც სულთანმა დაუნიშნა მუდმივი ბინა. ხოლო შეწუხებული აზ-რუმელი ფაშის მიერ, ტორმასოვის ჩაგონებით, მეფე, შვილი წლის ტანჯვის შემდეგ, 1812 წ. გამოიპარა ტრაპეზონს და-მით. აქაურმა ფაშამ ოსმან-ხაზინადარ-ოლომ, რომელიც ქარ-თველ თვადთაგანი იყო, კაი პატივით მიიღო, მაგრამ ბედმინ არ არგუნა მაინც სამშობლოში დაბრუნება და სამკვიდრო სა-მეფოს დაბრუნება. 7 თებერვალს 1815 წ., იმერეთიდან ძა-ლიან შორს, ოსმალეთის ქალაქს ტრაპეზონს, განუტევა მან ტანჯული სული 42 წლისამ. დაიმარხა იქაურს ბერძენთა ეკ-კლესიის გალავანში, სადაც უბრალო ძეგლზე ქართულად აწე-რია: „საფლავსა ამას შინა მდებარე იმერთა მეფე სოლო-მონ, წელი ჩყიე.

ჰსაჯენ, უფალო, მავნებელნი ჩემნი და პზრძოდე მზრძო-ლთა მათ ჩემთა. (ფსალ. 34).

„მომიხსენეთ მე, ძმანო, საფლავსა ამას მდებარე მეფე სო-ლომონ“.

მეორე გვერდზე დაახლოვებით ამოჭრილია შემდეგი:

„განმეცარცვა მე პირველ ქმნილი სიკეთე და მშვენიერება და მდებარე ვარ შიშველ და კდემული საფლავსა ამას შინა ტომისაგან დავითისა, შთამოსრული ბაგრატიონი, ეგ არჩილისა, სრულიად იმერთა მეფე სოლომონ, რომლისათვისაცა ვითხოვ შენდობას. 7 თებერვალს 1815 წელსა (ქორონიკონი ჩყიე).“ ილარიონ ქართლელი მწარე სიტყვებით აგვიწერს მეფის უკა-

ნასკნელს დღეებს: თუმცა სულთანი *) აღუთქვამდა ტახტის დაბრუნებას და ნაპოლეონის შეტაკება იმედს უღვიძებდა სამშობლოში დაბრუნებისას, მაგრამ იმერეთიდან მოსულმა ცნობაში გული აუცილუვა ტაჯულს შეფეხს ეძია მოსვენება საქართველოში. თავად-აზნაურობა უთვლიდა მას ტრაპიზონს, რომ ნულარ იფიქრებს იგი სამეფოში დაბრუნებას ოსმალეთის ჯარით. და მეფემაც დალია სული უცხოეთში, დანარტულებულმა სამშობლოს ცასა და თანამემამულეთა ნახვას.

ასე ტრალიკულად **) გაათავა თავისი სიცოცხლე მეფემ, რომელიც გამსჭვალული იყო სიკეთე მოეტანა ქვეყნისთვის და სამსახური გაეწია ხალხისთვის. თუმცა რუსული წყაროები სოლომონს ასურათებენ, როგორც სუსტი ხასიათის კაცს, ორგულსა და თავის მრჩეველთა ხელში სათამაშოს, ჩვენ მაინც საბუთი გვაქვს ვიტიქროთ, რომ იგი აღფრთოვანებული იყო საქვეყნო აზრით, გარემოებათა ვითარებას შეძლებისამებრ ებრძოდა, თვალთა საზარისი კარგად უჭრიდა და ძლიერ მოპირდაპირესთან შეტაკების შედეგი ნათლად წარმოდგენილი ჰქონდა. ამით აიხსნება ერთსა და იმავე დროს მისგან რუსებთან კავშირით შეკვრა და ოსმალეთთან მისვლა-მოსვლის გახშირება. ორს ცეცხლს შეა მყოფი მეფე გადაიხრიდა ხან ერთსა და ხან მეორე შხარეს, იმის მიხედვით, თუ საიდან გამოელოდა მეტს სიკეთესა და სარგებლობას. იგი ირყეოდა იმიტომ კი

*) სულთანს აცნობა მეფემ თავისი მოსვლა ტრაპიზონს გაჭირვების გამო. აზრუმის ფაზას სულთანმა თავი მოაკვეთინა.

**) ტრაპიზონში იმ ეკკლესიას, სადაც დაიმარხა სოლომონ მეფე, მან შესწირა ოქროთ მოჭედილი ბერძნული სახარება, რომელსაც აწერია: „შეიწირე, წმ. გიორგი, აქა მდებარე სრულიად იმერთა მეფე ეს ქართლისა მეორე სოლომონისა მიერ წმ. ესე სახარება“. მეორე გვერდზე, სხვათა შორის, მოხსენებულია მეფის მოძღვარი მღვდელი იესე ყანჩაველი, მონა და მოსამსახურე მეფისა.

არა, რომ ხასიათის სიმტკიცე აკლდა, არამედ იმ მოსაზრებით, რომ დროთა ვითარების შესაფერს დასკვნას დასდგომოდა.

ნდობა და სიყვარული, რომელიც მოპოვებული ჰქონდა მას ხალხში, ამტკიცებს, რომ იგი არ იყო ჩვეულებრივი ბატონი, კერძო ინტერესით აღსავსე, — მას ხელმძღვანელობდა იმერეთის კეთილ-დღეობა, და თავის ძალ-ღონით, შეგნებითა და მოუღრეკელობით ემსახურა მას სიცოცხლის უკანასკნელ დღემდის. დედა-აზრად მისის მოქმედებისა შეიქმნა სურვილი დამყარდეს ძლიერი შეერთებული სამფუო დასავლეთ საქართველოსა და შემდეგ განმტკიცებულის წეს-წყობილებით თავისი გავლენა გადაიტანოს აღმოსავლეთ ივერიაზედაც.

თუმცა დღენი თვისნი მან ბრძოლაში გაატარა — ჯერ ტახტის მაძიებელთან, კონსტანტინე ბატონიშვილთან, შემდეგ სამეცნიელოს მთავართან და ბოლოს — რუსის მთავრობასთან, მათ ინც იგი პოულობს. დროს ჩაუყაროს მტკიცე საფუძველი სახელმწიფო გამგეობას. ჩვენამდე მოღწეული დოკუმენტება მოწმობენ, რა დაწყობილება შემოიღო სოლომონ მეორემ სამსახურის საქმეში.

უფროსი პირი მეფის კარზე იყო სახლთხუცესი. ეს თანამდებობისა ეკუთვნოდა ზურაბ წერეთელს. უპირველესი მისი მოვალეობა იყო გაწერა და მოგროვება სახლმწიფო ხარჯისა, რადგანაც მას ეკუთვნოდა მეათედი ნაწილი. იმას გარდა, მებაჟენი მიუტანდნენ საჩუქრად ორსა ან სამ ქისსას *) წელი-წალში. მეფის ნაბოძებიდან ყმათ სახლთხუცესს ეკუთვნოდა თითო კომლზე თითო ხარი. სახლთ-უხუცესობა რჩებოდა ერთს გვარში, თუმცა ხშირად მეტკვიდრეობით იგი არ გადადიოდა მამისაგან შვილზე.

სახლთხუცესი გამგებელი იყო ყველა სახელმწიფო საქმეებისა. იგი თვალ-ყურს აღევნებდა მეფის შემოსავალს, რომ მელსაც შეადგენდა: 1) იჯარებიდან 1809 წ. 97 ქისსა, ანუ

*) ქისსა — 500 ოსმალური პიასტრია.

20,000 მან., 2) საურნე—თითო კომლზე ორი მარჩილი *),
 3) საუდიერო—კომლზე ექვსი ბათმანი ხორბალი (ბათმანი = 11
 გირვანქა), ან-და 15 ბათმანი ღომი და 120 თუნგი ღვინო.
 მთელს სოფელს შეაწერდნენ აგრეთვე პირუტყვს ისე, რომ
 ათს კომლზე მოდიოდა ერთი ძროხა და რამდენიმე ცხვარი
 და ქათამი. სახასო ყმათ ედვათ გადაუწყვეტელი ხარჯი, მათ
 შეაწერდა სახლთხუცესი „თავის შეხედულობით“. 4) მეფის
 შემოსავალს შეადგენდა აგრეთვე ჯარიმა: ქურდს ერთმეოდა
 ერთი—ხუთად. ამ ხუთი ნაწილიდან ორი შეირიცხებოდა სა-
 ხელმწიფოდ, ორი წილი ეძლეოდა უხუცესს; 5) ქონება უმემ-
 კვიდრეოდ ამოწყვეტილისა შეირიცხებოდა სამეფოდ **). ამას-
 თანავე აღსანიშნავია, რომ კერძო საკუთრება მეფისა და სა-
 ხელმწიფო ქონება როდი იყო განსაზღრული—ორივე მეფის
 სარჩო იყო. დედოფალს შემოსავალი ჰქონდა საკუთრად: 12
 ქისია და 274 კომლი აზნაური და გლეხი. მისი შემოსავალი
 არ აღმატებოდა 2000 მ.; ბატონიშვილებს ჰქონდათ საკუ-
 თრება—საბატონიშვილო.

მეფის ქონების გამგებლობისათვის სახლო-ხუცესს ჰყავდა
 თანაშემწენი: 1) ხაბაზთ-უხუცესი. იმ თანამდებობაზე ამოირ-
 ჩეოდა ყოველთვის თავიდი ნიერაძეთაგანი. ის იგზავნებოდა
 ხორბლისა და ღომის მოსაკრებად, თითონვე იყო მოვალე მის
 შენახვისა და ამ შრომისათვის შას ეკუთვნოდა მეათედი ნა-
 წილი; 2) მელვინეთ-უხუცესი: სვიმონ წერეთელი და ერთი
 იოსელიანთაგანი; ესენი აგროვებდნენ და ინახავდნენ ღვინოს,
 რისთვისაც მათ ორივეს ერთად მიეცემოდათ მეათედი; 3) მე-

*) სოლომონ მეფის დროსაო,—უამბობს მოხუცი ს. მერკვილაძეს
 („რაჭა“, გვ. 671),—გადასახადი თვითონეულ ოჯახზე ორი აბაზი იყო, მე-
 ტი ჩვენ არა ვიცოდით-რათ. მხოლოდ ხან და ხან სოფელზეც თითო
 თაინს (ძროხას ან ხარს) მოჰკრეფდნენ. ხოლმე მეფის და მის ამალის გა-
 სამასპინძლებლად.

**) ფურცელაძე. „Груз. двор. грамоты“, გვ. 54.

სტუმრეთ-უხუცესი: ამ თანამდებობაზე ირჩევდნენ ისელი-ანთაგანს, და ან საყვარელ მისთაგანს. ესენი მოაგროვებდნენ პირუტყესა, რისთვისაც მათ ეძლევოდათ ტყავი და თითო ბა-თმანი ხორცი თითო ძროხაზე.

მეფესთან იყვნენ შემდეგი თანამდებობის პირნი: 1) მორ-დალი ანუ ბეჭდის შემნახავი (ავალი შეილთაგანი). სიგელზე ბეჭდის დამსმელს აძლევდნენ ხუთს მარჩილს კომლზე და იჯა-რიდან თითო მანეთზე ოროლ გროშს; 2) მაღლფეთ-უხუცესი (წერეთელთაგანი): მათ ებარათ სახელმწიფო ფული და ქო-ნება; იღებდნენ მეათედს საჩუქრის გაცემის დროს *); 3) ფა-რეშთ-უხუცესი (აზნ. აბაშიძეთაგანი). ებარა მათ საჭმელ-სას-მელი მეფის სახლისა; ეძლეოდათ საჩუქრი მეფის ნებით და მეათედი მეფისაგან ნაბოძები ტანისამოსისა, მეფის ძველი სა-ლამური ტანისამოსი, ქვეშსაგები, ხალიჩები, ალთაფი, ტაშტი და სხვ.; 4) მეჯინიბეთ-უხუცესი (თავ. აბაშიძეთაგანი): ეძლე-ოდათ მეათედი მეფისაგან განსაჩუქრებული ცხენი; მეფის ჯო-გიდან კვიცი და თვალ-წამხდარი ცხენები; მეფის ომში და ნადირობაში გამონაცვალი ტანისამოსი და ძველი უნაგირი; 5) ბაზიერთ-უხუცესი (აზნ. ყროჩევთაგანი): ამას ებარა მეფის მიმინო, ქორი, ბაზიერი და სხვ.; 6) მეჯალლეთ-უხუცესი (თავ-დგირიძეთაგანი), რომელსაც ებარა მეფის ძალლები. ამ ორს მოხელეს ჯამაგირად ჰქონდათ მეათედი ფრინველისა და სხვ. სტაგისა, რომელიც გროვდებოდა ქორთა და ძალლთა საზრ-დოდ. რასაკვირველია, როგორც თავ. ზურაბ წერეთელი სწერს, ჰქონდათ საერთო მოხელეებს სხვა სარგებლობაც, მაგალითად, მომატებულს ხარჯს აგროვებდნენ და ან მეტად აფასებდნენ მეფის ნაჩუქარს, რათა მეტი სარგებლი მიელოთ, ხშირად ძა-ლად აფუჭებდნენ ქეჩებს, და სხვ. სოლომონ მეფის დროს იმე-

*.) დედოფლის მამულებს ყურს უგდებდა ბოქაულთ-უხუცესი ვახუ-შტი წერეთელი, რომელსაც ამ თანამდებობიდან ჰქონდა დამტკიცებუ-ლი შემოსავალი. („Двор. грамоты“).

რეთი ექვს მაზრად იყო გაყოფილი. სამოქალაქო გამგებლობისათვის: ვაკე, ოკრიბა, საჩხეიძეო, არგვეთი, რაჭა და ლეჩხუმი. სამოურავონი იყვნენ: 1) ქუთაისისა (თავ. წულუქიძეთაგანი), 2) საჩხერისა (თავ. წერეთელთაგანი), 3) ლომისიათხევისა (აზნ. მაჭავარიანთაგანი), 4) ხონისა (აზნ. აბულაძეთაგანი), 5) საპაიჭავოსი (თავ. ლოროტქიფანიძეთაგანი), 6) საჯავახოსი (თავ. ლოროტქიფანიძე), 7) საჭილაოსი (აზნ. კორძია), 8) ფარცხანაყანევისა (თავ. ნიუარაძე), 9) გეგუთისა (თავ. იაშვილი), 10) რიონისა (აზნ. მესხი), 11) ვარციხესა (თავ. წერეთელი), 12) სიმონეთისა (აზნ. კლიძიაშვილი), 13) მუხურისა (აზნ. საყვარელიძე), 14) საზანოსი (თავ. ავალიშვილი), 15—16) საქარისა და კვარისა (თავ. აბაშიძე), 17) მანდისა და ხილის-კარისა (თავ. ლეონიძეთაგანი), 18) გალულისა, ლერბისა, ჭაღრათისა (თავ. ჯაფარიძე), 19) ჭყვიშისა (თავ. გელოვანი) და სხვა. დასახელებული მოურავნი ცხოვრობდნენ, ან მეფის ციხეში, ან საცა სიხასო ყმანი იყვნენ.

საეკკლესიო მამულების მოურავებად ირჩეოდნენ ეკლეგ-სიის ნება-დართვით. მოურავი შემოსავალს გაჰყოფდა ხშირად იმდენ ნაწილად, რამდენი ოჯახიც იყო იმათ გვარში. მოუ-რავი შემდეგი სარგებლობა ჰქონდა: მოზაურობაში სასმელ-საქმელი ეძლეოდა მოუკლებლივ და სახლში ძღვენი. სარგებ-ლობდა ამორჩევით ერთი სახასო გლეხით, რაც დებულება იყო. ქვრივების სახეემო ეკუთხნოდა მას. მოურავს მოუქნავ-დნენ, დაუთესავდნენ და მოუმკიდნენ; ეძლეოდა მსახური და მეფის ნაჩუქარიდან მიეცემოდა რამდენიმე ნაწილი.

ქუთაისის მოურავს საზრდოდ ჰქონდა: იჯარების შემო-სავალი მარილისა, თევზისა, საქონლისა, საქმის გარჩევისა. მას ეკუთვნოდა სარდლობის ხარისხი. სამართალს აწარმოებდნენ მდგანბეგნი ან სახლში, ან „ჩრდილოვან ხის ქვეშ“. სამოქა-ლაქო საქმე განირჩეოდ ფიციო (*); უნდა დაეფიცნა პასუხის

*) ფურცელაძე. „Груз. крестьянскія грамоты“, 83, 104.

მგებელს რამდენიმე თანამოფიცარითა, რომელნიც თანასწორნი უნდა ყოფილიყვნენ მოჩივრისა ხარისხით. ათს მარჩილად ღირებულს საგანზე საჭირო იყო ერთი თანამოფიცარი, ოცს მარჩილზე—ორი და სხვ. ვინც ვერ იქირავებდა საჭირო რიცხვს მოფიცართა, ის გამტყუნდებოდა. შეადგენდნენ პატარა ბარათს და აქვე აძლევდნენ გამართლებულს მხარეს. როცა ირჩეოდა საქმენი გაცარცვისა, მკვლელობისა, ტყვეთა გასყიდვისა, მაშინ მდივანბეგნი მოიწვევდნენ მოწმეთა და ჰეშმარტების დასამტკიცებლად დამნაშავეს თავს ამართლებინებდნენ გახურებულის რკინით, მდუღარე წყალითა და ხმალში გასვლით. რადგანაც ვახტანგ მეფის კანონით კაცის მკვლელს დიდი ჯარიმა ედვა ფულად, ამიტომ სხვანაირ მიუწყოდნენ: 1) ვინც წინადვე განზრახვით მოჰკლავდა კაცს, მას დასწვამდნენ, ან ცოცხალს დამარხევდნენ და მოკლულის სასარგებლოւდ ფულსაც ახდევინებდნენ. 2) ვისაც გაეყიდნა სამზე მომატებული ტყვე, მას ორივე ხელ-ფეხს მოსჭრიდნენ; სამზე ნაკლების გამყიდავს—ან ხელს, ან ფეხს მოსჭრიდნენ. ნაქურდალი ერთი ხუთად გადახდებოდათ. ქურდებისა და ავაზაკების პოვნა ვალიად ეღროთ ხევისთვით (თავ. ბარათა შვილთ), რომელნიც იღებდნენ ჯარიმის მეხუთედს. სამოქალაქო საქმე დაბოლოვებული ჯარიმის გამორთმევით აღსრულებაში მოჰყავდათ ბოქაულებს. ამათ ეკუთვნოდათ მეთედი მამულის ფისისა ან ჯარიმისა: თითო აბაზი მოფიცარზე, თითო ოჯახიდან საურის აკრეფაზე ცამეტი ფარა. ამ შემოსავლიდან ბოქაულთ-უხუცესი აძლევდა ნაწილს ბოქაულებს. უკმიაყოფილონი დიამბეგთა განაჩენით, ჩივლიდნენ მეფესთან. მეფე კვალად გაარჩევინებდა საქმეს და ხან თითონ აპატიებდა დამნაშავეს სიკვდილით დასჯას.

სოლომონ მეფის დროს იყვნენ სამნი სარდალნი. უფროსს მათ შორის, თავ. ქაიხოსრო წერეთელს, ჰყავდა განმგებლობაში ჯარი ახლადელის შორაპნისა და რაჭის მაზრისა. იმას ჰქონდა ორი ბაირალი: ერთი მწვანე აბრეშუმის ფარჩისა წმ.

გიორგის ხატით *), მეორე—წითელ აღგილიანი ფარჩისა და ზედ გამოხატული ჯვარცმა იქსო ქრისტესი; ოკრიბის სარ-ლალს თავ. აგიაშვილს ჰქონდა თეთრი და ჩალის ფერი ბაი-რალი, ზედ გამოხახული ჯვარით მზე-მთვარით; ჯარი ვაკისა (ქვემო იმერეთისა) ებარა თავ. სვიმონ წულუქიძეს თავის ბაი-რალით. ვინც ომში მოერიდებოდა სამსახურს, მას ყაბალახის მაგივრად დახურავდნენ ლეხაქს; ვინც ახირებით უარს ჰყოფდა ომში წასვლას, მას ჩამოართმევდნენ ყმას. ღირსეულთ სამსახუ-რისთვის ასაჩუქრებდნენ თოფით, ცხენით, თანამდებობით. მაგ-რამ ომში უფრო საშოგრისათვის მიდიოდნენ, დავლის მოსა-პოვებლად, რასაც მეფე ვახტანგი დაწვრილებით განმარტავს. თუ წალებული საგზალი თვითონეულს თავისთვის არა ჰყოფ-ნიდა. მოჰკრეფავდნენ გარეშემო მდებარე სოფლებში, უთა-ნასწოროდ, ვინც შეხვდებოდათ. მშვიდობიანობის დროს ჯარს დაითხოვდნენ და რჩებოდნენ მხოლოდ მეფის გუშაგნი. ზოგ-ზოგს ციხეში ეყენათ ჯარი და ზარბაზნებიც ბოლოს დროს იმგვარს ციხებში, როგორიც იყო კვარის ციხე, ჩხერი, ნაგო-რევი, ხოტევი და სხვ.

ასეთი ცნობებია იმერეთის სამეფოს გამგეობაზე დაბეჭ-დილი ეურნალს „ცისკარში“ (1860 წ., წიგნი პირველი).

სოლომონ მეფის სახელმწიფო მოქმედებას ასურათებს აგ-რეთვე ჩვენამდე მოღწეული გუჯრები და სიგელები. იგი ცდი-ლობდა სიყვარული მოეპოვებინა დიდ-კაცობისა და ხშირად თავის ინტერესს ანაცვალებდა მათ გაძლიერებას. აჩუქა 1789 წ. თავ. ნიკოლოზ წერეთელს, სამეფო სახლის ბავშვობიდან თავ-განწირვით მოსამსახურებს, ბერის ბარათაშვილის მამული, რო-მელიცა კანონით ეკუთვნოდა თვით მეფეს. ასევე მოიქცა 1792 წელს, როცა მერაბ ნიუარაძეს გადასცა ზაალ ნიუარაძის მა-

*) სტეფანის სიუნაქელი, სომხეთის ისტორიკოსი XIII საუკ., ამ-ბობს, რომ ივერიის მეფეს დროშა ჰქონდა თეთრის ფერისა წითელის ნიშნით, ხოლო ორბელიანთ გვარს—წითელი დროშა თეთრის ნიშნით.

მული, თუმცა იგი მეფეს უნდა რგებოდა, რადგან პატრიონს
მემკვიდრე არ დარჩა. მამულებით დაჯილდოების გარდა, სამ-
სახურისთვის სოლომონმა ღირსებით ამაღლებაც იცოდა. ანდ-
რია პარიმაშვილს, მოზღვეულს ვაჭარს, აზნაურობა უბოძა.
1806 წ. დაუმტკიცა აზნაურობა ვასილ ხუცაშვილს, რომე-
ლიც 1780 წ. ვაჰვა რუსეთს კათოლიკოზს და სარდალს თავ.
ზურაბ წერეთელს, მეფის ელჩებს იმპერატორის წინაშე. დიდი
მწყალობელი იყო სახლო-ხუცესის თავ. ზურაბ წერეთლისა *).
ამის და ამის ძმისწულს სარდალს თავ. ქათოსრო წერეთელს
ჩამომავლობით დაუმტკიცა 1805 წ. ყმა და მამული რაჭის
ერისთავისა. ყმების გადასახადის შემსუბუქებაზედაც უზრუ-
ნავს მეფეს. მან გაანთავისუფლა 1809 წ. გლეხნი ბერიაზალა-
შვილნი სახელმწიფო ჯარიმისა და ხარჯისაგან; ღვინო, ღომი
და ფრინველი აღარ ედოთ ვალიდ მამის სუფრაზე მისატანად.
მწყალობელი იყო იგი ეკკლესიისა და სასულიერო წოდე-
ბისა: კარის ეკკლესიის მღვდელს იესე გრიგოლაშვილს დაუ-
ბრუნა ცხენი, მოპარული ჩხედისაგან, და ამსთანავე მოპარ-
ვისთვის დასაჯა ქურდი მით, რომ მისი ყმა და მამულიც მას
უბოძა (1797 წ.). სარდალს თავ. ქათოსრო წერეთელს 1800 წ.
უბრძანებს მეფე: „თუ გიყვარდე, ერთი მოჯალაბე უშოვი და
აჩუქე დუქანოზს ოქროპირსაო“ 1797 წ. დაუმტკიცა იერუ-
სალიმას ეკკლესიის მამული და გადასახადი, რომელიც წინა-
პართ დაედოთ იმერეთის სოფლებისათვის. ისეთივე გუჯარი
განუახლა ბიჭვინთის ეკკლესის. საყურადღებოა, რომ მეფე
სრულს თავისუფლებას აძლევდა სარმუნოების მაქადაგებ-
ლებს. 1803 წ. იგი იძლევს კათოლიკეთა პატერებს სიგელს,
რომლითაც მთ ეძლევათ ნება მოაქციონ პაპის ერთგულიდ
სუკველა, ვისაც კა სურვილი აქვს. ამგვარი მრავალლირე-

*.) 1803 წ. მეფემ გაგზავნა იმპერატორ პავლესთან აზნაური ნონია
ბაანდურაშვილი გამოსათხოვად ეკატერინე მეორისაგან ზურაბ წერე-
ლისთვის დაპირებულ 18,000 მან.

ბიანი მეფის სიცოცხლე მოისპო უდროოდ უცხო ქვეყანაში,
პატრი-ახლილი და დავიწყებული.

სათხოვარი მუხლები, უქვეშეკრდომილესად წარდგენი-
ლი საუმაღლესო დასამტკიცებლად, შემდგი იყო *).

1) მე სოლომონ, ბაგრატიონთა ჩამომავალი, მეფე სრუ-
ლიად იმერეთისა და კანონიერი მფლობელი იმერეთის სამე-
ფოისა, ამ აქტის ხელმოწერის დღიდან, ფიცითი დაპირების
აღსრულების შემდევ თვით და ყოველი ჩემი კანონიერი მემ-
კვიდრეებით და სრული ჩემი სამეფოთი ვენდობი სამკვიდრო
და ერთგულს ყმობას და ქვეშევდრომობას უმაღლესის სრუ-
ლიად რუსეთის სახელიწიფოს აწ ბედნიერად მფლობელს უუგა-
ნათლებილეს და უუმორჭულეს დიდს ხელმწიფე იმპერა-
ტორს ილექსანდრე პავლოვიჩს, თვითმშეყრიბელს სრულიად
რუსეთისას და მისს მაღალს მემკვიდრეებს.

2) მეორე მუხლში სოლომონი იოხოვს, რომ იმპერატო-
რმა წყალობა მოიღოს, რათა იგი, ძენი მისნი და, თუ მაშ-
რობითი მემკვიდრე არ მისცა ღმიერთმა, მის შემდევ ბატონი-
შველი კონსტატინე დავითის ძე და მის ჩამომავალი უფრო-
სობით ოლქურვილნი იყვნენ იმერეთის მეფის უფლებებით და
წინაშე იმპერატორისა ერთგულობის მოვალეობით, რის და-
სამტკიცებლად გაბედნიერდეს უმაღლესი წყალობის წერილით
(გრამტიო) როგორც თვით, ავრეთვე მისი ჩამომავალი ტა-
ხტე ასკლისთანავე დამტკიცებულ იყოს გურიის იმერეთი-
საგან ხელქვეითობა.

3) მეფე იოხოვს, რომ იმერეთის სამეფოში მას ეკუთ-
ვნოდეს სამარლთლის წარმოება და მიეცეს მას კანონი, რომ-
ლის ძალითაც დაისჯებოდნენ კაცის მკვლელნი, ტყვევების
გამსყიდავნი, ქურდები და ავაზაკნი, რაღაცაც სიკვდილით

*) ვთარგმნი რუსულით და მომყავს მუხლების შინაარსი წიგნიდან
„Акты кавказ. археогр. ком.“, т. VI, дополн. и приложение
ко 2 части, № 48. ეს ხელშეკრულება დაიდო ციციანვის დროს.

დასჯა რუსეთში აკრძალულია, გენერალ ცაციშვილის სიტყვითათ.

4) ითხოვს რუსის ჯარს იმერეთის მტერთაგან დასაცველად და მშვიდობიანობის დასამყარებლად.

5) თუ ოქრო-ვერცხლისა და სხვა მაღნების შემუშავება დაიწყება, ნუ მოაკლებს იმპერატორი მას იჭედან შემოსავა-ლის ნაწილის წყალობას;

6) ახალ გაშენებულ ქალაქის შემოსავლიდანაც ნაწილი მომეცისო.

7) ამ თხოვნის სანაცვლოდ ვპირდები ერთგულებას იმ-პერატორსათ.

8) რუსის ჯარს ვალდებულივარ ავუშენო და გავუთბო სახლით.

9) ამ ჯარს უნდა ვაძლიოთ პური, ლომი, ქერი, თივა იაფე ფასადათ.

10) მაღნების შესაძუშავებლად იაფე ფასად ვუშოვნი მუ-შებსათ.

11) თუ იმერეთის ტყე გამოსადევი იქმნება რუსის ფლო-ტისთვის, იგი არ აუკრძალავს ტყე ში სარგებლობას იმ ხეებით, რომელსაც რუსეთის აფიცრები აიტჩვენ. ხოლო ხეების მო-საქრელი და გასატანი ცოტაოდენი უნდა მეფის სასარგებ-ლოდ გადაიხადონო.

12) დაღიანის სამფლობელოდან წამოყვანილ ტყვეებს და-ვაბრუნებ და მის მამულზე პრეტენზია არ მექნებათ.

13) გავწმენდავ გზას ქართლისკენ, ოდიშ და ფოთისკენ და ქარგად შევინახავო.

14) კონსტანტინე დავითის ძეს ვუთმობ მამულს, რომელ-საც ეწოდება საბატონიშვილო.

15) მეფე ითხოვს, რომ ბატონიშვილი ან ქართლში, ან რუსეთში გადაასახლონ, მისცენ შესაფერი განათლება და იმე-რეთს მოაშორონ მიზეზი აღელვებისა.

16) ნავთ-ხადგურებიდან ქართლში იმერეთზე გატარებულს

საქონელზე ბაჟს არ აიღებს, ამის მაგივრად ითხოვს რუსეთის საბაჟო შემოსავლიდან დანიშნულს ნაწილსა.

17) გადასვლა იმერეთიდან ქართლში აკრძალულ იქმნას.

ამ მუხლებს ხელს ვაწერ და ფიცია ვპირდები იმპერატორს ერთგულებასო.

ფიცი მასთან მიიღეს თავადებმაც, სახლო-უხუცესშა ზურაბ წერეთელმა, სარდალმა, ქიოხოსრო წერეთელმა და სხვ.

ახალი შეკრულობის მუხლები ტორმასოვის დროს იყო შემდეგი:

1) ჩვენ, მთელის იმერეთისა და სხვათა მეფე სოლომონ II, არჩილის ძე, მემკვიდრეობით მფლობელი უძველესის იმერეთის სამეფოისა, ბაგრატიონთ შთამომავლობისა, აღვიარებთ უდიდებულეს რუსეთის ხელმწიფე იმპერატორის ალექსანდრე I პავლეს ძის უზენაეს უფლებას.

2) პირობას ვსდებთ ახალის ქრისტიანულის ფიცით, რომ ერთგული ვიქენები მათის იმპერატორებითის უდიდებულესობისა.

3) ამ ხელშეკრულობის დამტკიცების დღიდგან, მივიღებ ფიცს თუ არა, ვიქენებით როგორც მე, ისე ჩემი შთამომავლობა, დიდის რუსეთის ტახტის ქვეშევრლომნი და მორჩილნი.

4) მათის იმპერატორებითის უდიდებულესობის მოწყალებით, იმერეთის სამეფო ჩემს ხელში უნდა იქმნეს, და ჩემ სიკვდილის შემდეგ ჩემის შვილებისა და შთამომავლობის ხელში, ასე რომ, ყოველთვის, როგორც ტახტზედ ავლენ, დამტკიცებულ უნდა იქმნენ რუსეთის ხელმწიფისაგან და თან გამოცხადებული, რომ გურია—იმერეთის ნაწილია და ვერც ვერასოდეს განშორდება!

5) მის იმპერატორებითი უდიდებულესობის უხევის ხელის მოწყალებას ზოგიერთ შემოსავლის შესახებ არ ვიქენე მოკლებული, ასე რომ, თუ ჩემს სამეფოში რაიმე ოქროს ან ვერცხლის მაღნები აღმოჩნდება, მათ დასამუშავებლად რაიმე

ქარხნები და ფაბრიკები გაიხსნება — შემოსავალში მეც ნაწილი უნდა მქონდეს.

6) პირობას ვსდებ, რომ ყოველივე მის იმპერ. უზიდებ. გან კარგულება კრძალვით და მშვიდათ მივიღო.

7) თუ ჩვენს ტყეებში აღმოჩნდა ისეთი ხეები, რომელიც ხომალდებას გასაკეთებლად ივარებებს, მაშინ არც მე და არც ჩემს შთამომავლობას არ გვექნეს ნება ფული ვითხოვთ მხოლოდ მუშის ფული, რაც ერგებათ, უნდა გადაიხადოთ და მასალას ჩემი ხალხი შევი ზღვის ნაპირას მოგრძანოთ.

8) თუ რუსეთის შემოსავლიდგან რაიმე ნაწილი გვექნება მის იმპერ. უდიდებულებების, მაშინ არც ჩვენ გადავახდევინებთ რუსეთის ვაჭრებს ბაჟს იმ საქონელზედ, რომელიც ქართლიდგან იმერეთში შემოაქვთ და ვაჭრობენ.

9) ჩემს სამეფოში ჯარი მხოლოდ 120 კაცი იდგეს, სადაც მე შეუჩის და როგორც თავ. ციციანოვის გადაწყვეტილობაც იყო.

10) ჩემთან ხელმწ. იმპერ. მხოლოდ ერთი მინისტრი იმყოფებოდეს, რომელსაც შეეძლება ჩემი ეროვნულება დამტკიცოს და შემდეგ ხელმწიფებს აცნობოს.

11) თუ ჯარს ესურვება ჩემს სამეფოზედ გამოვლა, მე მექნეს ნება ყოველგვარის ხარჯის მიცემისა მათოვის იმ ფასად, რომელიც უფრო შესაფერი იქნება.

12) დავადგენ, რომ დღესასწაულ დღეებში მოიხსენონ ჩემს ეკლესიებში ალექსანდრე პავლეს ძე და მთელი გვარეულობა მისი.

ამის მაგივრად უნდა მომეცეს:

1) ნება თავისუფალი მეფობისა, ღირსეულის ქვეშევრდომის დაჯილდოვება და უღირსთა დასჯა.

2) უსათუოდ დამტკიცებულ უნდა ვიქმნე მეფე, მეფის ყოველგვარ კუთვნილებით.

3) თუ ვინმე ჩემს ქვეშევრდომთა შორის ან ჩემს ნათე-

სავებში მეფობის უარს ჰყოფს, — რუსეთის იმპერატორი უნდა დამეჩმაროს და დამამშვიდებინოს იგინი.

4) თუ როდისმე მტერი დაცულია ჩემს ქვეყანას და საჭი-
როებამ მოითხოვა ჯარის დახმარება, საქართველოს მთავარ-
მართებელს ნება უნდა ჰქონდეს მომეჩმაროს და მტრები და-
მაძლევინოს.

5) ნება მქონდეს, როდესაც საჭიროება მოითხოვს, შიკ-
რიკი გამოვეგზავნო პირდაპირ ხელმწიფესთან, რომელსაც ჩემი
წერილი პირდაპირ უნდა გადაეცეს. ნება არა ჰქონდეს არა-
ვის ჩემი გაზავნილის კაცის დაკავებისა და ან გზიდგანვე
დაბრუნებისა.

6) ჩემს მფლობელობაში უნდა დარჩეს ლეჩხუმი, რო-
მელიც სისხლით მაქვს აღებული და რომელზედაც მაქვს ფი-
ცით მიღებული პირობა თავი. ციციანოვისაგან.

7) ამ ხელ-შეკრულობის დღიდგან არავის არა ჰქონდეს
ნება უჩემოდ იმერეთიდგან ქართლში გადასახლებისა, აგრე-
ოვე ქართლიდგან იმერეთში, თუ მთავარ-მართებლის ნება-
ყრფლობა არ არ ექნება. ვინც გადმოსახლებულები არიან
დღემდის, ისინი იქვე დარჩნენ, სადაც დღეს იმყოფებიან.

ამ ხელ-შეკრულობას გათავებ ამით და ხელს ვაწერ, რათა
ყველა აქ მოხსენებული მუხლი წარდგენილ იქმნეს მის იმპე-
რატორებით უდიდებულესობის წინაშე და მიღებული შეუც-
ვლელად *).

*) არქეოგრაფ. კომისიის აქტები, IV, გვ. 217.

„ცოდნა“-ს

მიგნის გაღაზიაში


ისუიდება უოველ გვარი ქართული წიგ-
ნები და თხეზულებანი ჩვენი მგოსანთა და
მწერალთა, აგრეთვე სკოლებში სახმარებელი
ქართულ-რუსული უოველ გვარი სახელმძღვა-
ნელოები.

აქვე ისუიდება: დარბაზის კუპლუცად მო-
სართავი, ქართველ მწერალთა და მოღვაწეთა
სურათები 30 ქ.-დგან 50 კანეიკამდე.

მსურველთ დაუყონებლივ გაეგზავნება ფას
დადებითაც.

მისამართი: ტფილისი წიგნის მაღაზია „ცოდნა“.

მაღაზიის პატრონი სოსიეთ შერველიაძე,



n 457/686

“ՅԱԴՐԵՆԱ”-Ն ԲՈՂԲՆԻ ՄԱԼԱՅԻԱՆԻ ՈԽԿՈՇԵՅՑԻ:

ՏԵՂՈՎԹԵ ԹԱՐԱ ԹԱՅԻ ՈՅԵՐԱՏՈՒՏԱ	25 կ.
ԱՐՈՒԹԵՐԻԿՈՍ ՍԱԵՐԱՄԾՋՎԱՆԵԼՈՅ, յ. ԵՐԱՄԵԼԱՇՎՈՂՈՍԱ	80 կ.
ԱՐՈՒԹԵՐԻԿՈՍ ԿՐԵՑՇՈԼՈ ԹՈՍՈՎԵ 1 ԲԱՌ. ԿՈՎՈՏ	40 կ.
ՄԵՐՈՒՅ ԵՎՔՈՂՈ ԱՐՈՒԹԵՐԻԿՈՍ ԿՐԵՑՇՈԼՈՍԱ ԹՈՍՈՎԵ	50 կ.
ՀԱՐԴՈՒԼՈ ՖՐԵՌՈ ԸՆՎԱՅՈ ՄԵ՛Գ. ալ. ԹՈՒՐԱՆԱՇՎՈՂՈՍԱ ԹՈԵՐ. 40 կ.	40 կ.
ՆՈՎՈՂՈՆՔ ԵԱՀԱՏԱՇՎՈՂՈՍ ԸՆՎԵՌԵՑՈ Ը ՖՐԵՌՈՂԵՑՈ, ՑՈՐԳՐԱՖՈՒՈՒԹ	կ.
ԿՐՈՒՐԻԿՈՍ ՖՐԵՌՈԼՈ Ը ՈՎ. ՑՈՐՄԱՀՈԼՈՍ ԸՆՎԵՐՈՒՈՒԹ	40 կ.
ԱԼՎԵՔՏՈ, (ԽՆԱՅԱՀՈ ԿՄԱՇՎՈՂԵՑՈՍԱՏՎՈՒՍ)	10 ձ.
ՀԵՇՄԱՐՈՒՐՈ ՍՈՎԱՀԱԼՈՍՏՈՒ Ը ԲԵՐԵՆ ԽԵՎԱ. ԴԵՄՈՎՐԱՅՈՒԱ	10 ձ.
ՍԱԾՈՂԵԾ ՍԱՄԱՀԱՀՈ ՍՈՎԱՀԵԼ ՄԿՈՒԵՑՎԵԼՈՒԸ	20 ձ.
ՄԵՐԱՄԱՐԻ ՄՄԵՐԵՍՈԲՈՒ ՄՄԱՄԱՐՈՒԸ Ը ԱՐՄԵԼԱՃՈՍԱ	10 ձ.
ՀԱՐԴՈՒԼՈ ՑՐՈՂՈՐՈՒԵՑՈ ՇԱՇՎԵԼՈՍԱ	30 ձ.
ՍԱՄՄՈՒԾԼՈՍԱՏՎՈՒ ԾԱՎԱԾՎԵՑՎՈՒՆՈ ՑՈՐՄԱՀՈԼՈՒԾՈՒԾ	40 ձ.
ՀԱՐԴՈՒԼՈ ԸՆՎԵՐԱՀՅԱ ՍԱՎԱՐԻՎԵԼՈՒՆՈ ՑԵՐԻԿ ՍԵՐԾՑՈՒԾՈՒԾՈՍԱ	20 ձ.
ԱՏՈ ՄՄՈՒԾԻ ՈՎ. ՄԱՔԱՐՈՒՐՈՒՆՈՍԱ	20 ձ.
ԽԱԼԵԿՈՒՐՈ ՎԵՇՔՈ ԾՊԱՌՈՍԱՆՈ ՇԵԿ. Տ. ՑԵՐԿՎՈՂՈՆՈՍԱ	10 ձ.
ՈՎՈՆԻՆ 6. ՆՈՎՈՂՈՆՈՍԱ	20 ձ.
ՑՈՂԵՐՈ ԾՈՎԵՌՈ ՈՎ. ՑՈՐՄԱՀՈԼԵԼՈՍԱ	20 ձ.
ՍՈԽԵՐԱ ԿՎԱՐՈՍԱ ՄՄՀԱՐԱՏՈՒՈՒԹ	15 ձ.
ԸՆՎԵՌԵՑՈ ՈԼՈՒ ԳՎԱՐԱԿՈՆՈՍԱ ՄՄՀԱՐԱՏՈՒՈՒԹ	15 ձ.
ԽՎԵ (ԳԽԱ Ը ԳԽԱ) ՍՈԽՈՎՈ ՄԵՐԿՎՈՂՈՆՈՍԱ	20 կ.
ԽՎԵ (ԳԽԱ Ը ԳԽԱ) ԾԱՎԱՐՈՒԾՈՒՆՈ ՄԱՔԱՐՈՒՐՈՒՆՈՍԱ	10 կ.
ՍԱՄՄՈՒԾԼՈ Ը ԿԱՎՈՒՐՈՒՆՈԾԱ ՈՎ. ՄԱՔԱՐՈՒՐՈՒՆՈՍԱ	10 ձ.
ՑՈՐՄԱՀՈԼՈ Ը ՕՐԵՎԵԼՈՆՈՆ ԸՆՎԵՌԵՑՈ ՄՄՀԱՐԱՏՈՒՈՒԹ	20 ձ.
ԿԱՐԴՈՒՐՈ Ը ԿԱՐԴՈՒՐՈՒՆՈ ԸՆՎԵՌԵՑՈ ՄԱՏԱՐՈՒՆՈ	50 ձ.
ՀԱՐԴՈՒԼ-ՀԱՐԴՈՒԼՈ ԸՆՎԵՌԵՑՈ ՄԱՏԱՐՈՒՆՈ ՑԵՐԵՎՈՒԾՈՒԾՈՍԱ	50 ձ.
ՀԱՌՈ ԱԲՇՎՈ ԿՎԱՐՈՍԱ	30 ձ.
ԾԱՎ-ԾԱՎԱԾՎԱԼՈ ԿՎԱՐՈՍԱ	1 Ձ. — ձ.
ԽԱՏԵԼԱ ԿՎԱՐՈՍԱ	20 ձ.
ՀՈՎՈՒ ԸՆՎԵՌԵՑՈ ԿՎԱՐՈՍԱ	3 Ձ. — ձ.
ՄԱԶՎԵԿՄԱՆ ԿՐՈՒՍԱԼՈՄԸ Ը ԲՄ. ԱԾՎՈԼԵՑՇՈ ԿՐՈՆԿՄՎՈՂՈՆՈՍԱ	1 Ձ. — ձ.
ԱԾՎՈԼԵՑՇՈ ՄԵՐՋ ՑՈՒՐՈՒԳԻ ՄԾՎԱՄԵՐՈՒՍԱ	1 Ձ. — ձ.
ՑՈՐՄԱՀՈԼՈ ԾԵՎԵԼՈ ՕՏՐՈՒՐՈ	1 Ձ. — ձ.
ՑԱՑԻ ԱԲԺԱՌ ԿՎԱՐՈՍԱ	10 կ.
ԾԱՎ-ԾԱՎԱԾՎԱԼՈ ԿՎԱՐՈՍԱ	10 կ.
ՕՐՈ ԳՎԱՐԴԵՐՈ ԱԾԱՄ ՑԵՐԵՎՈՒՆՈ ՄԵՌԵՆ ԿՎԱՐՈՍԱ	10 կ.
ՄՈՒՐԻ ԱՆԲԱՆ ԿԱՐԴՈՒՆԵՇԵԾ ԳՎԱՐԴՈՒՆՈ ՇՈՇՈ	35 կ.
ԿԱՅՑՈՒՐԵՑՔ ՄՈՒՐԻ ԱՆԲԱՆ 1 Ձ.	1 Ձ.

ԱԿՑԵ ՈԽԿՈՇԵՑԱ ՏԵՂՈՎԹԵ ՍԱԽԱՀԱՑԱԼՈ ՍԱԽԱ-
ՑԱՎԱԿԼՈՎԵՑՈ Ը ԿԱՐՎԵԼՑՎԱԿՈ ՔԱԿՈՒՇԼՈ ՓՈՑԵՑՈ.

ՑՈՆԿ ՄՈԽՍՄԱՐՎԵՑԸ ԲՈՂԵՑՈՑՈՍ, ԸՆՎՈՒՆԵՑԼՈՎ
ՑԱՎՔ ՑՈՆԿ ՄՈԽՍՄԱՐՎԵՑԸ ԲՈՂԵՑՈՑՈՍ, ԸՆՎՈՒՆԵՑԼՈՎ

ՑԱՎՔ ՑՈՆԿ ՄՈԽՍՄԱՐՎԵՑԸ ԲՈՂԵՑՈՑՈՍ, ԸՆՎՈՒՆԵՑԼՈՎ

ՑԱՎՔ ՑՈՆԿ ՄՈԽՍՄԱՐՎԵՑԸ ԲՈՂԵՑՈՑՈՍ, ԸՆՎՈՒՆԵՑԼՈՎ

ՑԱՎՔ ՑՈՆԿ ՄՈԽՍՄԱՐՎԵՑԸ ԲՈՂԵՑՈՑՈՍ, ԸՆՎՈՒՆԵՑԼՈՎ

ՑԱՎՔ ՑՈՆԿ ՄՈԽՍՄԱՐՎԵՑԸ ԲՈՂԵՑՈՑՈՍ, ԸՆՎՈՒՆԵՑԼՈՎ